

54063/B

EX BIBLIOTHECA



CAR. I. TABORIS.

Plates 5 & 10 wanting
one complete copy in MSL
Another bound with 21342/B

D E

AURE HUMANA TRACTATUS,

I N Q U O

Integra A U R I S F A B R I C A, multis Novis
Inventis & Iconismis illustrata, describitur; om-
niumque ejus Partium Usus indagantur.

QUIBUS INTERPOSITA EST

MUSCULORUM UVULÆ, atque PHARYNGIS

NOVA DESCRIPTIO, ET DELINEATIO.

A U C T O R E

A N T O N I O M A R I A
V A L S A L V A Imolensi,

*Philosophia & Medicina Doctore, in Bononiensi Universitate ad Incise-
onem & Ostensionem Anatomicam Professore Conducto, necnon
Nosocomii Incurabilium Chirurgo.*



D. Sa:

Pringle.

TRAJECTI ad RHENUM,

Ex Officina GUILLIELMI vande WATER, Academiae
Typographi, clō 15 ccvii.

*V. D. Paulus Carminatus Cler. Reg. Reg. S. Pauli in
Metropolitana Bononia Pœnitentiar. pro Eminentissimo,
& Reverendissimo D. D. Jacobo Card. Boncompagno
Archiepiscopo, & Principe &c.*

*De Mandato Reverendissimi Patris Inquisitoris Vidit, &
admitti posse censuit.*

12. Jun.
1704. *D. Antonius Baruchi Clericus Regularis S. Pau-
li ac Sanctissimæ Inquisitionis Bonon. Consultor.*

Stante Præfata Censura.

Imprimatur.

*F. Thomas Antonius Manganoni Ord. Præd. Vic. Genera-
lis S. Officii Bononia.*

Signe.





ILLUSTRISSIMIS, ATQUE AMPLISSIMIS
BONONIENSIS SENATUS
QUINQUAGINTA VIRIS

Optimis Patriæ Parentibus,

*Celeberrimi hujus Archigymnasii Moderatoribus Sa-
pientissimis.*

Antonius Maria Valsálva Felicitatem, & Gloriam.



Um Omnes, quotquot in Alma
hac Bononiensi Academia Ve-
stris Jussibus, atque Auspiciis
Facultates profitentur, si quid
circa injunctam sibi Materiam
in publicum edunt; id Clarif-
simo Vestro Nomini inscri-
bere communi quodam officio obstringantur; tum

*

2

ego

ego peculiari de causa id debeo, ILLUSTRIS-
SIMI, atque AMPLISSIMI PATRES. Me siqui-
dem, exterum hominem, honorifico Senatuscon-
sulto ad Novum Incisionis, & Ostensionis Ana-
tomicae Munus, me, inquam, primum, condu-
xistis; tum Muneri meo aptissimis Aedibus in Pu-
blico Archigymnasio constructis, atque assigna-
tis; verborum humanitate; favore vultuum; il-
la potissimum, æternum mihi memoranda, Pa-
tientia Vestra, qua ostendentem me audire, atque
spectare consuevistis, tot veluti illustribus Orna-
mentis, peculiariter condecorastis. Accedit, quòd
cùm aliquandò morte Præstantissimi Viri, Medi-
cum quoddam in hac Civitate conspicuum Munus
vacaret; ad quod quidem ne quis nisi Civis, aut
Vir Fama, & Virtute Celebris admittatur, lege
cautum est; me tamen ille, qui præerat, Viro-
rum Gravissimorum Coetus admitti posse, censuit;
cunctis enim Suffragiis me, qui prima conditione
carerem; secunda ornari, declaravit. Quod ho-
nestissimum de me judicium sicuti meo ingenio,
aut merito; quæ sentio quàm sint exigua; nullo
modo referre possim; ità Urbis Vestrae; imò Ve-
strummet ipsorum (nam Coetum illum multi ex
Vobis ornabant) erga me profusæ Benignitati &
retuli, & unicè refero. Quæ cùm ita sint; hunc
meum

meum de Aure Humana Tractatum, quem inter Beneficia Vestra nascentem jam tunc Vobis destinaveram, singulari de causa Nobilissimo Vestro Nomini inscribere obstringor, atque adeò inscribere audeo. Illud interim, ILLUSTRISSIMI, atque AMPLISSISSIMI PATRES, ab Humanitate Vestra expecto, ut Libellum hunc, quem humilissimè Vobis nuncupo, qua majori potestis animi, vultusque hilaritate dignemini. Qua sanè ego expectatione non excidam; si qua fronte, quove animo tot Beneficia contulistis, eodem signum hoc, quale id cunque est, grati animi excipiatis. Ad Publicam Felicitatem; ad meum Decus, ad Amplissimi vestri Ordinis Gloriam valete.

ANTO-

LECTORI S.



Urem Humanam, de qua modò hunc Tractatum edo, ut à primis ferè studiorum annis ad anatomicam perlustrationem inter cæteras Partes eligerem, duæ potissimùm causæ induxerunt; Altera, quod si vulgatas ipsius Historias sive inter se, sive cum Aure ipsâ conferrem, in multis non convenire, perspicerem; Altera verò, quòd si Partium Auris exiguitatem, & summam illius, cui includuntur, Ossis duritiem animadverterem; an tale Organum adhuc penitus perlustratum esset, vehementer dubitarem: Prima enim animo sciendi cupido istiusmodi perlustrationis necessitatem faciebat; Secunda incredibilem quandam gratiam huic operi per ipsam difficultatem addebat; Utraque simul subindicabat, multa adhuc in Aure facilè latere, quæ aut illustrari, aut augeri, aut etiam inveniri labore, & diligentia possent. Proptinus ergo arduum opus aggressus sum. Et principiò quidem cùm intellexissem, Partium simul omnium nexum, & coordinationem, si quid aliud in Aure, illustrationem exposcere; hanc verò obtineri non posse, nisi talis Auris Anatome præpararetur, quæ omnes simul ipsius Partes in naturali situ exhiberet; difficilem illicò provinciam suscepi, illam scilicet Anatomen elaborandi; non ut eo usque mos fuerat, in varia, & complura segmina Aures dividendo; sed integram totam quanta est reliquendo, nullâ fermè vel minima Parte à proprio situ dimota: quæ quidem Præparatio quantum laboris, quantum temporis; præcipuè verò quantum studii, & exercitationis exoptulet; nemo, nisi experiatur, intelliget. Simul ergo quotcunque Aures undecunque obtinere poteram, anatomico examini subicere, & singula, quæ aut clariùs, aut accuratiùs, aut noviter omninò observabam, in adversaria referre incepi.

Et jam multos annos quidquid à Medicâ Praxi, à Morbosorum Cadaverum Dissectionibus, à cæteris denique studiis vacabat

P R Æ F A T I O.

bat, id totum huic labori impenderam; cùm Amplissimi Bononiensis Senatus Beneficentiâ ad Publicum Incisionis, & Ostensionis Anatomicæ Munus in Celeberrimâ istâ Academiâ conductus sum. Quare ut me Splendidissimo illi Ordini gratum, & non minùs collato Muneri attentum quamprimùm approbarem; quæcunque in Aure observaveram, illicò vulgandi; summatim nempe, & absque ullâ connexione, prout ferè in adversariis jacebant; consilium cepi. Sed non priùs operi manum admovi; quàm senserim, nullam fermè Auris Partem esse, circa quam aliqua adnotanda non haberem; atque adeó longè satius, & majoris etiam perspicuitatis opus futurum esse; si ordinatum, atque completum de Aure Tractatum conscriberem. Itaque meam illam Novam Auris Præparationem aliquâ adhuc ex parte mancā, nec satis perpolitā, ad illud, quod potui, complementum priùs perducere; rursusque totam Auris Anatomē, præcipuè quod ad meas Additiones, aut Inventa spectabat, pluries, & pluries à capite ad calcem percurrere volui: qua in re præstandā tot Aures aperui; ut si enumerarem; jactationi potius simile, quàm Veritati videri posset.

Et hæc quidem mea de rebus sæpè spectatis, iterum, atque iterum dubitandi obstinatio, necnon Ægrorum quā Phisicā, quā Chirurgicā opem, sive coram, sive per litteras exposcentium assiduæ interturbationes, complementum Operis ad usque tempus remoratae sunt. Utrique tamen huic remoræ plurimum debeo; nam utrinque complura erui, unde Auris non solum Historiam; sed & Usus auferem. Imò nisi quædam Novæ in Ægris habitæ Observationes quodammodò coegissent; fortasse de Ufibus Auris nec verbum quidem fecissem. Aliàs enim animum Historiæ soliditati asluetum, & Experientiæ potissimum immerentem piget magis dicam, an pudet per inanes, quales quidem ut plurimum solent esse, speculationes, quasi ludicrâ exercitatione volitare. Et hinc quidem factum est, ut mea circa Auris Usus cogitata, tametsi Observationi, quantum fieri potest, innixa, novisque, & ni multum fallor, utilibus notitiis conspersa; ab ipsius tamen Auris Historiâ, ceu res diversi omninò momenti separaverim.

Itaque Tractatus hic meus ex duplici Parte constabit. Prima Humanæ Auris Descriptionem tribus Capitibus complectetur.

Al-

P R Æ F A T I O.

Altera verò in totidem Capita distributa, conjecturas meas circa ejusdem Partium Usus exponet. Nihilominus, quasi Tractatus nequaquam in duas Partes divisus esset; series Numerorum, quibus quodcunque Caput ab alio discriminabitur, à primo Capite usque ad ultimum nunquam interrupta ducetur; scilicet ne Citationes, quæ adeò brevitatem amant, æquo longiores evaderent, si in unâquaque non solum Capitis, sed & Partis Numerus indicandus foret. Scire enim juvat, quòd cum mihi placuerit & ob rationem nuper expositam, & de Descriptionis filo interturbato, obscurior hæc fieret, Historiam ab Usibus separare; placuit tamen illis etiam consulere, qui cum Partis alicujus Descriptionem legerint; ejusdem Usus; aut cum Usus viderint; simul Descriptionem habere, aliquando, ut fit, exoptabunt; ideòque in Primâ Tractatus Parte ubicunque Res aliqua describetur; ibidem in Paginarum margine indicabitur locus, in quo ejusdem Usus quærendus est; & similiter in Secundâ Parte, ubicunque alicujus Rei Usus exponetur; ibi, quò loci ejusdem Historia quærenda sit, indigitabitur; Capite nempe non solum adnotato; sed & Numero ejus Paragraphi, in quo continebitur. Etenim in hunc finem singula Capita in plures Paragraphos distribuimus, rursus verò cum istorum aliquos paulò longiusculos materiæ ratio exposulaverit; ne qui unam rem quærit, totos perlegere semper debeat; per breves rerum tractatarum summulas, juxta enim locum, in quo tractantur, ubicunque per marginem Paginarum dispositas, sufficienter prospectum est.

Et hæc quidem sive Usuum, sive Historiæ Citationes, item breves istę summulæ ex abundanti, ut modò innuebam, adjunctæ sunt; sed Tabularum, Figurarumque Citationes, in margine juxta rerum mentionem, quarum Figuræ sunt, pariter dispositæ, ex necessitate adjungi debuere; Nam Partes, quæ in hoc Tractatu describuntur, ut plurimum tales sunt, ut per nullam, vel exactissimam Descriptionem intelligi satis possint; atque adeò necessariò Delineationem Descriptioni unitam exposulant; ut scilicet, quæ per solum auditum aut segniùs, aut nullatenus intelligi possent, protinus, adjuvante visu, capiantur. In hunc ego finem quidquid ex Humanâ Aure utile fuit, ut potuit delineari, decem luculentissimis Tabulis ad vivum exhibui, copio-

P R Æ F A T I O.

pioſiſque additis Explicationibus illuſtravi: in quibus Tabulis conficiendis, nulli, non dico tantum ſumptui, ſed labori, & ſtudio peperi; ſæpè rejectis illis, quas minus rem attingere videbam, Delineationibus, & novis in illarum locum uſque inſtauratis: cui ſupra, quàm credi poteſt, diuturno labori extremam manum imponere deſperaviſſem; niſi mea illa Nova Auris Præparatio in omnibus ferè; at præcipuè in veris rerum ſitibus delineandis inſigni adjumento fuiſſet. Sed modò ſatis de labore hoc meo; maximè cum de eodem rurfus verba facere in Figurarum Explicatione contingat.

Interim quid demum poſt tot labores, & curas, quid, inquam, novi, rarive protulerim, Aliquis hîc loci interrogabit. Cui interrogationi ne hic deberem ſingulatim reſpondere, proſpexi tum paſſim per ipſum Tractatum, & ſubinde etiam per appoſitas in margine ſummulas, quæ nova attulerim, indicando; tum eadem ferè omnia in Indicem, ſive Summarium ad calcem Tractatus colligendo & in hunc ipſum finem, & ut ejus ope in promptu ſit, quæcunque aut nova, aut rara in hoc Libello videri poſſunt, quodocunque placet, comperire. Hic ergo generatim ſolummodò reſpondebo. Primò id, quod ſupra innuebam. Nullam ferè Partem in Aure occurrere, in qua aliquid non invenerim, aut auxerim, aut ſaltèm illuſtraverim; Ad hæc inter duas & quadraginta Figuras, quas exhibeo; ſi unam, vel alteram in Tabulâ III. excipias; nullam eſſe, quæ ſimiliter aut nova non ſit, aut auctior, aut ſaltèm luculentior; ſi cum jam vulgatis comparetur. Nollem interim; cum aliquot Nova inveniriſſe me, dico; Aliquem fortasſe expectare magna quædam, & quæ omnium oculos impleant, Inventa. Etenim in Minimis, iſque Minimis, quæ à tot Nobiliſſimis Anatomicis tantâ diligentia luſtrata ſunt, non niſi minima inveniri poſſunt. Attamen non omnia, ut ego ſpero, minima videbuntur; & eorum, quæ minima erunt, complura utilia; omnia verò jucunda invenientur; nam ut verbis Senecæ utar; *Minimarum quoque rerum, ſi inſolitæ prodierint, ſpectaculum dulce eſt.*

Illud multò minus vellem; quòd nempe Aliquis in pejorem partem traheret meam hanc, quæ certè à damnabili cauſa non provenit, apertiffimam libertatèm, qua ipſe de rebus meis ab-

P R Æ F A T I O.

ſque ullâ diffimulatione dico; Hoc eſt clarius: Illud accuratius: Iſtud verò novum omninò eſt. Ut enim norunt, qui me norunt; à nullâ re magis, quàm à jactatione, & elato animo longè abſum: nulluſque, ut puto, eſt, qui Clariffimos illos Auctores, qui ante me Aurem examinarunt, pluris faciat, quàm ipſe ego; qui nempe proprio labore expertus ſum, quid ſit Aurem perluſtrare. Imò tantum apud me poteſt talium Virorum Veneration; ut quamvis Veritate cogente (quam quidem unam præ ipſis veneror) eorum Anatomen, aut Cogitata defeciſſe, alicubi oſtendam; nullum tamen ibidem nomen, niſi implicitè, & generatim. Ubicunque autem Veritas emergere per ſe ipſam poteſt; neque obſcurè, & generatim illorum defectus indico; ita ut ſæpiùs eligam potiùs, aliquot eorum rationes, quæ contra Opiniones meas faciant, prætermittere, & Lectori facilè ſolvendas relinquere; quàm eaſdem adducendo, & ſolvendo, Illorum lapſus indigitare. Sed hæc præſtiti non ob ſolam tantorum Hominum Venerationem; verum quoque ob communis humanitatis conſcientiam cujus imbecillitati quemadmodum omnes obnoxij ſumus; ità omnes indulgere debemus. Illud verò totum dedi Clariffimorum Virorum obſequio; quòd impoſita ab ipſis nomina religioſè ſervavi: & cum pauca quædam immutare coactus ſum; eorum, quandocunque licuit, in imponendis nominibus mori, & genio obſecundavi, ità ut aliquandò nomina, quorum ſonus fortàſſe non ità gratus videri poteſt; potiùs adhibuerim; quàm à vulgatis eorum vocabulis penitus receſſerim.

Quæ cum ità ſint, meumque erga Majores obſequium non unâ ratione eluceſcat; illud facilè; ut puto, à meis Lectoribus obtinebo, ut ſi fortè inter tot res, quarum ſive inventionem, ſive augmentum mihi tribuo; una vel altera aliquandò, ut fit, deprehendatur, quæ apud illos, qui ante me ſcripſerint, reverà (reverà in quam) occurrat, non id ſcienter, aut malignè factum exiſtiment; ſed potiùs elapſum per communem illam cunſtis hominibus infelicitatem; qui nempe nec omnium Libros legere poſſunt, nec lectos meminifſe. Sed à prudente, & docto Lectore hæc ultrà condonantur ſic, ut longiori oratione petere opus non ſit.

Nec ſimiliter talem Lectorem præmonere neceſſum eſt, quid
cum

P R Æ F A T I O.


cum Sanioribus Philosophis accipiam; cum Naturam, & similia nominabo. Illud verò oportet, ut moneam; Quòd cum passim ad rerum quantitatem exprimendam lineæ nomen adhibeam; per tale vocabulum duodecimam partem ejus mensuræ innuo; quam Tabulâ IX. sub Asterisci notâ proponam. Ego enim inter cætera hoc etiam curavi, ut nempe in Tractatu hoc meo ferè omnium præcipuarum Auris Partium exactæ dimensiones reperiri possent; adeoque qua majori licuit diligentia, & curâ ex pluribus Auribus easdem dimensiones primò desumpsi, distinctèque notavi, deinde omnibus simul collatis, illas, quæ ut plurimum occurrere visæ sunt, in meam Historiam retuli. Sed ne, quæso, interim Aliquis sit, qui harum dimensionum colligendarum laborem præcipitanter contemnat. Nam tum ipse, quantum hic utilis sit Auditus Phænomena explicanti, ubi de Usibus Auris, ex parte ostendam: tum quisquis Organum hoc, quod ego describo, ad Sonum spectare, animadverterit; quanti longitudinum, & cæterarum ejusdem dimensionum exacta Notitia inter reliquas ipsius Historiæ Partes facienda sit, protinus, intelliget. Hæc, & similes animadversiones facient, ne prolixior videar in quibusdam sedulò describendis; ne quid fortè in Usuum Expositione supervacaneum existimetur; ne demum Figura aliqua, aut Figuræ alicujus pars inutilis censeatur; ut quidem ab incautis primâ facie judicari posset.

Denique tametsi ego, ut Scripta hæc perspicua evaderent; hinc illic per opportunam prolixitudinem, ubique verò per styli remissionem operam dederim; nullus tamen dubito, quin alicubi obscurus videri debeam. Ut enim mittam illud genus obscuritatis, quod & commune, & inevitabile est in hujuscemodi Historijs conscribendis; nempe quòd ad Partis alicujus descriptionem absolvendam, nonnulla memorare quandoque oportet, quæ necdum ipsa descripta sint; hoc certè Historiæ meæ peculiare est, ut plurimum, quæ in illa exponuntur, Partium quascunque descriptio obscura semper videatur, quia, ut supra indicatum fuit, Res tales nunquam possunt sufficienter describi; tum quia eadem, non ut complures aliæ Partes, quæ in Theatris Anatomicis sæpè, & luculenter sub omnium oculos ponuntur, non inquam, facile possunt Legentium imaginationi succurrere,

P R Æ F A T I O.

currere, & suas descriptiones sic adjuvare. Verùm si Partium Auris jam notarum descriptio non obscura esse non potest: quid de tot rerum omninò Novarum descriptionibus expectandum est. Nec verò ipsorum Usuum expositio omninò perspicua esse potest; utpote quæ earundem Rerum Novarum, atque adeò non ita promptè in Lectorum mentem redeuntium structuræ, & coordinationi non rarò innixa sunt. Polliceor tamen, nullibi tantam occursum esse obscuritatem, ut illam attentus, & non omninò rudis Lector superare non valeat, adiutus præcipuè rerum Delineationibus, quas nempe, ut superius quoque dictum est, in eundem finem perpetuò in contiguo Paginarum margine indicabimus.

Quem verò fructum attentionis suæ promittere sibi Lector possit; ex ijs, quæ passim per hanc Præfationem indicata sunt, ex parte jam videt, & ex Indice magis adhuc videbit; sic ut liceat mihi ab illâ re singillatim recensendâ hîc loci abstinere. Ut verò summatim dicam; spero fore, ut neque Anatomicos, neque Chirurgos, neque Medicos neque Philosophos omninò poeniteat Libellum hunc perlegisse; sed neque etiam Mathematicos; nam quantum ipsos de illâ Facultate, quæ circa Visionis proprietates versatur, conscripturos, Oculi Anatomen novisse decet; tantum eosdem in illâ, quæ circa Sonos, Auditumque consistit, Facultate edisserendâ, Auris Anatomen callere convenit: rursus quantum Lentes, Camera Optica, & similia secundum Oculi structuram elaborata Instrumenta ipsis, dum Opticam exponunt, adiumento sunt; tantum Instrumenta juxta exactam Auris, aut ejus Partium fabricam constructa, eosdem Auditus Proprietates contemplantes; facile juvabunt. Atque utinam tantum mihi otii concessum fuisset, quantum ad talia Instrumenta construenda, experiendaque requirebatur; ut credo, me ipsis adiutum, & plura, & meliora, in meis circa Auris Usus Disquisitionibus propositurum fuisset. Verùm Præfatio, me quasi non sentiente, multò supra, quàm voluissem, excrevit; nec te amplius, o Lector, morari convenit Vale.



D E

AURE HUMANA

TRACTATUS

PARS PRIMA

Continens Auris Descriptionem.

Auriculæ, & Meatus Auditorii, sive Exterioris Auris Cavitationis Descriptio.

CAPUT I.



E Aure Humanâ acturus, eandem in Tres Cavitates, scilicet in Exteriorem, Mediam, & Interiorem divido. Exterior Auriculam, Meatumque Auditorium; Media Tympanum; Interior verò Labyrinthum comprehendit: De quibus singulis,

Auris Divisio

Ordo scribendum.

atque in ipsis contentis Partibus eodem fermè ordine scribam, quo scrutantium diligentiaè successivè se produnt.

II. Exterior igitur Auris Cavitas Auriculam, & Meatum Auditorium complectitur. Auricula Pars illa est omnium oculis obvia, quæ in Capite extra Os Temporum prominet. Nonnullis, eisque tortuosis Eminen-

Auricula, & primò ejus Eminentia, & Fovea. Earundem Delineationem. Vide Tabulâ I. Figura I.

A

tiis,

Usum verò
Capite IV. Nu-
mero II.

tijs, ac Foveis & elevatur, & deprimitur. Eminentia-
rum extima, quæ Helix est, à Conchâ exsurgit, quam
in duas Cavitates videtur distinguere; hinc contorti-
aggeris in modum majorem Auriculæ portionem, &
præcipuè versùs superiora circumambit; ac ad postica,
superato illius dimidio, quasi complanata paulatim ob-
literatur, & in illam infimam, mollemque Appendi-
culam abit, Lobum Auriculæ dictam; cui nimirum
Fœminæ ornamenta committunt. Descriptæ Eminen-
tiæ interiora versùs altera Eminentia opponitur, quæ
Anthelix est. Hæc bipartito mediante Foveolâ prin-
cipio, in Auriculæ anteriori, & quasi superiori parte
incipit; indè unita, deorsum curvo progressu vergens,
sensim gracilescit, quo usque aliam Eminentiam, vel-
uti distinctam, & supra Auriculæ Lobum locatam con-
stituat, quam Antitragum dicunt, & hoc quidem ob
alteram Eminentiam, quam fermè è directo respicit,
Tragum, seu Hircum nonnullis vocitatam. Foveæ de-
scriptis Eminentis interjectæ sunt, quæ diversas forti-
untur denominationes; Illam enim, quæ inter Heli-
cem, & Anthelicem excurrit, nonnulli Innominatam;
quæ verò inter principia Anthelice excavatur, Sca-
pham vocant; quæ demum ab Anthelice, Helicis por-
tione, Trago, & Antitrigo ambitur, omnium maxi-
ma, Concha nominatur: in duas quodammodò distin-
cta Cavitates, Superiorem nimirum, & Inferiorem. Sed
in harum Cavitatum, atque Eminentiarum nominibus
variatiim ludunt, nec sibi ipsis ubique constant Ana-
tomici.

Auricula Cutis
& Glandula Se-
bacea noviter
inventæ.

III. Auricula Eminentis, ac Foveis sic configura-
ta, vestitur Cute, quæ hîc præter communem sui tex-
turam plurima nanciscitur foramina, præcipuè in Con-
châ,

châ, Scaphâ, & Innominatâ Cavitate, necnon in parte posteriore Conchæ usque ad Capillitium. Hæc ubi hiant, sæpè Cutis veluti in minima tubercula assurgit: & si fiat expressio; materia sub formâ vermiculorum erumpit; quæ naturaliter exiens, postmodum exsiccata, in furfuraceas distincta particulas in indicatis locis colligitur. Hujusmodi materia à subjectis Glandulis separatur, quarum natura; si earum excreta attendantur; eadem est cum illis, quæ in Spinâ, Alisque Nasi, necnon in aliis Faciei Partibus, præcipuè verò sub Palpebris, occurrunt. Tales Glandulas usque adhuc in Auriculâ à nemine observatas, ut ab aliis discriminem, quæ in hac primâ Auris Cavitate considerantur; attentâ secreti humoris cum Sebo similitudine, Glandulas Sebaceas dicam. Similes Glandulas adesse in capillata Capitis parte, necnon in quibusdam aliis Corporis regionibus, præter expositas, est conjecturæ locus. In capillatâ Capitis parte præbet dubitandi ansam illa unctuositas, quæ sæpè in eodem percipitur, insimul cum furfuribus illis, qui inter pectendum é Capite decidunt. In aliis locis idem potest coniici ex unctuositate quadam, quæ in indusiis, præsertim in aliquibus Subjectis, circa Collum, & Scapulas solet manifestari. Cuti Membrana substernitur Adiposa, quæ hic tale nomen mereri non videtur; cum vix aliquam exhibeat pinguedinis speciem præter illam paucam, quæ ad Auriculæ Lobum, & partem Helicis inferiorem occurrit.

De Harum Ufu
Vid. Cap. IV.
Num. IV.

Glandula ejus-
dem naturæ sub
Palpebris.

Glandula ejus-
dem naturæ for-
tassis in pluribus
aliis locis.

Membrana Ad-
iposa Auriculæ.

IV. Cute, & Membranâ Adiposâ ab Auriculâ remotis, Cartilago Indagantium scrutinio objicitur. Ab hujus consistentiâ Eminentix, & Fovæ jam descriptæ effinguntur; si Auriculæ Lobus excipiatur, & pars Helicis inferior, quæ à simplici Communium Integumen-

Auriculæ Cartila-
go.

Delin. Vid.
Tab. I. Fig. II.

Usum Vid.
Cap. IV. Num.
II.

torum duplicatione construuntur. Eadem Cartilago ad Auriculæ medietatem inferiora versùs, quâ Helicis extremum producit, ab Anthelice disjuncta spectatur. De cujus Cartilaginis alijs disjunctionibus, ubi eadem Meatus Auditorii principio continuatur, alia superessent notanda; quæ ad ejusdem Meatus Historiam consultò omittuntur. Rursus hæc Cartilago ultra superiùs enarratas Eminentias quendam obtinet Processum, usque adhuc ab Anatomicis prætermisum, & solum oculis obuium post diligentem Cutis separationem; nobis tamen ob Ligamenti inferiùs describendi insertionem non omittendum. Hujusmodi Processus exiguus, & acutus est, & in parte anteriori Cartilaginis collocatur, ubi Helix immediatè supra principium Meatus Auditorii Conchæ cavitatem claudit.

*Noviter inventa
Glandulæ Tragi.*

*Delin. Vid.
Tab. I. Fig. I.*

V. Super hac Cartilagine ad Tragus versùs Faciem quædam Glandulæ deteguntur, de quibus hucusque nulli meminerunt. Hæ parvi ciceris extensionem solent habere, aliquandò duæ, aliquandò tres; at sæpè unica tantum existit: quod cum est; tunc aucta magnitudo numeri compensat defectum. Earundem inquisitio debet exactè institui; quia cum Parotide ad Tragus extensâ, quandoque confunduntur; sed tamen hoc oculus, atque diligens Anatome pulchrè distinguit; quia illæ differunt ab istâ ob compositionem, quam sibi vindicant, ex toto similem Inguinalibus, & Axillaribus, necnon alijs Glandulis, per quas Lymphatica ingredientia, & egredientia pervadunt. Porro illas Glandulas nomine Glandularum Tragi accipio.

*Auricula Mus-
culi.*

*Usam Vid. Cap.
IV. Num. III.*

VI. Ultra Partes hæctenus in Auriculâ consideratas, accedunt Musculi; quorum aliqui, cum uno tantum extremo Auriculæ adnexi, reliquo suo corpore extra

extra ipsam jaceant; Externi; alii verò, cum utrumque extremum intrà Auriculam obtineant; Interni à me nuncupantur. Externorum unus Superior; tres Posteriores à situ dicuntur: quorum omnium Inventio debetur Casserio. Istis nos unicum Anteriorem addimus. Musculus Superior, qui à fibrarum carnearum quasi simplici plano construïtur, circa Musculi Temporalis medietatem sparsis fibris exoritur; hinc descendendo, & simul latam suam expansionem aliquantùm constringendo, multis fibris tendineis sparsim in partem superiorem Conchæ, nec non Scaphæ à tergo infigitur. Musculi Posteriores Auriculæ quandoque quatuor, quandoque duo; sed ut plurimum tres adnotantur: & quando solum duo se manifestant; tunc unus ex illis duplicato tendine versùs Concham deferri solet. Horum Musculorum in numero varietatem non solum in diversis; verùm etiam in eodè Subjecto quandoque vidi. Tres itaque Musculi frequentius (non verò simplex fibrarum carnearum massa, ut Quidam tradiderunt ex Recentioribus) in Auriculæ posteriora inferuntur. Hi successivè unus infra alium; origine tamen quasi unità; ob Osse Temporalis supra Processum Mamillarem excurrentes, demum versùs Auriculam delati; triplici distincto tendine ad partem posteriorem Conchæ perveniunt; ad quam Medius pertingit è directo ei loco, ubi Helix à Conchâ elevatur; reliqui duo parum distantes ad ejusdem latera disponuntur. At sicut hi Musculi variant, ut scripsi, in numero; variant etiam non ità rarò in modo incedendi. Frequenter enim Lateralium Musculorum fibræ Medii fibras super-scandunt: aliquoties parellelo ordine pergunt: & tendines aliquandò paulò inferiùs; aliquandò paulò superiùs

*Externi.**Delin. Vid.
Tab. I. Fig. III.**Musculus Superior Auriculae.**Musculi Auriculae Posteriores.*

rius Conchæ alligantur. Ex quibus differentiis subor-
tæ sunt Auctorum discrepantiæ in horum Musculorum
numero, & positu, ut ex eorundem Scriptis liquet:
quod non evenisset, si pluries in diversis Corporibus
ijdem Musculi quæsitæ essent. Nam ex multiplici ob-
servationis usu impetratur, quid in Naturâ sit perpe-
tuum, quid usitatus, quid indifferens, & quid ra-
rum. Musculus denique Anterior noster à Membra-
nâ Temporalem Musculum vestiente, immediatè su-
pra exortum Processus Zygomatici ab Osse Tempo-
rum, enatus, rectâ versùs Auriculam tendit; quam an-
tequam attingat; in duas dividitur partes, quarum al-
tera in partem anteriorem Superioris Conchæ Cavita-
tis; altera verò paulò superius in partem anteriorem
Cavitatis Scaphæ infigitur. Musculis Externis aliquan-
dò accedunt Fibræ Carnæ à Musculo Quadrato Colli
ad partem Auriculæ inferiorem delatæ.

*Auricula Mus-
culus Anterior
noviter inventus.*

*Musculus Auri-
culæ Interni no-
viter inventi.*

Delin. Vid.
Tab. I. Fig. IV.

VII. Externorum Musculorum examen Descriptio
excipit Internorum; qui videlicet utrumque extremum
intrâ Auriculam habent, & quos hætenus non indica-
runt Anatomici. Hi sunt numero bini: & licet par-
vi sint; attamen omnium oculis fient conspicui, maxi-
mè si in Cadaveribus eorum, qui non fuerint macie
confecti, illorum instituatür indago. Unus ex istis Tra-
go; alter verò Antitrigo donatur: unde primum Mus-
culum Tragi, & secundum Musculum Antitragi dicam.

Musculus Tragi. Musculus Tragi fibris carneis externam Tragi faciem
occupat, ambitu ferè circulari circumscriptus. Mus-
culus Antitragi basim habens ad partem posteriorem An-
titragi, & Pyramidis in formam assurgens, in margi-
nem Conchæ inferitur, ubi Anthelix desinit. Istis
Musculis in Auriculâ associantur Fibræ Carnæ, quæ à
gib-

*Musculus Anti-
tragi.*

*Fibra Transversa
in gibbo Auricu-
læ.*

gibbo Conchæ circa ejusdem dimidium recedunt, & in Anthelicem transversè extenduntur, ubi hæc marginem Conchæ elargitur. Hæ verò sensibiliores sunt in parte mediâ, quàm in superiori; adeò ut in istis aliquandò ex toto abscondantur.

Delin. Vid.
Tab. I. Fig. III.

VIII. Auricula, ut continuatam cum Meatu Auditorio Cavitatem componat, debitum que situm conservet; Ossi Temporum firmiter alligatur. Quippe præter connexiones, quas obtinet per Musculos suos Externos; membranaceos habet nexos eandem circumplectentes, quorum ministerio eidem Ossi unita existit. Hi validiores, & distinctiores sunt in parte Auriculæ anteriori, quàm in reliquis. In illâ enim; licet adhuc ab aliis memoratum non fuerit; facilè obvium est Ligamentum quoddam, per quod Acutus ille Processus in Auriculæ Cartilagine indicatus, necnon pars superior Cartilaginis Meatum Auditorium componentis Ossi Temporalis annectitur, quò loci Zygomaticus Processus ab isto erumpit.

Ligamentum
Auriculæ No-
vum.

IX. Exteriorem Auris Cavitatem Meatus Auditorius complet. Hic Canalis quidam est à coarctatione Conchæ incipiens, & usque ad Tympani Membranam per Os Temporum transversè progrediens, ità tamen, ut à situ verticali secundùm altitudinem versûs Faciem declinet. Ejus cavitas Cylindro Ellyptico assimilari potest; qui tamen non rectà; sed serpentino incessu procedat. Ipse enim principio parùm ascendit; indè circa dimidium sectione circulari curvatur deorsum; iterùmque ascendit; demùm, maximè suâ parte inferiori, ad Tympani descendit Membranam, à quâ obliquâ sectione clauditur sic, ut faciat cum hac obtusum angulum, parte superiori, & posteriori; acutum verò anteriori, & in-

Meatus Audito-
rius.

Delin. Vid.
Tab. III. Fig. I.

Incessus Meatus
Auditorii accu-
ratiùs descriptus.

Usus Vid.
Cap. IV. Num.
V.

*Verum Meatus
Auditorii Inces-
sum observandi
Novus modus.*

& inferiori. Sed ut hujus cavitationis configuratio clarè percipiatur; ad quam dilucidè explicandam verba minùs sufficere, intelligo; nullus aptior modus est; quàm si cerâ, vel alio liquato corpore eandem repleas: ità enim ablatis postea partibus illam circumscribentibus, remanet in concretâ materiê cavitationis distincta figura, qualem quidem supra descripsi; & quæ ab eâ, quam hætenus vulgati Iconismi demonstrarunt, non parum discrepat. Canalis istius longitudo, in ipsius quidem medio desumpta, novem lineas, altitudo quatuor, latitudo verò tres æquat: quæ tamen latitudo in ipsius principio major est.

*Meatus Auditorii Pars Cartilaginea.
Delin. Vid.
Tab. I. Fig. II. &
Tab. IV. Litt. f. f.*

X. Componunt Auditorii Meatus parietes Pars Cartilaginea, & Pars Ossis Temporum. Pars Cartilaginea à coarctatâ Conchæ Cartilagine formatur, quæ versùs Faciem reflexa, & intrinsecùs elongata, si à Trago metiamur, plusquàm dimidiam Meatus longitudinem in parte inferiori, & anteriori constituit; nam partem superiorem, & posteriorem huic correspondentem supplet cum ipsâ Conchâ Pars Ossea ejusdem Meatus, de qua inferiùs. Hæc Cartilago variis in locis est interrupta per Incisuras à membranosis expansionibus tam versùs interiora, quam exteriora Meatus clausas: quarum Incisurarum mentionem primùm vidi apud D. Du Verney. Istæ autem, ut ego observo, nec figuram, nec numerum certum sortitæ sunt; sæpiùs tamen duæ observantur, prior quarum paulò superiùs; altera verò paulò inferiùs solet locari, & minorem, quàm præcedens, habere longitudinem. Interdum hæ duæ Incisuræ quasi concurrunt, angulum describentes acutum. Aliquando defectum unius, vel ejusdem brevem productionem compensant nonnulla Foramina, eandem Cartilaginem

*Meatus Auditorii Incisuræ accuratius descriptæ.
De harum Usu
Vid.
Cap. IV. Num. V.*

penetrantia, & à Membranis pariter clausa. Parti Cartilagineæ, ut indicabam, accedit Pars Ossea, sinus videlicet in Osse Temporum excavatus, qui Parti Cartilagineæ è directo collocatur, unum continuatum Canalem cum hac efformans. Ille suâ extensione; si partem anteriorem, & inferiorem spectes; quasi dimidiam totius Meatus longitudinem; si verò partem posteriorem, & superiorem; integram quasi ejusdem longitudinem æquat.

Meatus Auditorii Pars Ossea.

Usum Vid. Cap. IV. Num. VI.

XI. Totus Meatus internè cingitur Cute, quæ postquam Auriculæ indumentum præstitit; Meatum Auditorium ingreditur; & cum ad ejusdem medietatem pervenit; in Membranam gracilescit tensam; at simul humore quodam aqueo madidam: quem ipsa sibi excernere, secundum ea, quæ alibi de consimilibus Membranis indicabimus, ab Aliquo fortè credi potest. Et tali quidem Membranâ quod reliquum est Meatus investitur; imò ab eâdem ulterius extensâ Membranæ Tympani exterior facies, uti scribemus, producit. Porro Cutis à principio Meatus Auditorii usque circiter ad dimidium parvis ornatur pilis; plurimis verò est pervia foraminibus, per quæ Cerumen egreditur.

Cutis Meatus Auditorii accuratius descripta.

Usum Vid. Cap. IV. Num. VI.

XII. Membrana Adiposa Cuti subjecta ingreditur & ipsa Meatum; licet solum usque ad hujus medietatem elongetur: & ab ingressu statim abit in Fibras Carneas reticulari ordine dispositas. In hujus Reticularis Corporis, hucusque non animadversi, areis firmantur Glandulæ, quarum primam delineationem debemus D. Du Verney. Hæ figuram obtinent variam: major tamen harum pars vel ad ovalem, vel ad sphæricam accedit. Colore tinguntur flavo ab humore in earum folliculis contento, qui ob assiduam Fibrarum Carnearum

Glandularum Meatus Auditorii Novum Corpus Reticulare.

Delin. Vid. Tab. III. Fig. II. & III.

Glandulæ Meatus Auditorii.

nearum Reticularium pressionem, per Cutis correspondentia foramina in Meatus Auditorii cavitationem transmittitur. An singulæ hæ Glandulæ peculiare habeant Excretorios Tubulos correspondentes foraminibus Cutis; an immediatè uniantur eisdem; absque ullo interposito Vase Excretorio; sunt qui determinant: mihi verò adhuc non constat. Secreta autem per hæc Glandulas materia sapore amaricante (ut notum est) necnon visciditate donatur; si quidem ea consideretur, quæ in Meatu Auditorio jam collecta est. Hæc materia aliquandò ità copiosè circa Tympani Membranam aggeritur, & in solidum corpus induratur; ut secundum illas, quas habet D. Du Verney, & meas quoque Observationes Surditatem inducat. Quæ Surditatis species, etsi frequenter sit obvia; attamen rarò, quia non cognita, curatur; quamvis diligenti manuum auxilio desiderata possit restitui sanitas: quod annum ante, propriis manibus præstiti D. Bertocchio, Doctoris Medici Patre, septuagenario majore, qui per duodecim annos surditate laboraverat ab eadem materiâ prope Tympani Membranam induratâ.

Cerumen.

*Surditas à copiâ
indurati Ceru-
minis.*

*Talis Surditatis à
duodecim annis
affligentis curatio.*

*Meatus Auditorii
in Foetu, & recens
natis constitutus.*

*Usum Vid. Cap.
IV. Num. VII.*

*Quadam Surditatis
à natiuitate
speciei, nihil.*

XIII. Pro Meatus Auditorii Coronide, sciendum est, in Foetu, atque etiam in Infante recenter nato Meatus parietes, maximè circa Concham, ad invicem ità accedere; ut Meatus principium ferè ex toto claudatur: & tunc hujus parietes à substantiâ crassâ, & subalbidâ tecti conspiciuntur, quæ ulterius ad Tympani Membranam extensa, aliam ibidem Membranam videtur componere, sensim progrediente tempore exsiccandam, & in minimas distinctam particulas cum Ceruminis materiâ ab eodem Meatu egressuram. Quòd si talis Membrana non decidat; imò firmior evadat; Sur-

Surditatis à nativitate species inducitur : quam quidem minùs curabilis, indicatur. difficulter ; sed tamen si in rebus Chirurgicis, & Anatomis præcipuè, fueris versatus ; sanare poteris.

XIV. Cavitas Auris Exterior, quam usque adhuc Delin. Vid. Tab. II. descripsimus, Vasis Sanguineis vehentibus, & revehentibus ditatur. Obtinet Arterias à Carotidum Externo Ramo, qui dum lateraliter per partem Auriculæ anteriorem, versùs Tempora ascendit, aliasque superiores Capitis Partes ; Ramulum primò per posteriora Auriculæ ; deindè alios per ejusdem anteriora spargit : qui omnes non solùm Auriculæ ; sed & Meatui Auditorio prospiciunt. Venæ omnibus hisce Arteriis associantur : si tamen excipias Ramum, qui versùs Tempora ascendit ; hic enim sinè socio Venæ Trunco frequenter invenitur. Porro Venæ istæ ad Jugularem Externam omnes mittuntur. Præter hanc Venam Jugularem, ab Auriculæ posticâ parte revehit sanguinem etiam Vena, adhuc ab aliis non descripta ; quam ego Quibus Rami adduntur à noviter descriptâ Venâ Occipitali. Occipitalem appellabo ; cùm alios, & quidem valde plures Ramos ab Occipitis partibus accipiat ; Ramosque omnes ad Occiput in Truncum recolligat. Venæ autem istius Truncus post Mamillarem Processum, paulò tamen interiùs, per peculiare Novum Foramen intra Cranium ingreditur, & defert sanguinem, dexter Nova Basis Crani Foramina. quidem Truncus in Sinum Lateralem dextrum ; sinister verò in sinistrum Sinum Lateralem Duræ Matris Delin. Vid. Tab. IV. Litt. d. d. eò loci, ubi ipsi Sinus versùs Cranii Basim se reflectentes, jam jam istam tangere incipiunt.

XV. Nervi duplici origine distincti, per Exterio- Nervi Auriculæ, & Meatui Auditorii. rem hanc Auris Cavitatem distribuuntur. Primò enim Auditorii Nervorum Paris Portio Dura, ab Aquæductu Fallopiano egressa, hinc divisa, & subdivisa in Delin. Vid. Tab. II.

Ramulos, horum unum ad partem Auriculæ anteriorem, Meatumque Auditorium, & Capitis superiora mittit; reliquos verò quasi per omnes Faciei partes diffundit sic, ut omninò nullus Portionis Duræ sensibilis Ramus per Auriculæ posteriora ascendat: quod Recentiorum Aliqui; & erroneè quidem, secundum multiplices inspectiones meas; recensuerant, & delineaverant. Secundò ad Auriculam alii Nervi accedunt; quippe inter primam, & secundam Colli Vertebra Nervus egreditur, qui (non finè occulto fortassis Naturæ consilio) primùm ad duos digitos transversos, & ultra descendens; indè verò ad superiora reflexus, postquam ab ipso fermè reflexionis suæ angulo ad Musculos, qui in Collo sunt, & ad Mandibulam Inferiorem; atque Parotidem Ramos dimisit; reliquo Ramo versùs Auriculam incedit: & ubi prope hanc alterâ Propagine Parotidi prospexit; post ipsam Auriculam ad superiora Capitis procedens, Ramum denique mittit ad tergum Antitrangi; qui postmodùm per totam posteriorem Auriculam ascendit. Porro hic Ramus ille est, qui à quibusdam Practicis ad sedandam Odontalgiam aduritur: cujus Rami, atque adeò ustionis certiore locum, cum à nonnullis Auctoribus non ità clarè indicatum viderim; & à pluribus interim in Operatione, igne ipsum minimè tangi, conspiciam; opportunum duxi brevibus hìc eundem ostendere. Debet igitur Chirurgus tergo Antitrangi, & quidem per transversum Auriculæ, ignitum ferramentum applicare: quod quatuor lineas longum sit; hoc enim intrà spatium certè includitur Nervus. Cæterùm ferramento crassities exigua sufficit: neque oportet altiùs urere, quàm usque ad cartilaginem.

Nervi post Auriculam in Odontalgia adurendi certior locus.

XVI. Præter recensitas Arteriarum, Venarum, Nervorumque Propagines, probabiliter hîc quoque Lymphatica aderunt. Quæ licet hætenus non patuerint propter Partem in horum indagine Observatorum inquisitioni difficilem se præbentem; nihilominus si inductioni detur locus; ulteriùsque animadvertatur, circa Tragum, ut scripsi, Glandulas reperiri, in quibus stabili Naturæ consuetudine alibi Lymphatica ludunt; In Exteriori Auris Cavitate Lymphatica adesse, conjicitur. cujus speciei & unam majusculam in Parotide etiam Humanâ (nam in Vitulinâ tantum, similem Glandulam detexerat Steno) Glandula Lymphatica in Parotide. sub ipso Auriculæ Lobo multoties observavi; etiam in Auriculâ, Meatuque Auditorio adesse Lymphatica, verò simile videri potest. Delin. Vid. Tab. I. Fig. I.

CAPUT II.

Tympani, sive Mediæ Auris Cavitatis Descriptio.

Absolutâ Exterioris Cavitatis Descriptione, ad Mediam Auris Cavitatem jam pergo, quæ præcedenti immediatè succedit. Quod ex eâdem primùm occurrit, pellucida quædam Membrana est, Membrana Tympani. quæ vel ipsos Medicinæ Patres non latuit, Tympani Delin. Vid. Tab. III. Fig. III. Tab. X. Fig. I. II. Membrana usitatiùs dicta, eo quia Tympani Cavitatem superimpositam claudat. Hæc in fine Meatus Auditorii extenditur, eundem obliquè claudens, efficiendo angulum obtusum circa superiora, & posteriora; acutum verò circa anteriora, & inferiora parietum ejusdem Meatus, ut in hujus Descriptione animadvertēbam. Usus Vid. Cap. V. Num. IV. Nec quamvis valde distenta sit; planum ideò rectum constituit; sed in medio versùs interiora conicè gibbum, eò videlicet; uti scribetur; à Mallei Manubrio tracta. Hujus Membranæ Ellyptica peripheria in paris

*Noviter detecta
Membrana Tym-
pani Compositio
ex duplici mem-
branacea expan-
sione, Duræ Ma-
teris scilicet, &
Cutis Meatus
Auditorii.*

figuræ (nisi quòd ex unâ parte interrumpitur) osseo anulo validè firmatur; nam cùm in Fœtu iste anulus intrinsecùs sulco excavetur, & ab hoc Membranæ peripheria excipiat; hæc superadditâ progressu temporis osseâ substantia, sulcoque coarctato, inseparabiliter eidem anulo connexa evadit. Ex duplici, diversâque expansione membranaceâ Tympani Membrana componitur (quæ Compositio in Humano Fœtu patescit) nam Duræ Mater Tympani Cavitationem ingressa per commissuram, quæ inter Os Temporale, & Petrosus occurrit, & expansa per eandem Cavitationem, quò usque pertingat ad indicatum osseum sulcum; huic committitur, & per totum anuli intermedium spatium extenditur, internam producens Tympani Membranæ faciem: cui altera membranacea expansio à Cute Meatus Auditorii investiente proveniens, itidem in osseo firmata sulco, unitur, externam ejusdem Membranæ faciem constituens. A qua, usque adhuc ignotâ, Compositione, ex Duræ Matris scilicet, & Cutis membranis expansionibus considerabilis Membranæ Tympani firmitas, & robur dependet.

*Utrum in Mem-
branâ Tympani
Foramen aliquod
sit, per quod pos-
sint Fluida à
Tympano in Mea-
tum auditorum
transire.*

II. Etsi verò scripserim modò, Tympani Cavitationem per Tympani Membranam claudi; dubitari tamen potest, utrum hæc aliquo sit pervia Foramine, per quod & naturaliter, & in morbosis constitutionibus fluida corpora possint in Meatus Auditorium ab eâ Cavitate pertransire. Sic dubitandi causam præbet Tabaci fumus, quem ore prolectum multi per Meatus Auditorium, ut fertur, transmittunt: item sanies Abscessuum in interioribus Capitis disruptorum, necnon sanguis in Cranii percussionibus per eundem Meatus, absque ullâ rupturæ Membranæ Tympani suspitione, multoties ex-
stil-

stillans. Ego quidem non pauca, ut hujusmodi transitus viam attingerem, peregi tentamina; sed in hoc observationis usus adhuc nihil certi me docuit. Nihilominus aliquid subobscurè visus sum obtinuisse, quod, ut puto, cum D. Rivini Observatione convenit. Quippe iste de hoc Membranæ Tympani Foramine alia præfatus, quæ nondum ad me pervenerunt; hæc verba addit apud D. Munniks: *Hiatum hunc si cui intueri lubet; ei Styliformem Processum cum eâ Ossis Petroşi portione prudenter auferre necessum est: tunc enim Tympani Membrana prorsus illæsa conspicitur, porcinam setam immediatè sub Chordâ non difficulter admittens.* Ab hac, inquam, Rivini Observatione non multùm abludunt, quæ aliquoties mihi occurrerunt. Nam olim cùm nihil adhuc de Rivini Observatione scirem; exiguum quoddam, & sincerum foramen inveni in Tympani Membranæ peripheriâ, ubi Mallei Processus Minor eandem, aliquantùm versùs Meatum Auditorium elevat. Illud quidem verum est, me pluries postea in hujus Foraminis confirmationem inquirendo, quid simile rursus videre non potuisse. Nam licet sæpè & ego eòdem, fortè ad Rivini morem, setam porcinam adegerim sic, ut ab unâ extra alteram Membranæ faciem penetraverim; anceps tamen semper fui; num verum Foramen adfuerit: num verò adaucta manu seta sibi viam vi fecerit. Veruntamen hoc certum est, Tympani Membranam minùs esse tensam, ubi Rivinus, & ego Foramen vidimus; & quòd in Cadaveribus aliquandò per Membranam guttas aqueas eodem loco emanare, animadverti; etsi factâ postmodùm injectione per Tubam Eustachianam in Tympani Cavitatem, & vi impulso liquore, nullus liquor ad Meatum Auditorium pervaserit. Cæterùm ut in hujus transitus obscuritate mul-

Circa idem Foramen Observatio.

Circa idem Foramen alia Observationes.

*Alia Observatio
circa idem Foramen.*

multifariam experirer, an mihi clariora constare possent; à naturali statu ad morbosas constitutiones transire volui. In Cadavere ergo Viri, cui à Capitis percussione primò sanguis, & postmodum purulenta materia copiosè per sinistram Aures exstillaverat; cujus tamen exitus tertià hebdomadà ante mortem cessavit; inveni Tympani Membranam qua parte Meatum Auditorium respicit, tenui quadam subcroceà quasi pelliculà obductam, quæ facilè ex materià puris ultimò excurrentis relictà concreverat, ut clariùs ex illis, quæ addeamus postea, cognoscetur. Hac ablatà, Tympani Membranam consideravi, in qua nulla adfuit lésionis nota. In loco indicato de more setà porcinà transitum perquisivi, & sanè primà, vel alterà conquisitione non difficulter eadem seta ingressa est. Denique cum aliquandò advocarer ab Ornatissimo hujus Urbis Patricio ad Ulceris, quod in Aure gerebat, curationem (quam quidem, & alias aliquot similes; ut id obiter referam; post instillati Balsami Peruviani usum, absque ullà remanente Auditus læsione, confeci) cumque illi pus continenter ab Aure exiret, cum quo grumefactus sanguis interdum commiscebatur; ego, ut si fortè aliquatenus appareret læsio, oculis scrutarer; Meatum Auditorium Soli objeci, ejusdemque principium diduxi. Vidi itaque Tympani Membranam ichore madentem parte superiore, certoque loco: ex quo pariter loco fluidum morbosum simul cum aëre prorumpens vidi, quandoque æger clausis Naribus, & Ore, uti jubebam ego, aërem intrò vi comprimebat. Porro designatus locus ille idem erat, per quem indicatum adesse transitum, suspicio est.

Alia itidem Observatio circa idem Foramen.

Ulcerum Auris felices Curationes.

Cavitas Tympani.

III, Membranæ Tympani Tympani Cavitas super-
in-

incumbit, quæ infimul cum illâ Mediam Auris Cavitatem componit. Tympani ergo Cavitas in Osse Temporalis, & Petroso exsculpta, irregularem licet fortita sit configurationem; attamen videtur ad Sphæricum in supernâ, & infernâ parte inæqualiter complanatum accedere. Ejus interioris superficiei maxima pars à cavernulis, eminentiis, atque foraminibus interrumpitur. Altitudinem obtinet in aliquibus locis majorem; & in aliis minorem: minorem ibi, quò Cochleæ apex descendit; majorem Ovali Fenestræ è directo. Minor altitudo duas lineas quasi æquat; major tres lineas vix superat. Longitudo, & latitudo vix ab invicem differunt; nam quatuor lineis utramque metimur; si quidem longitudini Sinuositas Mastoidea dematur. At si hæc illi meritò uniatur; multò erit longior: & latitudo ob additam longitudini Sinuositatem inæqualis ipsi jam erit. Hujusmodi Sinuositas Antrum quoddam est, cum aliis Mamillaris Processus minoribus sinuositatibus communicans, quod reverà tanquam appendix ad complendam Tympani Cavitatem concurrat; nam per spatium satîs notabile cum hujus superiori parte communicat; ut observanti patebit. In quibus verò Animalibus talem Sinuositam deesse, observavi; ipsa Tympani Cavitas longè amplior est. Ex quo colligitur, Sinuositatem Mastoideam à Tympani Cavitate non distinguui; sed ipsi uniri; eamque ampliorem reddere.

Sinuositas Mastoidea pars est Cavitatis Tympani.

Usum Vid. Capite V. Num. X.

IV. Quod in Tympani Cavitate Membræ Tympani immediatè succedit, sunt quatuor Officula; Malleus, Incus, Os Orbiculare dictum, & Stapes. Malleus, & Incus primò Anatomicis innotuere, Inventore Carpo, aut potius Achillino. Malleus pro majori sui parte Membræ Tympani per longum validè

Quatuor Officula.

Delin. Vid. Tab. III. Fig. XI. Tab. X. Fig. I.

Usum. Vid. Cap. V. Num. II.

Malleus.

Delin. Vid. Tab.
III. Fig. IV. &
VII.

adhæret sic, ut ejus centrum intrò trahat. Est Os valde tenue, vix tres lineas longitudine excedens: superiori parte, qua cum Incude articulatur, est crassius; & hæc Caput Mallei dicitur; alterâ verò, qua unitur Membranæ Tympani, tenuius; hanc verò Manubrium nominant. Caput, quod in Sinuositatis Mastoideæ principio, absque ullo tamen cum eâdem nexu, reconditur; ex alterâ parte hemisphæricam; ex alterâ verò superficiem obtinet inæqualem; ut hujus beneficio, indicata cum Incude articulatio componatur. Manubrium à tribus acutis Processibus constituitur, primo Majore, secundo Minore, & tertio Minimo. Major cum Tympani Membranâ colligatur, & à Manubrii principio usque ad centrum Membranæ Tympani producitur: hic duas lineas longus est. Minor è principio præcedentis exsurgit, & Tympani Membranæ quodammodo infigitur, eandem versùs Meatum Auditorium aliquantùm elevando. Minimus lateraliter post Minorem conspicitur, ubi hemisphærica Capitis superficies definit, paralellum servans cum Tympani Membranâ positum.

Musculi Mallei.

Delin. Vid. Tab.
III. Fig. V.

Musculus Processus Majoris Mallei.

Usum. Vid. Cap.
V. Num. VI. &
XI.

Istius Musculi Canalis.

Delin. Vid. Tab.
III. Fig. XIV.

*Ab hoc Canali non
oritur Musculus;*

V. Mallei Officulum tribus instructum est Musculis: quorum singulos; ut inevitabilem aliàs aut confusionem, aut circumloquutionem declinem; ab eo cui inferuntur, Processu nominabo. Sic unus erit Musculus Processus Majoris, alter Minoris, & tertius Minimi. Musculus ergo Majoris Processus; cujus inventionis laus meritò Eustachio tribuitur; inter Mallei Musculos profectò maximus est. Continetur iste in Canali quodam Osseo super Partem Osseam Tubæ Eustachianæ lateraliter excurrente. Porro non provenit ab hoc Canali; sed suas extremas fibras in Tubam Eustachianam

chianam inserit; cujus nempe describendæ Cartilagini per totam ejus longitudinem, in anteriori quidem latere, firmiter adhæret. Quæ Musculi in Tubam Eustachianam insertio, etsi multum, ut suo loco ostendimus, Auditui conferat; usque adhuc tamen ignota extitit. A Tubâ itaque Eustachianâ hic Musculus per eum Canalem ascendens, emergit ab ipso in Tympani Cavitatem; hinc obliquè deorsum suo tendine aliquantum inflexus, infigitur in Majorem Processum Mallei, inter Minorem &, & Minimum; sed paulò infra; sic ut Tympani Membranam, illi Processui adhærentem, versùs Tympani interiora tendat: quæ porrò hoc abscisso Musculo, in recenti quidem Aure, relaxatur.

sed à Tubâ Eustachianâ.

Delin. Vid. Tab. X. Fig. I.

Usum. Vid. Cap. V. Num. XI.

Musculus iste Tympani Membranam tendit sic, ut illo abscisso, hæc relaxetur.

VI. Musculus Processus Minoris à Membranâ investiente partem superiorem Auditorii Meatus, per aliquem tractum exortus, supra Tympani Membranam fertur, & cum Incudis Processu crassiore parallèlè incedens, in Minorem Mallei Processum infigitur. Iste Musculus, cùm paucis constet fibris, & insuper totus sub Incudis Corpore, & Meatu Auditorio condatur; non sinè peculiari modo detegi potest. Postquàm enim aperta est Tympani Cavitas; separari debet Incus à Malleo: & statim Musculi insertio apparebit; cujus integer progressus ut obtineatur; Tympani, & Auditorii Meatus Membrana blandè è viciniâ amovenda est: quod quidem facillimè præstatur ob anulum osseum ibidem, commodum fanè, interruptum. Modum hujus Musculi indagandi exponere necessarium duxi, cùm multi ex Recentioribus eundem Musculum omnifariam fileant, quasi nunquam hunc docuisset Casserius, & eundem negantes non obiurgasset in suo *Erudito de Aure Tractatu* D. Schelhammerus; imò quasi nunquam

Musculus Processus Minoris Mallei.

Delin. Vid. Tab. III. Fig. V. Usum Vid. Cap. V. Num. II.

Hunc Musculum detegendi Modus.

hic Musculus sensibilibus in Aure extitisset. Qui error fortasse originem traxit aut à difficultate ipsum inveniendi; aut ab eo, quòd in gracilioribus Subjectis; imò passim in frequentioribus Cadaveribus; eorum nempe qui longiusculum post morbum decessere; hujus Musculi fibræ carneæ non ità obviæ fiant: quæ tamen in lacertosis; item in illis, qui violentâ morte defuncti sunt; utpotè in quibus à prægresso morbo non contabuerunt; satis, superque apparere solent.

*Minimi Processus
Mallei Musculus.*

Delin. Vid. Tab.

III. Fig. V. &

Tab. X Fig. I.

Usum Vid. Cap.

V. Num. II.

VII. Musculus Processus Minimi à pariete Tympani Faciem spectante, incipiens, & per hunc progressus, inflectitur deindè, & Tympani Chordam subtermeans, in Mallei partem Præcedentis insertioni quasi oppositam, nempe in Processum Minimum insertum se venit. Et sic Malleus ex utrâque parte ope hujus, & præcedentis Musculi firmatus, consistit; non sic tamen, ut immobilis sit; verùm ut in ipsorum insertis extremitatibus hypomochlium in propriis motibus habeat. Sed de his alibi. Hujus autem Musculi fibræ carneæ, ad Præcedentis similitudinem, non semper manifestò occurrunt; sed & ipsæ pro Subjectorum varietate modò magis; modò minùs apparent; modò ex toto abscondi videntur adeò, ut olim fuerim dubius in determinandâ muscolari horum corporum naturâ. Quam tamen nunc affirmare non dubito; cùm eorum fibras quotiescunque in idoneis Subjectis quæsi; ferè semper ad evidentiam carneas apparuisse animadvertirim. Ad hæc enim, & similia determinanda non quorumcunque emaciatorum Cadaverum inspectio sufficit; sed integriora Subjecta potissimùm spectanda sunt. Quod ideò inculco; quia nollem, ut præcipites aliqui Judices hæc similia statim falsa judicarent, eò quòd

non

Hunc, & præcedentem Musculum Aliqui ideò fortè non admittunt; quia illos in minùs aptis Cadaveribus perquisivere.

non Ignobiles Anatòmicos legerint; eadem videre non potuisse. Quæ improba fanè judicandi ratio tantum turbarum, atque adeò damni Rei Anatomicæ intulit, & in dies infert; ut mearum (quando in hæc incidi) partium esse, existimem eandem seriò redarguere. Sic igitur habendum est. Res Minimæ non omnes omnium, aliàs etiam Peritiorum, oculos incurrere: & illarum aliquas uni Anatómico neutiquam apparere; quæ interim fatis facilè ab aliis ostendi possint; qui nempe, ob diuturnam præcipuè exercitationem, quænam Subiecta illis rebus ostendendis sint aptiora, didicerint. Sic Vesicularem Glandularum Substantiam à Celeberrimo Præceptore meo Malpighio longo labore detectam; & tenuissimos illos Ductus, quos à corpore Testis in Epididymidem semen transferre, Solertissimus Regnerus de Graaf observavit, non desunt, qui videre se posse, negent; & tamen illis, qui in talium Partium Anatome diu, & multifariam sunt versati, ea omnia sufficienter ostendere promptum est. Quarè in his, & similibus Anatomicorum dissensionibus attendendum est non utrùm Aliquis in Re Anatomicâ utcunque se exercuerit; sed in qua Parte, quanto tempore, quave indagandi ratione potissimum laboravit: quod cum præstitum fuerit; tunc porrò judicandum. Et hætenus quidem de illâ re.

Præcipientes dissensionum Anatomicorum Judices redarguntur.

Vesicularis Glandularum Substantia, necnon Seminiferorum Ductuum à Teste in Epididymidem transitus (quid quid alii scripserint) reverà possumus ostendi.

VIII. Malleo superiùs descripto alterum Ossiculum, quod Incudem vocant; annexum est. Hoc in tres partes dividitur; nempe in Corpus, & in duo Crura, sive Processus. Corpus longitudinem habet unius lineæ cum dimidio: major ipsius latitudo lineam æquat; crassities vix lineæ dimidium superat. Idem Corpus in parte Processibus oppositâ exiguis eminentiis, & cavitatibus est interruptum, à quibus, parvorum ligamen-

Usum Vid. Cap. V. Num. II.

Delin. Vid. Tab. III. Fig. VI. & VII. & Tab. X. Fig. I.

torum interventu, habetur immobilis articulatio cum Malleo. Ex Processibus unus est tenuior: & longior, qui per lineæ spatium, & ultra ab Incudis Corpore recedens, parallelè; sed altiori situ; cum Mallei Manubrio extenditur; extremitate tamen recurvâ versùs Stapedem deflectens. Alter crassior, & brevior est, & suâ extremitate parieti Sinuositatis Mastoideæ; in qua infimul cum Incudis Corpore, & Mallei Capite, paulo altius tamen repositis, occultatur; per breve, & tenue quoddam ligamentum connectitur; non sic tamen, ut Incus immobilis indè evadat; verùm ut in eo ipso, cui sic connectitur, pariete hypomochlium in suis motibus habeat. Sed de his quidem alio loco.

Os Orbiculare dictum.

Delin. Vid. Tab. III. Fig. VI. VII. & Tab. X. &c.

Os istud non est Orbiculare; sed Ovale.

IX. In Longioris Processus Incudis extremitate, primo docente Francisco Sylvio, Officulum omnium minimum observabile est, à formâ Orbiculare ineptè dictum; cùm potius Ovalem configurationem depressam obtineat. Vix grani milii dimidium æquat. Incudis Processui indicato, atque Stapedis Capitulo interponitur; eisdem; sed potissimùm primo adhærens.

Stapes.

Delin. Vid. Tab. III. Fig. VIII. IX. XI. Tab. X. &c.

Usum Vid. Cap. V. Num. II.

X. Ultimum Officulorum, si situm spectemus, Stapes est: quod meritò quidem sic appellatur; cùm re verè similem equestri Stapedi sortitum sit configurationem. Constat enim ex Basi, binisque Lateribus in Capitulum coeuntibus; omnibus ex substantiâ satè tenui compositis. Basis Stapedis figurâ ad Ellypticam accedit; quamvis ex unâ parte margo leviter deficiat. Gibbum habet versùs Labyrinthi Vestibulum; concavum verò quâ spectat ipsius Stapedis Processus, sive Latera: nec minimis est pervia foraminibus, ut quidam edocuit; sed solùm plura, & minima offert spatiola, in quibus os ità attenuatur; ut per ipsa oppositum lu-

men

Quidquid alii scripserint; Basis Stapedis non est minimis foraminibus pervia.

men transluceat. Longitudinem habet Basis lineæ uni-
us; latitudinem verò dimidiæ. Ex utroque longitu-
dinis ipsius extremo duo Stapedis Latera elongantur,
quæ nonnulli Crura vocant. Hæc qua parte se invi-
cem respiciunt, fulcata; aliquantùm rectà incedunt;
hinc ad instar arcus inflexa, uniuntur, Capitulum con-
stituentia parvam versùs Os Orbiculare dictum obti-
nens cavitatem, qua idem Os excipitur ad constituen-
dam cum Stapede articulationem. Ab hisce Lateribus
unà cum Basi spatium in medio relinquitur: quod ali-
qui ex recentioribus Anatomicis à Membranâ claudi,
pronunciant. Mihi autem istud intermedium Stapedis
spatium aliquandò Membranâ clausum; aliquandò tan-
tummodò semiclausum; sæpiùs verò apertum occurrit.
Nec novum sanè est, in membranaceis istiusmodi pro-
ductionibus quasi ludere, & variam esse Naturam;
Quippe non solum in Ossium cavitatibus Sinus, &
Reticula modò aperta; modò verò à Membranis clau-
sa conspiciuntur; verùm etiam à Pleurâ, & Peritonæo
filamenta, & telas membranaceas modò huc, modò il-
luc incertâ lege ad contenta Viscera proficisci; easdem-
que aliàs abesse, nullus nescit Anatomicus. Ità mem-
branaceæ expansiones, quæ irregulariter, quandoque
solent protendi per Tympani Cavitatem; ad Stapedem
ipsum fortuitò extenduntur, huiusque aliquandò in-
termedium spatium, quod sæpiùs quidem, ut indica-
bam, apertum est; fortuitò pariter; non certâ, aut
peculiariter notabili lege occludunt. Tota Stapedis
altitudo vix unam, & dimidiam lineam æquat: major
verò Laterum ab invicem distantia adnotatæ Basis lon-
gitudini vix cedit. Stapedis Capitulum collocatur,
medio Osse Orbiculari dicto, supra extremam partem

*Quidquid Aliqui
doceant; interme-
dium Stapedis
spatium, nullâ
plerumque Mem-
branâ occluditur.*

in-

Membranam, per quam Basis Stapedis Fenestra Ovali annectitur, illam non omnino immobiliter annectere, probatur per Observationem Surditatis ab eadem Membrana ossificatione.

Eadem Membrana videtur ex una determinatâ parte firmior esse.

Rationem Vid. Cap. V. Num. III.

indicati Proceſſus Incudis: Crura verò cum Baſi oblique ſuſum, poſitu ſcilicet medio inter verticalam, & horizontalem, ad Fenestram Ovalem feruntur. In hanc Fenestram Baſis Stapedis intruditur, quam exactè claudit, eique tenuis Membranæ interventu circumquaque adhæret, non ità tamen ſtrictè, quin ſuſum; deorſumve, ut opus eſt, per eandem Fenestram moveri poſſit. Olim namque in cujuſdam Surdi Cadavere Surditatis cauſam in eo ſitam inveni, nempe quòd indicata Membrana in ſubſtantiam oſſeam indurata, unum continuatum os conſtituebat cum Baſi Stapedis, & Margine Fenestræ Ovalis: adeòque efficiebat, ne ampliùs ſuſum, deorſumve eadem Baſis moveri poſſet. Circa verò hanc Membranam, per quam Baſis Stapedis cum Fenestrâ Ovali connectitur; adhuc adverto, quòd ipſa non eadem undequaque pollet firmitudine; ſed videtur ex illâ parte firmior eſſe, qua Muſculus Stapedis Capitulo infigitur, ut ſæpe ego, dum Stapedem à Fenestrâ in recenti Aure diſtraherem, majorem ibidem ſentiendo reſiſtentiam, obſervavi: quæ res tametſi fortè nullius momenti primâ facie videri poſſit; rationem tamen, cur ità ſit, ſuo ſuo loco indicabimus. Porro Stapedis Inventorem ſe dicit Columbus; quamvis non pauci malint Iohannem Philippum ab Ingraſſia. Euſtachius tamen aſſerit, ſe eundem publicè demonſtraſſe, antequàm illi ſcripſiſſent. Utcunque res ſe habuerit; par ſemper eſt, illos à Litterato Orbe haberi Inventores, de quibus tutò conſtat (ſive hoc factum ſit ſcripto, ſive voce) primam ignotæ rei notitiam ab eiſdem, diſtinctis notis emanafſe.

Stapedis Muſculus.

XI. Stapes peculiarem obtinet Muſculum, quem ab Indefeflo Auris Anatomico Caſſerio in Equo detectum, alii

alii in Homine negarunt; alii verò, & quidem meritò, admiserunt. Hujus Musculi carneum corpus in-curvo Canali Osseo, lateraliter circa mediam Falloppiani Aquæductus partem insculpto, continetur; tendineum verò à Canali erumpens, obliquè sursum in Stapedis Capitulum tendit; in quod infixum terminatur. Porro inter descriptos Officulorum Musculos, hic Stapedis Musculus, & Musculus Processus Majoris Mallei adeò, nisi omninò negligenter, aut alieno loco quærantur; conspicui sunt; ut Anatomicos, qui Alterum negaverint, extitisse, mirer. Non est tamen; quòd duo reliqui Mallei Musculi non sint æquè inter musculos admittendi. Cujus rei rationem cum satis quidem superius ostenderit; eandem hìc loci non repetemus. Illud tantummodò addimus, quòd si Aliquis, non obstante eà ratione, duos illos Musculos ità immeritò negare persistat; videat saltèm, ne in descriptis locis omninò neget, duo illa Corpora reperiri; sive Ligamenta, sive fibras carneas, sive quid aliud appellare maluerit.

XII. Officula hucusque descripta, etsi nullâ vestiantur Membranâ; Vasa tamen Sanguinea à describendis Ramis deducta, per superficiem reptantia habent: quæ probabiliter etiam eorundem interiora ingrediuntur. Substantiam obtinent multum compactam, utpotè cavernulis, saltèm sensibilibus, destitutam. Nec ipse Stapes; ut ut respectu habito ad partium extensionem, omnium levissimus sit; substantiam obtinet cavernosam, sive porosam, ut apud quosdam ratum est; sed hujus minor gravitas; à tenuitate Ossis eundem componentis dependet, quod nempe ex unicâ quasi lamellâ videtur constitui. Hæc Officula in Infante eadem gaudent magnitudine, ac in Adulto: sed in il-

Quatuor Officula omni Periostio carent; & tamen per eorum superficiem Vasa Sanguinea reptant.

Substantia Officulorum cavernulis caret; ne ipso quidem Stapede (quidquid alii scripserint) excepto: cujus sanè levitas non à porosis; sed ab Ossis tenuitate dependet.

Officula eadem magnitudine sunt in Infante, atque in Adulto.

Causam Vid.
Cap. VI. Num.
IX.

lo substantia eorum est minùs densa; quia plurimis abundat cavernulis; quæ temporis progressu supercre-
scente in eisdem ossèâ substantiâ replentur.

Fenestra Ovalis.
Delin. Vid. Tab.
VIII. Fig. IV. &
V.

Usum Vid. Cap.
V. Num. II.

*Fenestra Rotun-
da.*

Delin. Vid. Tab.
VIII. Fig. IV. &
Tab. X. Fig. II.

Usum Vid. Cap.
VI. Num. VI.
VII.

XIII. Cùm superiùs scripserim, à Basi Stapedis Fe-
nestram Ovalem claudi; sciendum est, quòd in Tym-
pani supernis partibus duo sunt Foramina, quorum
unum Ovalis Fenestra; Rotunda alterum vocitatur. O-
valis Fenestra illa est, quæ à Basi Stapedis clauditur,
eidem configuratione respondens: situmque obtinet
Tympani Membranæ parellelum. Per hanc habetur a-
ditus ad Labyrinthi Vestibulum; ipsa enim in hujus
partem inferiorem se aperit. Fenestra Rotunda incer-
tam habet figuram; ut plurimùm tamen ad circularem
accedentem. Hæc inferiùs paulò, quàm Ovalis, ver-
susque Occiput collocatur, eo situ, ut respectu plani
Membranæ Tympani non parallela; sed verticalis sit:
istius enim Margini è directo sita est. Sicuti verò
prima Fenestra cum Vestibulo; ità cum Cochleâ se-
cunda communicat; sed & hæc clausa est. Clauditur
autem tenuis Membranulæ beneficio: quæ quidem non
in ipso primo Fenestræ Margine; sed paulò interiùs,
per illius spatium extenditur.

XIV. Præter duo recensita Foramina, Omnibus
jam nota; animadverti ego Nova quædam in Tym-
pano Foramina, quorum notitia eo libentiùs, ut pu-
to, accipietur; quia si non aliud; jam certè planior
per ipsam fiet Problematis illius; à nemine adhuc suf-
ficienter dilucidati, optatissima studiosioribus Medi-
cis solutio: Quænam scilicet via sit, per quam sanguis,
aut ichor possit (ut in casibus præternaturalibus fieri,
videmus) à Cranii Cavitate in Cavitatem Aurium trans-
meare. Etenim hæc Foramina cum Cranii Cavitate sta-
tim

*Foramina cum
Cranii Cavitate
communicantia no-
viter in Tympano
inventæ.*

tim communicant. Sunt hæc versùs superiora Sinuo-
fitatis Mastoideæ; nempe in illo ejusdem pariete, quo ip-
sa à Cranii Cavitate distinguitur, è directo supra eum lo-
cum, ubi Malleus cum Incude articulatur; tametsi unâ,
vel alterâ vice etiam supra ipsam Tympani, ut communi-
us accipiunt, Cavitatem unum illorum, vel duo colloca-
ri, viderim. Numero irregularia sunt; nam aliquando u-
num, aliquando duo, & quandoque tria inveniuntur. Mo-
dò ad invicem proximiora sunt; modò etiam magis
dissita: necnon disparem inter se, incertamque obti-
nent configurationem, & latitudinem. Exigua licet
ut plurimum sint; aliquandò tamen mediocres; imò &
maximum specillum admittunt. Accedit quandoque,
ut ista Foramina per simplicem inspectionem mihi non
paterent; sed injectione per Tubam Eustachianam in-
stitutâ, liquorem exeuntem vidi in Cranii Cavitationem
per hæc Foramina, licet ità parva; ut cessante fluidi
per eadem excursu, vix essent visibilia. Quamvis ve-
rò interdum (nihil enim dissimulare me finit studium
Veritatis) quamvis, inquam, interdum, neque per
eam injectionem mihi se obtulerint hæc Foramina; at-
tamen tunc reverà defuisse, non affirmarem; cum alias
eadem ut plurimum invenisse me, sciam; atque insu-
per facillimum sit, hæc Foramina cum adeò exigua
sunt, in demortuis præsertim, obstrui; necnon ipsum
injectum liquorem aut quid crassiusculi, viscosique ex
Tubâ Eustachianâ arreptum in ipsa intrudendo, aut
aliquam accidentalem quasi valvulam super eadem re-
flectendo, expeditum aliàs transitum sibi præpedire.
Quinimò quando etiam possem affirmare, illa Fora-
mina semel; vel bis defuisse; non indè tamen statim
consequitur, eadem à Naturâ peculiariter non inten-

Usum Vid. Cap.
V. Num. VII.
&c.

*Observationes de
Lienis in cane, &
de Renis sinistri in
canine defectu.*

di. Siquidem ipsa Viscera, quæ nemo sanus à Naturâ intendi, negaverit; ipsa, inquam, Viscera aliquandò abesse, non est res adeò nova, atque invisa; cum mihi ipsi & in cane, cui Lien, & in homine, cui sinister Ren deerat, idem bis observare contigerit. Nec verò, ut fortasse Aliquis existimaverit; idcirco hæc ita sollicitè admoneo; quia reverà ego censeam, Foramina ista ad magnum aliquod peculiare Auris commodum à Naturâ intendi; sed admoneo; ne quis ex hoc, quòd interdum ista non appareant; illicò (ut nonnullorum hominum sunt ingenia) in aliud contrarium currat, eademque, ceu omninò Auri inutilia, statim ab ejus Anatome, inconsiderata rejiciat. Aliàs enim & ipse quodantenus dubito; an hæc Foramina peculiariter à Naturâ intendantur; cum varium eòusque conspiciam eorundem situm, numerum, figuram, diametrum; non quidem in diversis tantummodò; sed in uno etiam eodemque Subjecto. Cæterum sive fiant ex accidenti, sive peculiariter à Naturâ intendantur; illud sanè firmo stat talo: Foramina hæc utplurimum saltèm adesse; adeoque posse ad Usum aliquot & in hoc ipso, & in Quinto Capite explicandos, sufficienter inservire; maxime verò ad illud Problema solvendum: Quænam scilicet via sit, per quam ichor, sanguis, vel aliud simile Fluidum in Cranii Cavitate effusum, in Aures transmeet aliquandò. Jam enim patet, quòd si ullum ex talibus Fluidis in illa, quæ intèr Cranium, & Duram Matrem sunt, Interstitia effusum, ad Foramina ista perveniat, aut super ipsa discurrat; descendere per eadem poterit in Tympani Cavitationem: ex qua postea vel per Tympani Membranam (si quidem per hanc transitum admittamus) vel certè

Nova hæc Foramina via sunt, per quam in quibusdam casibus præternaturalibus Fluida à Cranii Cavitate in Aures pertransseunt.

per:

per Eustachianam Tubam, vel per utramque foras eliminatum, nobis conspicuum fiet. Porro non solum accidit, ut Fluida in modò indicata Interstitia, immediate, utputa à Duræ Matris Sanguineis Vasis effusa, per hæc Foramina in Tympanum, & deindè foras descendant; sed idem accidit etiam Fluidis; quæ inter Duram, & Piam Matrem, necnon in Ventriculos effunduntur; ab istis etenim locis sive per ignotas adhuc naturales vias; sive per vias sibi morbosè apertas, sæpè in Interstitia, quæ inter Cranium, & Duram Matrem sunt, eadem derivari, contingit. Inter eas, quæ circa has res mihi occurrerunt, Observationes; duæ modò in promptu sunt; altera, in qua purulenta materia; altera verò, in qua sanguis ab interiore Cerebro per Nova Foramina in Tympanum, & hinc foras defluxit; quas quidem, & maximè primam, in hunc potissimùm finem recensebimus; ne quis fortasse modò expositam illius Problematis Solutionem, ceu supervacaneam, vel etiam erroneam reprobaret: occupatus nempe ipse ab illâ non admittendâ Opinione: Quòd falsum omninò sit id, quod, supponitur in soluto Problemate: Quòd videlicet talia, quæ per Aures excernuntur, reverà à Cranii Cavitate promanent. Fuit enim, qui ante inventa hæc Foramina Problema solvere conatus est, negando, talia ab ipsâ Cavitate Cranii promanare. Prima esto Observatio illius Cadaveris, de quo etiam supra Num. II. meminimus, Viri nempe, cui à Capitis percussione copiosus primò sanguis; deinde purulenta materia per sinistram Aurem ex intervallis excernebatur: quæ porro excretio quoties fiebat, Æger à Capitis oppressione, Mentisque alienatione, quæ illi ab ictu successerat, notabiliter levabatur: cùm

Nam (quidquid Aliqui existimaverint) non est veritati consentaneum, quòd talia Fluida à Cranii Cavitate non emanent.

In hoc ipsum Observatio.

*Altera Observa-
tio.*

verò ex toto suppressa est; aphonos est factus, insigni accedente virium languore, atque Marasmo, quibus tandem periit. Hujus itaque Cerebrum (in cujus Ventriculis, quemadmodum inter Duram, & Piam Matrem, Serum limpidum copiosè stagnabat) parte anteriore Sphacelo correptum erat, croceoque infectum colore: quo colore etiam Dura Mater tingeбatur non solum quà vitiatam Cerebri partem vestiebat; sed usquequà ad Nova Foramina, eorumque viciniam, in sinistrâ quidem parte, exporrigeбatur: Porro inspecta, quæ eisdem Foraminibus supponeбatur, sinistri Tympani Cavitas eodem croceo colore undequaque infecta apparuit; imò eadem tinctura extendebatur usque ad faciem anteriorem Membranæ Tympani, ut loco indicato scriptum fuit. Altera Observatio habita est in quodam Viro à repentinâ Affectione Apoplecticâ cum resolutione sinistræ potissimum medietatis Corporis, intra non multas horas occiso; cui jam mortuo de ore (quò nempe per Eustachianam Tubam descendit) sanguis profluxeret. Inveni autem in utroque anteriore Cerebri Ventriculo sanguinem effusum; paucissimum quidem in sinistro; sed multò & multo copiosiore in dextro: imò cum sinister Ventriculus aliàs sanus esset; dextri Ventriculi pars inferior maximo hiatu, & cavitate disrupta erat. At verò Aures, quæ ex eodem dextro latere locabatur, pariter sanguine refertam inveni. Porro & in hoc secundo casu & in primo Nova Foramina adeò ampla, adeò capacia occurrere; ut ipsis inspectis, nulla superesset dubitatio, num Fluida indicata per eadem in Tympani Cavitatem dimissa essent. Sed modò satis de his Foraminibus.

Tympanum Hi-

XV. Tympani hucusque descripti parietes quodam aqueo

aqueo Humore irrigantur, à Membranâ eisdem vestiente probabiliter profecto; cum hæc sit; uti scriptum fuit, Duræ Matris elongatio. Dura verò Mater saltem quando intrâ Cranium est, humorem aqueum effundit: quod guttæ aquæ certâ ratione ab eâdem compressâ erumpentes, palâm facere videntur; præsertim cum Cerebrum ferosâ colluvie scatet; ut per repetita pluries experimenta compertum mihi est. Unde non improbabile videbitur; cum aliunde in Tympani Cavitate Glandulosa Corpora non constent; quod à Membranâ illam Cavitatem vestiente indicatus Humor emanet, Aliquis tamen derivare etiam posset eundem Humorem per descripta Nova Foramina ab ipsâ Cranii Cavitate, nempe ab Interstitiis saltèm, quæ sunt inter Duram Matrem, & Cranium. Hæc enim Interstitia (sive in ipsa quoque excretum suum humorem Dura Mater possit deponere; sive humor aliunde proveniat) hæc, inquam, liquore aliquo madere, tum experientia videtur indicare; tum periculum, quod aliàs esset; ne Dura Mater assiduè ad Cranium allisa, ex eâ parte ficcescere; aut etiam ipsi Cranio unde quaque adherere, non sinè suorum Munerum perturbatione, cogeretur.

XVI. Demittitur à Tympani Cavitate supra Palati extrema quidam Canalis; cujus necessariam existentiam primus intellexit Aristoteles; descriptionem verò tradidit nunquam satis laudanda in Anatomicis Eustachii Solertia. Quem interim Canalem ubi ego volam indigitare; attentâ ejus, ut par est, configuratione, necnon Inventoris Cognomine, Tubam Eustachianam; quando usque adhuc apto nomine caremus; appellabo. Tuba itaque Eustachiana proficiscitur à Tympani

more quodam irrigatur, à Membranâ, quâ vestitur, fortasse proveniente.

Usum Vid. Cap. V. Num. VII.

A Dura Matris structura humor, quo ipsa madet, videtur provenire.

Humor, quo Tympanum irrigatur, credi etiam potest, ab Interstitiis, quæ inter Cranium, & Duram Matrem sunt, promanare.

Tuba Eustachiana.

Delin. Vid. Tab. III. Fig. III. & XIV. Tab. IV. Litt. K. K. K. & Tab. X. Fig. I. II.

Usum. Vid. Cap. V. Num. IX. X. Item Cap. VI. Num. VI. VII.

ni parte inferiore, ab eo latere Membranæ Tympani, quod versùs Faciem est; sic tamen, ut ejus Orificium, sive Principium eidem Membranæ è directo quasi collocetur: hinc obliquè deorsum fertur, quòusque Pterygoidis Processus Internæ Alæ, anteriori sui labro contigua, ad latera internorum Nasi Foraminum, supra Uvulæ Basim terminetur. Ejus Cavitatis figura assimilari potest duobus contraposis inæqualis altitudinis Conis, compressiorem Ellypsim pro basi habentibus, & antequàm in apices desinant, coeuntibus. Porrò Cavitatis altitudo Calvariæ Basi fermè verticalis est. Cavitatis altitudinem non ubique æqualem habet; nam principio quidem duas lineas alta est; sed inde sensim ita decrescit; ut antequàm ad finem suæ Partis Ossæ perveniat; vix unam excedat lineam; quam quidem altitudinem per exiguum spatium æqualiter servat: hinc Ossæ Parte superatâ, gradatim altitudine augescit; adeòut ad Finem Tubæ deveniens, quatuor lineas alta sit. Cavitatis altitudo ità se habet. Latitudo autem, in Parte quidem Ossæ, unius semper lineæ est: quanta verò sit in reliquâ parte, non est ità facile explicatu. Nam si ultimum Orificium, seu Tubæ Finem excipias, necnon totam superiorem partem; per quam nempe semper apertam, semper aliquis transitus, ut ut angustior, per Tubam apertus remanet, utique tota hæc reliqua pars lateribus connivere invenitur. Sed sicuti in demortuis conniventem inveniri, certum est; ità quomodò in vivis se habeat, ambiguum: est enim facilè inferiùs dilatabilis, ut ex scribendis magis patebit. Illud tantummodò, quod modò innuebamus, pro certo adnotari potest; videlicet hanc reliquam Tubæ partem multò præ Ossæ ejusdem Parte, supernè angustio-

gustiores esse, ita ut eo in loco quasi arctiore sulco excavata videatur: quo quidem loco ex Cartilagine componitur.

XVII. Constat enim Tuba ex Parte Osseâ, Membranaceâ, Cartilagineâ, atque Carneâ. Pars Ossea continuatio Ossis est, in quo Tympani Cavitas continetur. Illa eòusque elongatur, ut tertiam, & ultra longitudinis Tubæ partem conficiat. Hæc eadem cum Tympani Cavitate vestitur Membranâ, quæ extensa totam Tubam internè cingit: diversam tamen sensibilibus acquirat indolem, ubi hanc Osseam Tubæ Partem superavit. Hic namque, ob subjectam glandulosam substantiam crassiuscula evadit, & pluribus foraminibus pervia conspicitur, per quæ mucosa materia egreditur, ab iisdem subjectis Glandulis separata. Porro hæc glandulosa substantia crassior fit, & foramina copiosiora, & majora evadunt versùs Tubæ Finem: quò loci eadem Membrana internæ Narium Membranae continuatur. Restat, ut scribam de Parte Cartilagineâ, & de Carneâ. Pars Cartilaginea partem reliquæ Tubæ superiorem, necnon ambas laterales componit: lateralem quidem posteriorem pro majori; lateralem verò anteriorem pro minori tantummodò parte. Ipsa autem Pars Cartilaginea ad extremum Tubæ Orificium, sive Finem, præcipuè verò ad posteriora ejusdem Orificii dilatata, & crassifaceta, non parvam Labrorum ipsius partem constituit. Pars denique Carneâ, sive Muscularis reliquæ Tubæ partem lateralem anteriorem tegit. Sed oportet jam, ut de hujus Substantiæ Carneæ progressu, atque insertionem distinctius scribam.

*Tuba Eustachiana
Pars Ossea.*

Delin. Vid. Tab.
III. Fig. XIV.
Tab. IV. Tab. X.
Fig. I. II.

*Ejusdem Pars
Membranacea.*

Delin. qualem-
cunque Vid. Tab.
III. Fig. XIV.

*Subjecta huic
glandulosa sub-
stantia.*

Usum. Vid. Cap.
V. Num. IX.

*Tuba Pars Carti-
laginea.*

Delin. Vid. Tab.
III. Fig. XIII. &
XIV. item Tab.
X. Fig. I. II.

*Novus Tuba Eu-
stachiana Muscu-
lus.*

XVIII. Cùm superius ambigebam, an in vivis la-
E tera

Delin. Vid. Tab.
III. Fig. XII. &
XIV. Tab. IV.
Liti. m. m. item
Tab. X, Fig. I. II.

Usum Vid. Cap.
V. Num. XI. item
Cap. VI. Num.
VI. VII.

tera Eustachianæ Tubæ conniveant; id quidem solum-
modò quò ad statum Tubæ assiduum, sive ordinarium
ambigebam. Musculum enim Tuba Eustachiana for-
tita est, à quo, ubi opus sit, eadem potest dilatari.
Quod Assertum sicut in Anatomicis Scholis novum est;
ità mihi, quem diutina conquisitio, & improbus labor
id docuere; inter ea, de quibus certiores sumus, vide-
tur reponendum. Porro hic Novus Tubæ Musculus
ità se habet. Procedunt fibræ carneæ ex latere antero-
ri Tubæ Eustachianæ, à Parte ejusdem Membranaceâ,
necnon à contiguo extremo margine Partis Cartilagi-
neæ, per totum quidem illud spatium, quod inter Tu-
bæ Finem, & ejusdem Osseam Partem intercedit. Hinc
obliquè descendendo, simul collectæ, efformant ten-
dinem per partem inferiorem Internæ Alæ Processus
Pterygoidis excurrentem. Postquàm verò hunc ten-
dinem efformarunt, & per indicatam Pterygoidis par-
tem excurrerunt; ità tendineæ descendentes, rursus ex-
plicantur, & diffunduntur circa inferiorem marginem
Foraminum Nasi Internorum, in quorum Membranâ
desinunt: quarum fibrarum tendinearum aliquot quan-
doque cum tendineis fibris Musculi comparis, nempe
alterius lateris uniuntur. Itaque ex hujus Musculi De-
scriptione; si quidem extremorum insertiones atten-
dantur; perspicuum est, hunc aliud præstare non pos-
se; quam duas, quibus annectitur, Partes dilatare,
Tubam nempe Eustachianam, & Foraminum Nasi In-
ternorum extremitatem. Quod totum ad evidentiam
etiam ipsis oculis potest percipi; nam si Musculus iste
leviter digitis trahatur; tunc Nasi Interna Foramina,
Tubaque Eustachiana dilatantur.

XIX. Quoniam verò (utì ostensurus sum, ubi Par-
tium

tium Usus exponam) non potest Tuba Eustachiana Usum suum exquisitè præstare, absque Uvulæ certis motibus, & dispositione; ne postea ubi illuc pervenero, aliquid desideretur; oportet, ut modò Historiæ Tubæ Eustachianæ Musculorum Uvulæ Historiam subnectam; maximè cùm hæc ab eâ, quam nobis exhibent Anatomicorum Descriptiones, & Iconismi, profectò longissimè absit. Sunt ergo tria Musculorum Paria, quæ Uvulæ famulantur. Primum Par, pro Pterygostaphylino Interno acceptum; aptius verò Salpingostaphylinum appellandum, non oritur fanè ab Alâ Internâ Processus Pterygoidis; sed à Parte inferiori Osseâ Tubæ Eustachianæ: hinc sub Parte Membranaceâ inferiori ejusdem Tubæ obliquè ad Uvulæ Basim descendit: ibidemque fibræ unius Musculi fibris comparis Musculi quasi continuantur. Secundum Par mihi est Glossostaphylinum. A lateribus Linguae in parte ejusdem inferiore paucis fibris erumpit: quibus aliquantùm restrictis, ad latera versùs Uvulæ medium infigitur. Hic Musculus licet exiguus sit, attamen distinctos præstat motus: qui clarè manifestantur; si aperto ore vivi hominis, Uvulæ motus diligenter consideremus: quod etiam de aliis Musculis ad eandem Uvulam spectantibus, si lubet, possumus experiri. Tertium Par Pharyngostaphylinum appello. Hoc latam, & amplam habet originem à parte inferiori Pharyngis, ubi isti incipit in Oesophagum restringi; & per ejusdem Pharyngis partem anteriorem lateralem assurgens, cùm ad ipsius superiora pervenit; fibras suas instar arcus inflectit, quæ sub Tonsillis excurrentes, parti inferiori, & laterali Uvulæ se annectunt. Hoc Musculorum Par; si detrahatur Membrana, Pharyngis, & Uvulæ faciem vesti-

Musculorum Uvulæ Nova Descriptio.

Musculi Salpingostaphylini, qui à Pterygoide Processu falsò deducuntur.

Delin. Vid. Tab. IV. Litt. n. n. Tab. V. Fig. I. & II. item Tab. VI. Litt. A. A.

Usum Vid. Infra Num. XXI. & Cap. V. Num. XII.

Glossostaphylini.
Delin. Vid. Tab. V. Fig. I. & Tab. VI. Litt. C. C.

Usum Vid. Infra Num. XXI.

Pharyngostaphylini.

Delin. Vid. Tab. V. Fig. I. II. & Tab. VI. 2. 2.

Usum. Vid. Infra Num. XXI. & Cap. V. Num. XII.

ens; evidentem præbet suarum fibrarum directionem: Ex his Musculorum Paribus Uvulæ tributis, Primum jam à longo tempore utcunque notum est; Reliqua autem duo, præsertim quod attinet ad fibrarum positum, & insertionem, nunc nova manifestantur; etsi levis non sit eorundem Usus; eorumque indicium ante oculos sit, quotiescunque in apertum Os versùs Linguae radicem introspicimus; Duo enim arcus, quos indè versùs Uvulam assurgere videmus, à subjectis hisce Musculis fiunt; primus quidem à Secundo Pari; alter verò à Tertio.

XX. Nunc quando credi possum Musculorum Uvulæ Historiam absolvisse; adeòque jam ad Mediam Auris Cavitatem complendam properare; Pharyngis Historiam instituere antea cògor: quæ quantum primò alterius Digressionis speciem videtur præ se ferre; tantum cum præcedente connexa; imò ejusdem continuatio censenda est. Neque enim Motuum Uvulæ, ejusque Musculorum; atque adeò earum rerum, quæ ad Tubæ Eustachianæ Usus explicandos necessariæ mihi futuræ sunt, sufficiens notitia obtineri potest absque notitiâ Orificiorum, Motuum, & Musculorum Pharyngis; Neque Uvula, ut creditur; ita à Pharynge distincta est; imò pars est ipsius Pharyngis, ab isto nullâ ratione dividenda. Quòd si passim Auctorum Descriptiones, & Tabulæ sejunctam tradunt; id totum Anatomico Cultro imputandum venit, qui adeò nimis sedulus sæpè est, ut novas sibi faciat vias, sibi quidem parum; naturæ verò, nullatenus notas. Atque utinam Majores (quibus tamen plurimum deberi fateor) in istiusmodi Partibus dividendis minùs solliciti; in perscrutandis autem magis oculati extitissent; sanè ego nul-

*Uvula est revera
Pars Pharyngis.*

nulla habens, quæ notarem, & nulla, quæ adderem; neutiquam primæ Historiæ meæ filum interrompere coactus essem; sed Lectorem & quò ad Uvulæ & quò ad Pharyngis Historiam ad eosdem ablegare potuissem.

Pharynx itaque superior Oesophagi pars est, quæ à *Nova Pharyngis Descriptio.* Cricoide Cartilagine usque ad Capitis imum, quasi

ad infundibuli similitudinem laxata, assurgit; adeoque, velut ipse Oesophagus, obtinet tum Membranam internam; subjectasque isti Glandulas; nisi quod aliquot harum magis conspicuas hìc illic ostendat; tum Fibras Carneas; quæ tamen in ipso Pharynge in distinctos Musculos disponuntur; ut ex horum Descriptione mo-

dò patebit. Pharynx tria obtinet Orificia, præsertim *Pharynx tria. obtinet Orificia, unum ad Os; alterum ad Nares; ultimum ad Oesophagum.* si in hujus compositionem Uvulam, ut par est, admit-
tamus; Unum nempe maximum Oris cavitati correspondens (quod erit Orificium ad Os) Alterum majus, *Delin. Vid. Tab. V. Fig. II.* viam nempe ad Interna Narium Foramina aperiens

(quod erit Orificium ad Nares) Ultimum minus, ubi scilicet Pharynx in Oesophagum abit (quod erit Orificium ad Oesophagum) Quæ porrò Orificia cum modò debeant restringi; modò debeant dilatari; idcirco

Pharynx peculiaribus instruitur Musculis: quos juxta *Pharyngis Musculi.* diversam eorundem insertionem, diverso ab invicem

nomine recensebimus. Primum Par, quod dici solet *Staphylopharyngæi, qui ab imo Capitis provenire perperam dicuntur.* Cephalopharyngæum; eò quòd ab imo Capitis provenire perperam putetur; illud est, quod ego inter Mus-

culos Uvulæ sub nomine Pharyngostaphylini describo: *Delin. & Usus ubi sint quærenda, Vid. supra, ubi de Pharyngostaphylinis.* quodque si Aliquis Staphylopharyngæum dicere hìc velit; non repugnabo. Hoc enim Par non minore ra-

tione inter Pharyngem moventes colloco; quàm inter moventes Uvulam reposuerim; cum reverà non minùs Pharyngem, quàm Uvulam valeat movere, eò quia

ejus Musculi utrumque extremum mobile habent: quales quidem Musculi in aliis aliquot nostri Corporis Partibus etiam occurrunt (quamvis illorum plures à multis Doctores unius tantum Partis Musculi statuuntur) imò quales inter Nasi Interna Foramina, & Tubas superius descripsimus; qualesque aliquot reperiri inter Uvulæ jam descriptos Musculos, & inter Pharyngis mox describendos, semel pro semper hîc admonemus. Cùm Primi itaque hujus Paris Descriptionem supra dederim; pergo ad Secundum Par, quod falsò, ex pari cum Primo causâ, Sphenopharyngæum vocatum, Glossopharyngæum appello. Istud à lateribus Linguae in parte hujus inferiori erumpit prope Musculum Glossostaphylinum, cum fibris cujus confusam habet originem: hinc per partem superiorem Pharyngis quasi circulari incessu fertur sic, ut fibræ unius Musculi cum fibris alterius; interpositâ tamen lineolâ quadam tendinosâ, concurrant. Tertium Par Stylopharyngæum (utî quidem notum est) à Processu Styloformi procedit: hinc obliquè descendit; & Musculi Hyopharyngæi fibras intersectando, ad latera Pharyngis desinit. Quartum Par, quod omninò Novum, Hyopharyngæum dico. Duplicem habet insertionem in Osse Hyoide: unam longiorem; & alteram brevior. Longior connectitur Appendicibus Cartilagineis, lateraliter ad Basim ejusdem Ossis degentibus; brevior verò Processibus ejusdem Cornutis. Ab his porro terminis fibræ, aliquantulum obliquè recedentes, versùs superiora Pharyngis inclinant, & in hujus medium latâ expansione desinunt, quò loci cum oppositis concurrentes, rectam lineam tendinosam componunt. A' Musculorum istius Paris violentâ distensione; quando videlicet nimis copiosa,

&c

*Glossopharyngæi,
qui falsò creduntur
à Processibus Ossis
Sphenoidis provenire.*

Delin. Tab. V.
Fig. II. Tab. VI.
Litt. CC.

Usum Vid. Num.
sequenti.

Stylopharyngæi.

Delin. Vid. Tab.
V. Fig. II. &
Tab. VI. Lit. E.
E.

Usum Vid. Num.
seq.

*Hyopharyngæi,
Par omnino Novum.*

Delin. Vid. Tab.
V. Fig. II. & Tab.
VI. Litt. F. F. F.
F.

Usum Vid. Num.
seq.

& non benè manfa cibarium quantitas in Pharyngem protruditur; potest Luxationis species succedere in Appendicibus Cartilagineis ejusdem Ossis Hyoidis: quod ego in Muliere Bononiensi à deglutitione crassioris boli bovillæ, carnis non benè manfæ observavi. Putabat Mulier, multisque imposuerat, se divexari à bolo in Faucibus hærente, quem ut indè deturbaret; varia Manuum, & Medicamentorum auxilia tentavit; sed incassum. Iamque elapsum triduum erat absque eò, quòd ullum cibum, vel potum assumere potuisset; cùm denique à me opem quæsit. Ego verò omnibus perpensis, cùm in aliquâ ex Appendicibus Cartilagineis Ossis Hyoidis Luxationem suspicarer; Partem, ut Anatomica indicabat Cognitio; ità digitis contrectavi: & illicò per unam, vel alteram contrectationem, omnia in pristinam sanitatem redacta sunt sic, ut immediate absque ullo deglutiendi incommodo jusculum sumere, & cibum Mulier, modò desperata, potuerit. Quintum Par Musculorum Pharyngis Thyropharyngæum nuncupamus; Hoc enim ab utroque antico latere Thyroidis, per totam hujus altitudinem, duas acutas productiones formando, recedit (licet quòd aliquot fibras etiam ab anteriore laterali parte Cricoidis acutâ itidem inferiori productione proveniat) & suis fibris obliquè ascendendo in partem posteriorem Pharyngis ad ejus medium in rectam lineam tendinosam, ad præcedentes similitudinem extrema mittit. Ex qua descriptione liquet, fibras istas, non unicum, sed duos componere Musculos; quod olim adnotavit Casferius; etsi illum pauci ex Successoribus secuti sint. Ultimus, qui restat Musculus mihi dicitur Cricopharyngæus. Locatur iste in principio Oesophagi: illeque

*Observatio, nec-
non Curatio De-
glutitionis Impedi-
tæ à Luxatione
Appendicum Car-
tilaginearum Ossis*

Musculi Thyropharyngæi.

Delin. Vid. Tab. V. Fig. II. & Tab. VI. Litt. G. G. G. g. g.

Usum. Vid. Num. seq.

Hi non sunt, ut vulgò creditur, unus Musculus, sed verè sunt duo.

Musculus Cricopharyngæus.

Delin. Vid. Tab. V. Fig. II. & Tab. VI. Litt. H. H.

est

Usum. Vid,
Num. seq.

est, qui magis ad Sphincteris naturam accedit; nam ejus fibræ; quæ sub inferiori Paris Thyropharyngæi productione ab eâdem cum istâ Cricoidis parte recedunt; ejus, inquam, fibræ transversè tendunt, & Oesophagi principium cingunt. Dum Pharyngis Musculos, ita divido; atque describo; fieri posse, sentio, ut Aliquibus in hac divisione liberalior videar; Aliquibus verò fortè & parcior: quorum neutris pertinaciter repugnabo; verum ut pro arbitrio, horum Musculorum numerum minuant; aut, si placet, augeant, ultrò concedam. De hoc enim ego minimè sollicitus sum, qui censeo, tunc nobis cujusve Partis Musculos satis esse perspectos; cum tantummodò Fibrarum ejus insertionem utramque, & tendentiam noverimus; sive illas postea in plures, sive in pauciores Musculos, ut cuique videtur commodius partiri contingat. Mihi itaque sufficit Musculares Fibras in Uvulâ, & Pharynge, ut à me communicatum est, ita quò ad ambas suas insertiones, & quò ad tendentiam ut plurimum se habere: ut plurimum sanè; nam aliquandò variam; interdum etiam ex parte deficientem hic deprehendi Naturam. Ut enim unicum tantummodò Musculum attingam; Musculum Hyopharyngæum vidi ad Linguam quandoque fibrarum fasciculum producere; quandoque verò neque alteram illam productionem suam ad Appendices Cartilagineas lateraliter ad Basim ossis Hyoidis degentes mittere. Verum enimverò non in solis Musculis Pharyngis ludit Natura: quæ porrò non ita strictis, & perpetuis legibus; ut nonnulli facere videntur; quo ad fibrarum carnearum quasdam productiones & terminationes est alliganda. Ne enim multum à Pharynge recedam; non ita pridem, dum circa hunc cultrum

exer-

exercerem; vidi sub Lingua Geniohyoidæum Internum unam ex suis extremis partibus ad Mandibulam Inferiorem circa ultimum Molarem Dentem elongare: & in ipsâ Lingua Chondroglossum Musculum à Neoterico descriptum, non semper; sed quandoque tantum invenio. Mitto cætera, & dum in his adhuc sumus; jam quales descripti Musculi Pharyngi, & Uvulæ præstent motus, ex singulorum insertionibus, & fibrarum tendentia deducum eo.

Musculus Chondroglossus, à Neoterico recensitus, solum aliquando inveniri potest.

XVI. Quando itaque cibaria deglutituri versùs Pharyngem propellimus; Musculi Stylopharyngæi istum ad latera sursum trahendo; breviorum; at simul latiorum Cavitati Oris è directo efficiunt, ut melius transmissa cibaria excipere possit. Quæ porro dum excipit, & ope indicandorum Musculorum per Orificium ad Oesophagum est protrusurus; ne protrusa illa, per Orificium ad Os in Os redeant, aut in Nares per Orificium ad Nares ascendant; tunc ambo hæc ultima Orificia à Musculis suis clauduntur. Nam Glossostaphyliini, Glossopharyngæi, necnon Pharyngostaphyliini circa Orificium ad Os contracti, ipsum, Lingua præsertim coadiuvante, occludunt. Idem verò Pharyngostaphyliini unâ eademque operâ Uvulæ corpus hinc, & hinc trahendo, in valvulam veluti extendunt, & extensum simul aliquantulum retrò trahunt (quod in viventibus quandoque; in mortuis verò; cum eos utrinque Musculos trahimus; observare licet) Quod corpus ita extensum dum ingredientia cibaria impingendo, sursum retrudunt; non possunt non Orificium ad Nares claudere; maximè cum eodem tempore satis angustius hoc sit ob eandem Uvulam retrò tractam tum per Pharyngostaphylinos, uti mox indicatum est, tum

Ufus, quem præstant in Deglutatione Uvula, & Pharyngis Musculi superioribus Numeris descripti, & Tab. IV. V. & VI. delineati.

Ufus Uvulae in Deglutatione.

per Salpingostaphylinos, sanè ad Uvulam sursum retrò trahendam factos. Interim relaxatis Musculis Stylopharyngæis, atque Hyopharyngæo, necnon Thyropharyngæo Pari operante, deorsum obliquè constricto Pharynge; cibaria quæ per duo illa clausa Orificia egredi non possunt; juvante etiam propriâ gravitate per Orificium ad Oesophagum coguntur descendere: in quem fibræ superati Cricopharyngæi, se restituentes, ultimò protrudunt. Hæ siquidem fibræ aliàs vim quodammodò, & munus Sphincteris obtinent; ut impediant, ne cibaria à Pharynge in Oesophagum descendant; nisi postquàm indicatorum Musculorum contractio accesserit; ope cujus expresso ex Tonsillis, & ex Glandulis, quæ per Pharyngem sparguntur, liquoris; hoc debitè illa imbuantur. Hæc obiter quò ad actionem, quam descripti Musculi in Deglutatione exercent. Cum verò Aliquot ex ipsis efficiendo, ut Uvula magis, minùsve supra Laryngis aperturam propendeat; utque magis, minùsve Orificium ad Os, item illud, quòd ad Nares est, restringatur; per hanc ibi inductam varietatem, etiam Vocis tonum non leviter sanè variare possint; Aliquot verò ad Auditum quoque (quod caput rei est, & in cujus gratiam cætera oportuit scribere) non parùm conducant; Alterum illud ut ex superius scriptis quisque sibi explicet, sinemus, brevitati consulentes; Alterum verò, ubi Partium Ufus tractabimus, ibi opportuniùs edifferemus.

Vid. Cap. V.
Num. XII.

Singulis Auris Cavitatibus distincta Vasa Sanguinea contingere: ex quo allata Auris Di-

XXII. Ad complendam Mediæ Auris Cavitatis susceptam Descriptionem, oportet jam, ut illius Vasa peculiariter describamus. Non enim quæ in unâ Cavitate Vasa sanguinea occurrunt, eadem successivo cursu ad reliquas Cavitates pervadunt; sed singulis Cavi-

tibus distincta Vasa contigere: quæ res (ut in transitu hoc innuam) inter cæteras argumento esse potest: allatam à principio Auris Divisionem in Tres Cavitates, ipsi Naturæ innixam esse. Itaque prope initium Ossei Canalis, per quem Arteria Carotis scandit ad Cerebrum; ejusdem Arteriæ Ramulus, Canali perforato, in Tympanum; ut ego inveni; deflectit, ipsumque sparsis propaginibus alluit. Quæ verò à Tympano Venosa regrediuntur Vasa, in unum truncum unita, Venæ Jugularis Diverticulum subeunt. De Lymphaticorum in hac Cavitate existentia quid censeam; ex illis, quæ circa eorundem in præcedenti Cavitate existentiam censui, sufficienter intelligi potest. Superest, ut de Nervis quoque verba faciam. Porro Auditorii Nervorum Paris Dura Portio, dum per Aquæductum Falloppianum ad Tympani latus decurrit; ad ipsum Tympanum, ejusque Partes furculos mittit: quos inter magis conspicui sunt duo Sinuositatem Mastoideam subeuntes, necnon alius, qui Stapedis Musculo prospicit. Ad hæc erumpit ab eo Tympani pariete, qui versùs Faciem collocatur, Nerveus Ramulus, qui statim in subjectum Minimi Processus Mallei Musculum exiguam propaginem inserit. Hinc transversè per Tympani Cavitatem, parallelus Membranzæ Tympani, excurrit; per quem tractum Tympani Chorda nuncupatur. Excurrit autem inter Malleum, & Incudem sub utriusque articulatione, ita dispositus, ut in eorum motibus non moveri non possit. Postquàm verò Tympani Cavitatem emensus est; peculiarem Canaliculum subit: & per hunc in extremam ferè Aquæductus Falloppiani partem se insinuat, ubi tandem cum Durâ Portione unitur. Porro hic Ramulus ab aliquibus esse dici-

visio in Tres Cavitates confirmari posse videtur.

Arteria Tympani vera origo.

Delin. Vid. Tab. VII. Fig. I.

Vena Tympani.

Delin. Vid. Tab. VII. Fig. II.

Nervei Surculi à Durâ Auditorii Nervorum Paris Portione Tympani impertiti.

Delin. Vid. Tab. VII. Fig. III.

Chorda Tympani.

Delin. Vid. Ibidem, item Tab. III. Fig. III. & Tab. X Fig. I.

*Nons est ita cer-
tum. Tympani
Chordam esse pro-
paginem Quinti
Paris.*

*Circa Usum Chor-
da Tympani Du-
bitatio.*

tur Quinti Paris soboles, & ab ipso Quinto Pari in Duram Portionem transmitti. Qui sanè cur non potius dici debeat Duræ Portionis propago, quæ ab hac in par Quintum transmittatur, viderint illi, qui oppositum pronunciant. Ego certè & Ramulum hunc, & alios complures, qui pariter inter unam, & alteram, Conjugationem ducuntur, qua ratione alterutri potius Conjugationi assignari possint, non video. Cæterùm eundem Ramulum ita intectum, ita solitarium, adeò regulariter, adeò perpetuò per Tympani Cavitatem transire, & præcipuè inter Officula ita disponi; ut in horum motibus statim debeat commoveri, cùm hæc omnia res sint, quæ in eodem aliquod Naturæ Mysterium latere, indicent; tum me impulerunt, ut eundem oculis, animoque multoties contemplerer, tentaturus, num fortè novi aliquid circa illius anatomen; num saltèm illius causas possem comperire. Quod dum agerem, aliquandò excogitavi, posse hunc fortè conspirare cum Majoris Processus Mallei Musculo ad motus illos, quos suo loco exponemus, Novi Tubæ Musculi excitandos. Hinc hujus Ramuli communicationes quæ, & quibus cum Nervis sint; ad hæc qui Nervi indicato Tubæ Musculo famulentur, rimari exorsus sum. Sed cùm in re hac nondum mihi licuerit omnem illam, quam vellem, & quæ par est, operam impendere; contentus desiderium, & consilium meum circa ipsam indicasse; de eadem in præsentiarum verbum ampliùs non addam.

CAPUT

CAPUT III.

Labyrinthi, sive Interioris Auris Cavitationis Descriptio.

Fenestræ, quæ in Tympani Cavitate occurrunt; Ovalis videlicet, & Rotunda in Interiorem Auris Cavitationem transitum Observatoribus aperiunt. Hæc verò in eâ Ossis Temporum parte, quæ ob maximam duritiem, Ossis Petrofi nomen præ reliquis ejusdem partibus sibi vindicat, sic excavatur; ut è directo Membranæ Tympani, eidem, quasi parallela, super Tympani Cavitate locetur. Labyrinthi autem nomen (quod nempe diu non nisi ejus parti concessum est) universæ huic Cavitati passim tribuere non verebor, tum qui toti convenit non minùs sanè, quàm parti; tum quia & D. Du Verney ita adhibuit. Cum quo pariter eandem Cavitationem in tres Partes, ut clariùs procedam, divido; scilicet in Vestibulum, Canales Semicirculares, & Cochleam.

II. Vestibulum Cavitas est irregulari configuratione constructa, parietes undequaque ostendens concavos: cujus longitudo, & latitudo duarum linearum est; altitudo ad sesquilineam non pervenit. Situm obtinet immediatè supra Basim Stapedis, inter Canales Semicirculares, & Cochleam; scilicet Canales habendo ab exteriori potiùs parte, sive eâ, qua Auriculam respicit; Cochleam verò ab interiori, sive oppositâ. In hac Cavitate plura aperiuntur Orificia, videlicet Orificium Fenestræ Ovalis, quinque Orificia Canaliculæ Semicircularium, Orificium Cochleæ, & quinque Orificia Nervis aditum præbentia, atque ideò ab istis occlusa.

Vestibulum.

Delin. Vid. Tab. VIII. Fig. II. & V. item Tab. X. Fig. I. & II.

Orificia; quæ in Vestibulo aperiuntur.

Delin. Vid. Tab. VIII. Fig. I. II. V. Item Tab. X. Fig. I. & II.

Usum. Vid. Cap. VI. Num. III. &c.

*Canales Semicir-
culares.*

Delin. Vid. Tab.

VIII. Fig. I. III.

&c. Item Tab.

X. Fig. I. II.

Usum Vid. Cap.

VI. Num. III. IV.

&c.

III. Secunda Labyrinthi Pars Canales Semicirculares dicuntur, tales à formâ nuncupati; quia nempe singuli in Semicirculi modum curvantur. Numero sunt tres; singuli ad vitandam confusionem diversis nominibus distinguendi. Hæc autem nominum diversitas à nullâ re aptius; nisi ego fallor; desumi potest; quàm à diversâ singulorum longitudine. Attentâ itaque ratione diversæ longitudinis, qui à Neotericis Canalis Semicircularis Inferior non ità verè à situ appellatur; aptiori vocabulo poterit dici Canalis Semicircularis Major; qui verò dicitur Superior; Canalis Semicircularis Minor; & qui Medius Canalis Semicircularis Minimus poterit nuncupari. Sed ne; quæso; Aliquis illud fortè in me reprehendat; quòd ad nomina, ab aliis imposita, immutanda proclivis sim: nam & ego ab hac re vehementer abhorreo. Sed tamen cum in scribendo duo mihi proposuerim, Veritatem scilicet pro meâ virili aperire; addiscendi verò labores, quantum res sineret, faciliores reddere; Cumque hæc duo per veridicas nomenclaturâs; quibus præsertim aliæ, non ità veræ, tollantur, & potissima rei indicatæ proprietas exprimatur, ex parte obtineri, videam; hinc est, quòd nova imponere nomina invitus cogar aliquandò. Canales Semicirculares Cavitate Ellypticâ donantur: quam tamen aliquoties Cylindricam vidi. Hujus latitudo dimidiam lineam aliquantulum superat; altitudo verò latitudinis mensuram paululum excedit. Quamvis verò in latitudine, atque altitudine eandem dimensionem servare omnes Canales videantur; nihilominus aliquandò Canalem Majorem præ Minore; Minorem præ Minimo angustiorum latitudinem habere, comperi. Hæc modò de istis Canalibus in genere. Jam

ve-

verò eosdem singulatim perlustremus.

IV. Canalis Semicircularis Major à Neotericis, ut indicatum est, non ità verè Inferior appellatur; quia non quemadmodum illi videntur credere, Vestibuli partem inferiorem cingit; si quidem Labyrinthum in naturali sede contemplemur; sed quasi totus locatur in parte præ ipso Vestibulo altiore; quâ Labyrinthus Occiput spectat. A nobis verò non impropriè Major dicitur; quia præ reliquis majorem obtinet longitudinem. Hanc ego nunquam inveni quinque lineis cum dimidiâ minorem; neque verò octo lineis majorem. Canalis hic Major communicat cum Vestibulo per duo Orificia; unum Proprium, & alterum Commune: antequàm verò per Proprium Orificium cum eodem communicet; solet in Orbicularem quandam Cavitatem ipse Canalis dilatari. Porro Orificium ipsius Proprium aperitur inter Cochleæ Orificium, & unum ex Orificiis Minimi Canalis. Circulare est: & margo ille, quo Fenestram Ovale respicit, in exiguum quasi aggerem videtur assurgere. Commune verò Orificium nihil aliud est, quàm extremitas mox describendi Canalis Communis: quæ circulari Orificio, paulò latiori, ac sit ejusdem Canalis diameter, hiat in parte superiore Vestibuli, Orificio Cochleæ è directo. Canalis Communis nuperrimè indicatus, est portio Canalis, quæ fit à concursu Canalis Semicircularis Majoris, & Canalis Semicircularis Minoris, unius lineæ longitudinem excedens: cavitatem non Ellypticâ, sed Cylindricâ gaudens singulis Canalibus duplo ampliore. Sed & ego intelligo, difficile esse; ne dicam impossibile; & hunc Canalem, & alios cum eorum posituris, & Orificiis per descriptiones sub oculos ponere;

nisi

Canalis Semicircularis Major.

Delin. Vid. Tab. VIII. Fig. I. II. III. & V. Item Tab. X. Fig. I. & II.

Usum Vid. Cap. VI. Num. III. & c.

Orbicularis Cavitatis in Canali Majore ante ipsius Orificium Proprium noviter observata.

Delin. Vid. Tab. VIII. Fig. III. & c.

Canalis Communis.

Delin. Vid. Tab. VIII. Fig. I. II. III. V. & c. Item. Tab. X. Fig. II.

Usum. Vid. Cap. VI. Num. III. & c.

nisì cui simul figura, aut potius ipsa Auris ostendatur.

Canalis Minor.

Delin. Vid. Tab.

VIII. Fig. I. III.

V. item. Tab. X

Fig. I. II.

Usum. Vid. Cap.

VI. Num. III. VI.

VIII.

V. *Canalis Semicircularis Minor*, dictus à quibusdam *Superior*, aptè mihi dicitur *Minor*; quia minorem præ antecedenti gabet longitudinem. Hæc cum maxima est; septem lineas vic superat; cum verò est minima; quinque lineis minor non est. Hic autem debeo adnotare; quòd quando *Canalis* alicujus, exempli causâ istius *Canalis Minoris* longitudo maxima est; longitudo quoque cæterorum *Canalium* consueto major est, & è converso: aliàs enim *Canalis* hic *Minor* aliquandò non esset reverà minor. *Canalis* iste; qui versùs faciem respicit; super *Vestibulo* collocatur: cum quo duplicem communionem obtinet; unam per *Orificium Commune*; alteram per *Orificium Proprium Commune* est idem cum *Orificio Communi Canalis Majoris*; adeòque superiùs descriptum est. *Proprium* verò, in quod priusquàm desinat *Canalis Minor*; sensim in fine ampliatur; figuram habet *Ellypticam*, ut suus *Canalis*: & aperitur immediatè supra unum ex *Orificiis Canalis Minimi* eo situ, ut non è directo, sed lateraliter *Ovali Fenestræ* opponatur; opponatur verò è directo *Orificio Cochleæ*.

Canalis Minimus.

Tab. VIII. Fig. I.

III. IV. V. item

Tab. X. Fig. I. II.

Usum. Vid. Cap.

VI. Num. III. IV.

VI. VIII.

VI. *Minimus Canalis* certo positu inter utrumque præcedentem locatus, Aurisque exteriora respiciens, Majori, & Minori Canali longitudine cedit; & sic omnium minimus est. Ejus enim longitudinem nunquam comperi quinque lineas cum dimidiâ superantem; neque tribus, & dimidiâ minorem. *Canalis* iste hoc peculiare habet, ut sui gyri dimidio, ut plurimum jam confecto sensim incipiat dilatari usque ad illud suum *Orificium*, quod secundo loco mox describemus. Nam & hic *Canalis* cum *Vestibulo* communicat per duo *Orificia*;

rificia; Angustius unum; Latius alterum. Angustius Orificium inter Orificia Commune, & Proprium Majoris Canalis tali ratione locatur: ut Orificium Cochleæ, necnon Fenestram Ovalem quodammodo spectet. Hoc circulare est, & vix sibi continuato Canali amplius. Latius verò situm est sub Orificio Proprio Minoris Canalis, huic omninò simile, eundemque penè habens ad Fenestram Ovalem, & Orificium Cochleæ respectum, quem idem habere ad ista, superius scripsimus. Hic ergo Canalis inter Semicirculares unicus est, qui ambo Orificia Propria habeat.

VII. Ex his, quæ scripsi, stat quidem, Canales Semicirculares eam inter se habere longitudinis proportionem; ut major unus; alter minor; tertius verò minimus sit: quam sanè proportionem eos semper; ex multis, ac iterum multis, quas fecui, Auribus; manifestò servare, comperi; nisi quòd semel differentiam vix sensibilem inter Majorem, & Minorem potui invenire. Sed cùm de Organo ad Sonum spectante agatur; inquirere ulteriùs opus est, qualis sit præcisè hæc proportio, quam iidem Canales inter se habent; idest quantò præcisè Major Minore longior sit; quantòque Minor longior Minimo. Hac de causâ plurimos diversorum Subjectorum Canales Semicirculares eo meliori modo, quo Partis permittit conditio, metiri nisus sum ope fili per eosdem ducti. Quò in præstando, non omni sanè metu careo; quin potuerim quandoque veram Canaliùm dimensionem tantillum augere, & quandoque tantillum minuere; quia in consimilium rerum mensuris; ut sit diligens hominum industria; facilè tamen accidit, ut quod vellet, exactè non assaquatur. Qua igitur potui curâ, & sedulitate, compluribus Ca-

Canalium Semicircularium in longitudine proportionès noviter indagatæ.

Vid. Tab. IX.

Sunt autem Canales in eâ longitudinum proportionè; ut unus major; alter minor; tertius verò minimus sit.

Usum. Vid. Cap. VI. Num. IV.

Sed magis præcisæ earundem longitudinum proportio determinari non potest; cum in diversis diversa sit.

In eodem tamen Subjecto Canaliculi unius Auris longitudines longitudinibus Canaliculi alterius Auris æquales sunt.

Hujus rei Causam. Vid. Cap. VI. Num. IX.

Siquando aliquod vitium à nativitate contractum in uno unius Auris Canali observatur; idem prope in alterius Auris correspondente Canali invenitur.

Hujus rei Causam Vide Cap. VI. Num. IX.

Imò eadem congruentia in multis aliis utriusque Auris Partibus observatur.

nalium mensuris collectis, & tabulæ demandatis; adinveni, quæsitam proportionem nullo pacto determinari posse; eò quòd incerta admodum, & in diversis diversa sit. Siquidem inter tot, quæ adhibueram, Subjecta neque duo comperire potui; quorum tres Canales Semicirculares in eadem præcisâ proportionem essent. Illud ex adverbo compertum mihi est, esse stabilem Naturæ consuetudinem; quòd in eodem Subjecto Canales Auris dextræ, & Canales sinistræ non solum sint utique in eadem præcisâ proportionem; verum singuli singulis correspondentibus æquales sint sic, ut iisdem exactissimis dimensionibus gaudeant. Imò tanta Canaliculorum utriusque Auris congruentia est; ut si aliquando in uno ex Canaliculis reperi vitium à nativitate contractum; idem prorsus vitium in alterius Auris correspondente Canali detexerim. Ità non diu est, cum in nescio cuius Subjecti unâ Aure Canalem Semicircularem Minorem tortuosè incedentem observavi; & eandem tortuositatem in alterius Auris Canali Semicirculari Minore adinveni; ità profectò similem, ut ovum ovo. Sed exactam hanc utriusque Auris similitudinem non solum in Canaliculis Semicircularibus; verum etiam in multis aliis earum Partibus non semel vidi. Hoc modò memini, quòd cum aliquando Auris dextra Minimum Mallei Processum consuetò longiorem ostendisset; Processum eundem pariter longiorem compar Auris exhibuit. Sed ut redeam ad Canales Semicirculares, eorumque dimensiones; non solum quidem ea quæ supra deducta sunt, ex eorundem Canaliculorum Mensuris, à me primùm non finè diuturno labore, collectis, eruere possumus; verum ipsis attentis, quæ inter diversorum Subjectorum Canales sunt, irregularibus longitu-

gitudinum differentiis, quorundam circa Auditum Phœnomenorum causæ explicari queunt; quorum sanè, non prægressâ illarum cognitione, vix validam ullam habebamus rationem; ut quidem de Usu Partium agentes inferiùs ostendemus.

Vid. Cap. VI.
Num. IX.

VIII. Cochlea tertia Labyrinthi Pars est, quæ Canaliculis Semicircularibus è directo; inferiori tamen positu; inter Canales, & ipsam interjacente Vestibulo, collocatur; eleganter Limacem Cochleam repræsentans, unde nomen sortita est. Construitur Cochlea ex Canali, quendam, uti vocant, Modiolum circumvoluto, & ex Septo Canalem in duos alios Canales dividente. Primò enim ossei parietes ejus Sinuositatis, per quam Nervi Auditorii Portio Mollis ad Cochleam pertingit, ità disponuntur; ut efforment Modiolum, sive potiùs conum, basim versùs Cranii Cavitatem; apicem vero habentem versùs Tympanum. Itaque totum hunc conum spiraliter circumvolvitur indicatus Canalis sic, ut duos gyros cum dimidio conficiat. Canalis cavitas an sit Ellyptica; an potiùs Cylindrica, ambigeres. Hujus Cavitatis superficies non ex eadem substantiâ componitur, ac superficies cavitatis Canaliculorum Semicircularium; quæ nempe durissimum os est; sed ex substantiâ ità friabili, ut in exsiccatis saltèm Auribus, calcinatum Os referat: quæ substantia maximè conspicua est in eo cavitatis pariete, qui Modiolo adhæret; à quo pariete, quò magis opposito appropinquat, eò magis sensim imminuitur. Latitudo autem istius cavitatis ad lineam unam accedit: eandemque, aut vix inæqualem mensuram ipsa quoque obtinet altitudo; ut ex indicatâ cavitatis figurâ manifestum est. Et hæc quidem dimensiones cavitatis principio conveniunt; siquidem quò magis ad Modioli apicem Canalis

Cochlea.

Canalis Cochleæ.

Delin. Vid. Tab.
VIII. Fig. II. &
IV. item Tab. X.
Fig. I. & II.

Canalis istius superficies ex friabili substantiâ componitur.

De istius Usu.
Vid. Cap. VI.
Num. VIII.

nalis accedit; eò magis (sensim tamen) videtur immi-
nui. Hic facile Aliquis expectabit, ut quemadmodum
Canalium Semicircularium, sic & longitudinis Cana-
lis istius dimensiones ex compluribus Subjectis desump-
tas afferamus: istasque cum alicujus illorum dimensio-
nibus comparemus. Sed rei difficultas nullo pacto con-
cessit exactas colligere mensuras; adeoque de hac lon-
gitudine nihil habeo, quod scribam. De totâ Cochleâ
hoc addam; Ejus Basis diametrum quatuor lineas non
superare. Canalis verò iste; uti supra indicatum est,
ope cujusdam Septi in duos Canales ita dividitur; ut
Canalis alter cum altero nullo pacto communicet. Hoc
Septum; quod Septum Cochleæ dici poterit; dupli-
ci constat substantiâ; Solidiori unâ; Molliori alterâ.
Solidior corpus quoddam est mediam habens consisten-
tiam inter substantiam Membranaceam, & Cartilagi-
neam; facile friabile; præsertim in exsiccatâ Aure; ab
eo Canalis pariete, qui Modiolo adhæret, proficiscens;
& ultra dimidium altitudinis Canalis extensum: &
hoc corpus Lamina Spiralis nuncupatur. Substantia
verò Mollior est quædam tenuis, & pellucida Mem-
brana, præcedenti Laminæ continuata; non idem
lanum cum eâdem efficiens; sed versùs describen-
dam Tympani Scalam Ellypticâ curvaturâ defle-
ctens. Hæc alteri Canalis parieti sese annectit; super
quem, dum annectit se, videtur reflecti quasi ut firmi-
us adhæreat. Istius autem Membranæ denominationem,
& ulteriorem, si fieri poterit, perlustrationem, quam-
primùm ubi de Nervis ad Cochleam pertinentibus, ha-
bebo. Duo Canales, in quos Cochleæ Canalem ab
exposito Septo partiri, indicavimus; Scalæ nominan-
tur. Quarum una per Fenestram Rotundam respicit.

Tym-

*Septum Cochleæ.*Delin. Vid. Tab.
VIII. Fig. VII.*Ejusdem substan-
tia Solidior, sive
Lamina Spiralis.*

Delin. Vid. Ibid.

*Ejusdem substan-
tia Mollior, sive
Zona Cochleæ.*Delin. Vid. Tab.
VIII. Fig. VII.VIII. IX. item
Tab. X. Fig. III.

Usum Vid. Cap.

VI. Num. VI.

VIII.

Tympanum (hanc Tympani Scalam dicamus) altera verò cum Vestibulo communicat per Orificium quasi Ellypticum, ad latus Fenestræ Ovalis situm, inter hanc, & Orificium Proprium Canalis Majoris (istam Vestibuli Scalam appellemus). Scala Tympani superiorem situm obtinuit; Scala autem Vestibuli inferiore: quod attendatur, velim; nam Recentiores Anatomici hanc Superiorem; illam verò Scalam Inferiorem perperam vocant; ex hoc facile decepti, quod fortè Labyrinthum non in naturali sede; sed à reliquâ Aure sejunctum consideraverint. Scalæ non solum situ, & Orificio invicem discrepant; verum etiam aliis rationibus. Nam quamvis ambarum longitudo eadem esse videatur; latitudinem tamen, atque altitudinem in Scalâ Tympani, præsertim prope Fenestram Rotundam, majorem, quàm in alterâ observo; licet aliquandò æqualem viderim. Rursus Scala Tympani cavitatem habet irregulari figurâ donatam, necnon frequenter superficiem Modiolò adhærentem, asperam, & inæqualem obtinet; Scala autem Vestibuli Ellypticam cavitatem, & lævem superficiem exhibet. Quæ quidem capacitatis, figuræ, & superficiæ differentiæ, à me in Scalis consideratæ, Usus partium exponentibus utiles erunt, licet hætenus præterfugerint Anatomicos.

IX. Ad actuandas, & peculiari Partium conformatione ditandas Labyrinthi cavitates, Portio Mollis Auditorii Nervorum Paris descendit. Nam Portio ejusdem Dura non ad Labyrinthum; sed ad Tympanum, aliasque indicatas attinet Partes; quamvis de istâ quoque hic simul agemus, tum propter affinitatem; tum ut ejusdem Descriptioni, quam alibi magnâ ex parte exhibuimus; lucem, imo complementum afferamus.

Ut

Scala Tympani.

Delin. Vid. Tab. VIII. Fig. VI.

Usum Vid. Cap. VI. Num. VI. VIII.

Scala Vestibuli.

Delin. Vid. Tab. VIII. Fig. VI. V.

Usum Vid. Cap. VI. Num. VI. VIII.

Scala Tympani (tamen si ab aliis contrario nomine appelletur) Superior est; Scala autem Vestibuli Inferior.

Capacitatis, figuræ, & superficiæ differentiæ inter utramque, & alteram Scalam animadvertuntur.

Istarum Diversitatum Causam Vid. Cap. VI. Num. VIII.

*Osseus Nervorum
Auditoriorum Can-
nalis.*

*Delin. Vid. Tab.
VII. Fig. IV. &
V. Tab. X. Fig.
II. Tab. IV. Litt.
g. g.*

Ut verò istorum Nervorum progressus clariùs innotescat; Osseum Canalem per quem iidem pervadunt, primò describere necessarium duco. In osse Temporali, & Petroso excavatur Nervorum Auditoriorum Canalis: quem non sinè ratione in duplicem partio, nempe in Communem, & particularem; siquidem ille ambas simul Portiones; hic verò Duram tantummodò continet. Communis Particulari est latior; Particularis verò præ Comuni longior est. Communis à Cranii Cavitate versùs Vestibulum obliquè defertur: & ad finem in tres parvas Sinuositates dividitur; quarum una versùs Cochleæ centrum pauxillùm descendit; duæ verò alteræ versùs Vestibulum excavantur; in quarum una insigne Foramen observatur, quod Canalis Particularis principium est. Canalis iste ab Auctore Falloppio Aquæductus vocatus (quod à D. Schelhammero jam inculcatum, consultò ego rursus admoneo; cum multorum in Libris Tuba Eustachiana Aquæductus nomine incautè adhuc, & non sinè confusione vocitetur) Canalis; inquam, iste paulò postquam ab indicato Foramine incepit; in duas dividitur Partes: quarum altera brevissima se apertum it in Cranii Cavitationem; altera verò opposito cursu usque ad medietatem Minimi Canalis Semicircularis primò procedit; hinc deorsum flectitur, sensimque capacior fit; donec sub Sinuositate Mastoideam delapsa, patentiori hiatu inter Mammillarem, & Styliformem Processum aperitur.

*Nervi Auditorii
& primò.*

X. Per descriptos Canales ambæ Auditoriorum Nervorum Portiones deferuntur: quarum singulæ licet simplicem truncum habere videantur; diligentiori tamen inspectione circa ipsarum principium adhibitâ, ex pluribus funiculis componi inveniuntur. Hæ itaque postquam

quàm ab eo, unde emergunt, Cerebri loco per breve spatium recessere; Communem suum Canalem ingrediuntur: per quem ubi Portio Dura pervenit prope illud Foramen, quod Canalis Particularis principium est; deflectit, ipsum Canalem subeundo; per cujus utramque Partem excurrit. Nam hâc quidem in Cranij Cavitatem pergit; & per Duram Matrem, necnon per Quinti Paris Nervorum Truncum sparsis Ramis se se diffundit; illâc verò progreditur versùs Tympanum: ad quod ubi misit Surculos alibi descriptos; duos verò à Quintâ Coniugatione Ramulos (ut communiter loquuntur) accepit; ad Foramen, quod inter Styliformem, & Mamillarem Processum hiat, descendit: indèque ità in Ramos, Ramulosque diducitur, uti suo loco ostensum est.

Portio Dura.

Delin. Vid. Tab.
VII. Fig. III. &
Tab. VIII. Fig.
XI.

XI. Portio autem Mollis ad Canalis Communis finem in duas Partes dividitur, per quas Labyrintho prospicit; per unam nempe, quam in Sinuositatem, versùs Cochleæ centrum excavatam, insinuat; ipsi Cochleæ; per alteram verò, quam Sinuositatibus versùs Vestibulum exsculptis committit; eidem Vestibulo, necnon Canalibus Semicircularibus. Ut hanc secundam Mollis Portionis Partem primò prosequamur; sciendum est, Sinuositates, versùs Vestibulum excavatas, non per tria, ut traditur; sed per quinque Foramina aditum concedere in eam Vestibuli Partem, quæ Canalibus Semicircularibus opponitur, nempe supra Orificium Scalæ Vestibuli. Indicata ergo Mollis Nervi Pars in quinque Surculos dividitur, & ipsos per ea quinque Foramina intrâ Vestibulum mittit; in quod statim ac ingressi sunt, laxati in tenuissimam quandam Membranam solent uniri. Quæ quidem Membrana modò

Portio Mollis.

Delin. Vid. Tab.
VIII. Fig. VIII.
IX. X. & Tab.
X. Fig. I. & III.

*Non tria; ut ab
aliis traditur; sed
quinque Foramina
aditum præbent
Nervis Surculis
in Vestibuli Cavi-
tatem.*

Delin. Vid. Tab.
VIII. Fig. II.
item Tab. X.
Fig. I. & II.

*Membrana Vesti-
buli.*

in

in Vestibuli medio suspenditur; modò, præsertim in Auribus non recentibus, propter exsiccationem, ut puto, unita ejus fornici reperitur. Hujus autem Membranæ in Vestibulo figura, longitudo, & latitudo diversis in Subjectis diversæ sunt.

Tres Canaliculi Semicircularium Zonæ Sonoræ, nunc primum vulgatae.

Delin. Vid. Tab. VIII. Fig. VIII. IX. X. item Tab. X. Fig. III.

Usum Vid. Cap. VI. Num. IV. V. VI. IX.

XII. Quinque Nervei Surculi in Vestibulo in Membranam dilatati, peculiari incessu membranaceo ulterius progrediuntur. Etenim à Membranâ Vestibuli quædam aliæ Membranæ recedunt, quarum singulæ diversum Canaliculum Semicircularium Orificium ingrediuntur; ubi verò Membrana per unum Canaliculi Orificium ingressa, Membranæ per alterum ejusdem Canaliculi Orificium intranti, per currendo occurrit, unam continuatam Membranam ambæ componunt. Tales cum strictioris teniolæ (vernaculâ linguâ diceremus *d' una Cordellina*) sive parvæ zonæ figuram habeant; sintque Motibus Sonoris excipiendis, tanquam proprium Sensorium, destinatæ; idcirco à me Zonæ Sonoræ nuncupantur. Hæ sunt numero tres; nempe totidem, ac Canales: eandemque cum istis obtinent longitudinem. Earum autem latitudo non pertingit ad lineæ dimidium; etsi Zona, quæ Canaliculi Communis Orificium pervadit; præ aliis latior sit: utpote quæ ad divisionem Canaliculi in Majorem & Minorem in duas pro his Canaliculis Zonas debet mox dividi. Zonæ istæ aliquandò minima ramenta membranosa per Canales emittunt; sed ut plurimum nulla emittendo, per eosdem gradiuntur.

XIII. Licet verò has Zonas, quales descripsi; tales quàm sæpius viderim, exactèque perspexerim sic, ut de verâ earundem existentia nullatenus dubitem; meminî tamen, aliquandò dum ipsas quærerem, præsertim

minùs adhuc exercitatus; loco Zonarum non nisi quasdam hìc illic earum particulas, incertaque tantùm vestigia invenire potuisse; non quòd Zonæ abessent; sed aliis de causis, ut postea comperi. Itaque ne Aliquis, si fortè ipsi contingat, quod mihi tunc contigit; indè fallatur, & Zonarum existentiam in dubium trahat; libenter nonnulla circa Zonarum quærendarum rationem communicabo; maximè cùm istæ Auditorii Organi præcipua Pars sint, tantùmque absit, ut in Libris eorum, qui ante me scripserunt, id possit addisci; quin usque adhuc; ut apertè scribam; nullus, quem sciam, distinctè de Zonis locutus sit. Nam Laudatus alibi D. Schelhamerus integram quidem Membranam ex uno tantùm Canali Semicirculari extraxisse se, narrat; sed in Corvo; sed qualis, & unde fuerit ea Membrana, non exponit; imò de Membranâ, Canales, ut credebatur, investiente, tunc scribit; & an Nervi in Labyrinthum ingrediantur, aliàs dubitat; Præclarissimus autem D. Du Verney nihil aliud à nervis in Canales immitti, refert, quàm nerveum filum: quod quidem merum esse filum; sive meram Nervi Ramificationem, etiam Figura, qua ipse Canilium Nervos ostendit, Figuræque Explicatio confirmant; Quòd si alicubi (& ferè extra locum) hosce Nervos in Membranas explicari, indicat; istas neque ibidem, neque ullibi describit; imò easdem & ipse vult, nullas alias esse, quàm illas, quibus Canales intus vestiri existimantur; nisi multùm me fallunt quotquot adhibui, illius Latinæ Versiones; nam Gallica Editio ad meas non pervenit manus. Nec verò quia hoc, ut & quædam alia non detexit Vir ille Exercitatissimus; idcirco vel minima Magnæ ejus Famæ pars intercidit; nam

*Ratio, qua indica-
s Zona queri de-
bent.*

alia multa, de quibus aut nihil; aut si aliud; multum obscure locuti sunt, qui ante ipsum fuerunt; Scriptis ita tradidit, & Figuris; ut sæpè eosdem superaverit: & fortassis in Libello hoc quædam defuissent; nisi illius Labores conatus præcessissent meos. Verum ut ab Officio, quod Præstantissimo Viro, hac præsertim occasione, debebam, ad promissa deveniam mea; Illud primum adverto, quòd dum Zonæ in exsiccata Humanâ Aure quærantur; potest de levi cum portuncula Canalis, quæ anatomico ferro elevatur, contenta Zona; Canali nempe non rarò adhærescens; ita simul disrumpi; ut saltè ex parte ipsius figura, & progressus frustra postea quærantur. Itaque Canales limasensim aperire, & diligenti, atque expertâ manu pertractare oportet: & in hoc tota fermè ratio consistit Zonas exactè detegendi. Neque enim consulere possum, ut recentem potius Aures adhibeas, qui noverim, in tali Aure, non solum Zonas; sed & similia ab Humore quodam inferius memorando quodammodo obscurari sic, ut possint minùs exercitatos oculos fallere. Neque in ipsis resiccatis Auribus certa sunt præcepta, quibus edoceam, à quo potissimum latere Canalem aperiendo, contentarum Zonarum læsionem evites. Zonæ enim; quas quidem in medio Canalis quasi suspensas interdum vidi; modò superioribus, modò inferioribus, modò lateralibus ejusdem parietibus unitæ reperiuntur. In Ovinis verò Auribus regulariter inveniuntur incedentes super Canaliū pariete inferiori; adeoque dum inter aperiendum Canales, parietem illum devites; integras Zonas in his Animalibus consequeris. Quæ cum in eisdem subobscuri coloris causâ citius occurrant; eò etiam facilius ex his;

Quæ

*In Ovinis Auribus
facilius Zona in-
veniuntur.*

Quæ de Zonis in Homine præcipua scripsimus, addices; tum ad eas in ipso Homine aptius detegendas, detectasque dignoscendas instrueris. Sed & in Cana- Item in Auribus Aquila. libus Aquilæ Zonarum figura, & progressus cuique ad evidentiam conspicua erunt.

XIV. Ut integrum Nervi Mollis in Labyrintho progressum consideremus; Alteram quoque superius indicatam illius Partem prosequi oportet. Hæc verò, ut ibidem scriptum est, Sinuositatem, versùs Cochleæ centrum excavatam, manifestò quidem ingreditur; At qualem à Sinuositate in Cochleam habeat transitum, hoc diutius quærere coactus sum. Vidique demum Vid. Tab. X. Fig. II. minima quædam Foramina, in certum numerum difficilè cogenda, per quæ Nervæ Fibrillæ Cochleam subeunt. Intrâ hanc verò eadem probabiliter in Membranam expansæ, Partem illius Septi Membranaceam componunt, quam superius descripsi; & quam ut à Zona Cochleæ, sive Septi Cochleæ Substantia Mollior, de qua etiam supra. Canaliū Semicircularium Zonis descriminem; cum quibus videlicet multum figurâ; substantiâ verò penitus convenit; Zonam Cochleæ appellabo. Porro an hæc Cochleæ Zona continuationem habeat cum Membranâ Vestibuli, pluries indagavi; sed nihil solidi in re hac usque adhuc potui reperire. Delin. Vid. Tab. VIII. Fig. VII. VIII. IX. item Tab. X. Fig. III. Usus Vid. Cap. VI. Num. VIII.

XV. Descriptis Labyrinthi Nervis Vasa Sanguinea, & fortè etiam Lymphatica associanda sunt. A Cerebro enim simul cum Nervorum Truncis illa observantur versùs Labyrinthum delabi; quorum progressus Vasa Sanguinea Labyrinthi. licet perrarò in Zonis evidenter conspicuus sit; attamen non inverisimile est, eadem Vasa, Nervos comitando, & Canaliū, & Cochleæ Zonas irrigare. Quam assertionem non parum roborat Nervi Optici, dum in Retinam se expandit, observatio. Ut enim obvium Delin. Vid. Tab. VIII. Cap. X.

*Vasa Lymphatica
in Retinâ, &
Nervo Optico Bo-
vis noviter obser-
vata.*

cuique est; Vasa sanguinea cum Nervo delapsa, cum ipso quoque in Retinam diffunduntur. Quinimò ipsa etiam Vasa Lymphatica, & Nervum Opticum, & ejus in Retinam expansionem comitantur; Nam ut primus ego in Oculo Bovis, ad multos dies in aquâ macerato, perspicuè observavi; Vasa Lymphatica, ea-que sane non exilia, per Retinam elegantissimè ludentia, indèque verò in majores truncos collecta, se in Opticum Nervorum intrudunt, quò loci hic incipit in Medullares Fibras radiatim se se explicare; ut Retinam nempe componat. Sed hæc Vasa in Retinâ observare non semper in promptu est; nam aliàs aliquale tantummodò ipsorum vestigium (prout modò magis, modò minùs Lymphatica apparent) aliàs neque illud ipsum vestigium adnotare potuimus. Præter verò ipsos Lymphaticorum, & Sanguineorum Vasorum Ramulos, Zonas, ut credimus, perreptantes; sæpè Sanguineæ Propagines internos Vestibuli, Canaliculorum, & Cochleæ parietes alluere conspiciuntur: quæ porrò an ab ipsis Nervorum Vasis Sanguineis oriantur; an potius sint extimi eorum Surculi, quæ interiorem Offis Petrosi substantiam irrigant; res apud me incerta est. Illud tamen scio, multoties me quæsisse, an talia Vasa distinctis trunculis, & per peculiare Foramen Labyrinthum ingrediantur, præsertim circa Fenestram Rotundam, ut apud quosdam legitur; semper verò frustra quæsisse. Nollèm interim, quòd occasione horum Vasorum internos Labyrinthi parietes perreptantium, putaret Aliquis, internos eosdem parietes peculiari undequaque vestiri Membranâ, non dissimili ferè modo, ac Offa solent externè Periostitio indui; se se innitens illi, quam multi obtinent, Opinioni: Vasa-

sa Sanguinea per extimam Ossium superficiem non pro-
gredi; nisi Membranis contexta suffulcian-<sup>Opinio illa; quod
scilicet Vasa San-
guinea extimam
Ossium superficiem
perreptare non pos-
sint; nisi Mem-
branis suffulcian-
tur; experientia
non respondet.</sup> Cum
hac enim Opinione profectò pugnat experientia; per
quam ego scio; omni Perioftio exactè Ossibus ademp-
to; & quidem sinè ullâ fermè vi, & distractione; Va-
sa Sanguinea super nudâ Ossium superficie illæta, & in-
tegra mihi pluries apparuisse; Ad hæc super Officula
in Tympano descripta, Sanguinei repunt Surculi; illa
tamen nullo Perioftio vestiuntur. Ut verbo me expe-
diam; hoc scio, me præter superius descriptas, nullam
aliam Membranam intrâ totum Labyrinthum videre po-
tuisse.

XVI. Partes in hac Interiori Auris Cavitate hæc-<sup>Labyrinthus, &
contentæ in ipso
Partes eadem
magnitudine vi-
dentur esse in In-
fante, atque in
Adulto.</sup> nus descriptæ, videlicet Vestibulum, Canales Semi-
circulares, & Cochlea unâ cum contentis Membranâ
Vestibuli, & Zonis Sonoris quam magnitudinem ob-
tinent in Adultis; eandem prorsus in Infantibus habere
videntur. Quod quidem non sinè sagaci Naturæ con-
silio factum esse, ubi de harum Partium Ufu scribetur,
fortasse monstrabimus.

XVII. Pro hujus Cavitatis Coronide scire juvat,<sup>Humor quidam a-
queus, quo totus
Labyrinthus, &
contentæ in tra ip-
sâ Partes ma-
desunt.</sup> Labyrinthum Humore quodam aqueo, & hoc copioso
intus madefactum reperiri, unde contentæ Membranæ
humescunt: de quo nulli fecere mentionem. Humor
iste in recenti Aure observatur. In Fœtu quidem san-
guineâ tincturâ rubescit; sed hunc colorem sensim pro-
grediente tempore amittit sic, ut aqua limpida videat-
ur: quæ quidam etiam Fluido, quo Thorax, & Ab-
domen humectatur, contingunt. A quibusnam Fon-
tibus Fluidum istud in Labyrinthum emanet, sensibus
est admodum difficile; ne dicam impossibile; assequi:
Rerum enim parvitas, & firmissimi, in quo recondun-

tur, Ossis durities inquirentis perquisitionem eludunt. Mente autem utcunque illud percipi facilius poterit. Et quidem cum omnis externo humori aditus in Labyrinthum intercludatur; in ipso verò Labyrintho præter descriptas Membranas nullæ aliæ aptæ secretioni Partes occurrant; jam hinc video, non defuturos, qui Humorem illum ab eisdem Membranis derivari posse, credant; non dissimili ratione, ac à Peritonæo, à Pleurâ, à Pericardio, à Durâ Matre, à Vaginali Testium, & si quæ sunt, consimilibus Membranis, Serum (& quidem; uti ex parte mox indicatum est; huic nostro simile) in Cavitates excerni, observamus. Quos quidem neque probare, neque refellere mihi tempus est. Pariter institui hîc posset quæstio; an excretus Humor (undecunque demum proveniat) per frequentes Zonarum concussiones absumptus, in halitus evanescat; an verò perpetim in Labyrinthum depositus; perpetim quoque indè revehatur; & sic effluat, & refluat. Sed cum de re hac non solum in istâ, verum in compluribus Cavitatibus, cum magnâ, ut auguror, Practicæ, & Theoricæ utilitate disquirendâ, sententiam proponere non possim meam, finè multiplici Experimentorum, & Observationum prænarratione, atque examine; profectò quæstionem solvere nil aliud esset, quàm alteram Historiam hîc exordiri, ubi præsentî finem imponere satius est.

AURE HUMANA TRACTATUS

PARS ALTERA

Continens Auris Partium Usus.

CAPUT IV.

Usus Auriculæ, & Meatus Auditorii, sive Exterioris Auris Cavitatis.



Ntrâ nimis angustos limites, innata homini sciendi cupido se cohiberet; si quæ in Naturâ tam magna, tam subtiliter ducta, tam nitida observantur; soli oculorum aspectui committeret: quasi eorem perditura fructum; si ulteriori Mentis contemplationi non obijcerentur. Itâ Compluribus injucundi essent labores mei; nisi quæ hucusque in Humanâ Aure visu exploravimus; intellectu percurreremus. Igitur à Partium Auris Descriptione ad istarum Usus, præsertim minùs obvios, edisserendos animum converto. Quia in re præstandâ consilium fanè mihi non est ea omnia perspeculari, quæ in Libris suis subtiliores Philosophi, aut Mathematici circa Aurem consectari possent, utpotè longioris sæpè indaginis, & à Medico Anatomico non rarò disparata; sed talia non nisi strictim, & quasi obiter, curio-

riofiores excitaturus, ut plurimum tangam: in cæteris, quæ Medicos Rationales scire magis convenit, amplius diffusus, Porro ubicunque res concedet; sententias meas solidis pro meo modulo rationibus, atque experimentis probare conabor: ubi verò res in opinione consistent; si quæ proposuero, scopum apud Aliquos attingere non videbuntur; horum vel contraria judicia neque mirabor, neque refellam; nam cum arbitrium solis Mentibus relinquitur; ferè unum quemque sua sibi velle cogitata parere, & parta fovere, nec novum est, nec usque adeo intolerandum.

Ordo Scribendorum.

II. Incepturo duo Ordines occurrunt, quos sefter. Alter ille est, quo Partes se offerunt, idem nempe, quem in Descriptione secuti sumus; alter verò Ordo ipse; quem Motus Sonori, ab Auriculâ ad ultimum usque Sensorium progrediendo, observant. Quorum singulos cum seorsim pulchros esse, intelligo; tum ambos simul connexos esse pulcherrimos, sentio; ideòque utrumque simul ut plurimum servare constituo: tunc solummodò ab alterutro, vel ab utroque recessurus; cum aut inevitabilis Usus cum Usu colligatio; aut spes majoris perspicuitatis; aut evitatio repetitionum; aut demum similis alia prior ratio suadebit. Igitur Motus Sonori Auris interiora subituri, ad Auriculam primùm appellunt. Motus autem Sonori (sive isti sint Vibrationes; sive Tremores; sive Undulationes; sive quodcunque aliud; & in quocunque subiecto, quod à Sanioribus Philosophis excogitetur) pervulgatum jam est, quòd quò plures; quò magis in unum contracti; quò demum fortiùs impulsì Auris interiora subeunt; eò vividiùs, atque distinctiùs percipiantur; nisi quidem vel ipsâ nimietate peccarent. Porro Auricula ad uni-

Auricula Usus.

Descriptionem
Vid. Cap. I. Num.
II.

Delin. Vid. Tab.
I. Fig. I.

universa hæc commoda facta est in tantum, ut si cui desit; hunc debilius audire, jam notum sit. Nam cum forinsecus, ad instar infundibuli dilatata, exporrigatur; & cum quanto magis Foveis, atque Eminentis inæqualem, tanto majorem obtineat superficiem; hinc est, quod Sonoros Motus Auditorio Meatui plures committat. Easdem verò Cavitates ita configurari, atque disponi; ut quibus reflexionibus Motus illos in Auditorium Meatum trudent; eisdem in unum cogant, jam ab aliis ostensum est. Demum quis non videt, cartilagineam Auriculæ firmitudinem ad Motus, quos reflectit, fortius impellendos multum conducere? Ad quod non parum sanè juvare etiam Ipsius Integumentorum constitutionem, quæ nempe, in indicatis præsertim Cavitatibus; pinguedine destituuntur; satis, superque suademur per vulgatam illam Observationem de nudo cubiculo, præ illo, quod Aulæis insternitur, ad audiendos Sonos conducente.

Ejusdem Fovearum, & Eminentiarum Usus.

Ejusdem Cartilaginis Usus.

Descript. Vid. Cap. I. Num. IV.

Delin. Vid. Tab. I. Fig. II.

Ejusdem Integumenta cur sine pinguedine.

De hoc Vid. Cap. I. Num. III.

III. Verum non satis fuerat Naturæ, Sonororum Motuum fortiolem impulsu per Cartilaginis consistentiam, & pinguedinis defectum ab Auriculâ procurare; sed antequam ipsi Auditorium Meatum subirent; constituit, ut ab eadem Auriculâ, quatenus Musculis adhuc firmatâ, validius repellerentur. Illam igitur Auriculæ Partem, quam iidem Motus, jam jam Meatum subituri, contingunt, Concham videlicet, circumquaque dispositis Musculis, in tonico perpetim motu persistentibus, ita ex unâquaque ejus parte firmavit; ut tota Concha in eo robore, & tono jugiter permaneat, quò appellentes Sonori Motus fortius adhuc reflecti possint. Nam superiorem illius partem perpetuò firmam reddit Musculus Superior; posteriorem Musculi

Musculorum omnium, & Fibrarum Auriculæ Usus.

Descript. Vid. Cap. I. Num. VI. VII.

Delin. Vid. Tab. I. Fig. III. & IV.

Posteriores. Quòd verò cæteræ quoque ejusdem partes, ut par erat, perpetim firmentur, inventi à nobis Musculi, & Fibræ argumento sunt. Nam Musculus quidem Anterior, necnon Musculus Tragi partem Conchæ lateralem anticam firmant; Musculus verò Antitragi partem inferiorem lateralem posticam. Ad quam lateralem posticam magis, & undequaque firmandam conducunt denique Fibræ Transversæ in Conchæ marginem ex illâ parte infixæ. Quæ omnia cùm ità se habere, ipsæ Musculorum, & Fibrarum suo loco descriptæ tendentiæ, & extrema evincant; quidni censeam, tum Concham peculiari hac firmitudine roboratam ad validiorem Sonororum Motuum reflexionem plurimum facere; tum multos Anatomicos injuriâ Auriculæ Musculis omnem Usum hac ratione, quòd eos moveri, non conspicerent, denegasse; quasi verò in Motu Tonico consistere non posset eorum Usus; aut Motus Tonicus conspici deberet: ne illos perstringam, qui ex eâdem ratione usque ad ipsos Musculos pernegandos processere.

Glandularum Auriculæ Sebacearum qualiscunque Usus.

Descript. Vid.
Cap. I. Num. III.

IV. Hic Aliquis animadvertens, Auriculam non solum tot Motus Sonoros excipere; verum eosdem tantâ vi repellere; facilè excogitabit, Glandulas Sebaceas à nobis in Auriculâ, & præsertim circa Concham, detectas hoc fortè præstare, ne videlicet Auriculæ Partes assiduis Motibus magis subjectæ, eademque ob allatas rationes pinguedine destitutæ supra quàm par est, arecant; eas scilicet, sed per quàm levissimè obliniendo; non multum dissimili ratione, ac Volæ Manuum, & Pedum, aliæque Partes, ne à frequenti motu incallescant; per copiosiores, & insigniores Glandulas humectantur. Verum ego quid de Sebacearum Glandularum Usu

Ufu & in Auriculâ, & alibi potissimùm sentiam, nondum proponere audeo. Aliud circa has Glandulas in universum hac occasione adnotabo. Posse nempe de ipsis ambigi (maximè si per omnem ferè Cutim, ut conjecimus, reverà adessent) Num fortè quibusdam Tumoribus Cysticis, præsertim verò Steatomati originem præbeant. Siquidem tum materia; quæ in Steatomatis Folliculo continetur, illi, quæ in talibus Glandulis reperitur, similis omninò est; tum verò in nullâ aliâ Parte crebriùs mihi se observandos, & secandos ii Tumores obtulere, quàm in Palpebris; in quibus videlicèt Sebaceæ Glandulæ; ut suo loco indicavimus; præ aliis Partibus copiosiores sunt, & patentiores. Sed de hoc, & de ratione, qua Steatomata, & similes Tumores ex ipsis Palpebris feliciter exsecare soleo; quo nempe artificio, ne Circulares ipsarum Fibræ, aut Tendo Musculi Attollentis Palpebram Superiorem notabiliter lædatur, præcaveam; & quomodò non à parte externâ Palpebræ; sed ab internâ sectionem instituendo, certius, & nulla relicta cicatrice, eos Tumores tollere excogitaverim; de his, inquam, omnibus opportunior fortè olim occurret scribendi locus.

De Tumorum quorundam Cysticorum origine.

De eorundem ex Palpebris exsecandorum ratione.

V. Motus Sonori ab Auriculâ in Meatum Auditorium intrusi, per hunc versùs Mediam Auris Cavitationem contendunt. Sed per ipsum quantùm augeatur illorum vis, jam disquisitum est tum ab illis, qui à lato in angustum tendentis Meatus ad ipsos colligendos aptitudinem animadverterunt; tum ab alijs, qui incurvum ejus incessum ad illos augendos Motus non minùs, quàm inflexam Tubam, aut Cornu, factum scripsere: qui sane postquàm ego talem incessum ma-

Meatus Auditorii Usus.

Descript. Vid. Cap I. Num. IX.

Delin. Vid. Tab. III. Fig. I.

Incisurarum Meatus Auditorii U-
sus.

Descript. Vid.
Cap. I. Num. X.
Delin. Vid. Tab.
I. Fig. II. & Tab.
IV. Litt. f. f.

gìs adhuc, quàm credebatur, tortuosum descripsi; in Sententiâ magis confirmari poterunt suâ. Nos itaque tantummodò à re prætermisâ, nempe ab Incisuris in Meatus principio occurrentibus, hanc Sonororum Motuum corroborationem deduci etiam posse, coniicemus, secundùm Observationem quandam, quam accepimus à Clarissimo Hiemyniano Rondello Bononiæ Matheseos Professore. Hic sibi construxerat Tubam Polyphonicam ex pluribus conglutinatis chartarum stratis: quam & ad loquendum, & ad audiendum dum adhiberet; ipsam præ cæteris, quibus antea usus fuerat Polyphonicis Tubis, sive emitteret, sive (quod ad rem nostram) exciperet voces; ipsam, inquam, magis, quàm cæteras, voces intendere, animadvertit. Quam porrò dum attentè, & diligenter perlustrat, ut augmenti illius causas dignoscat; nil demum in hac peculiare adinvenit; hoc uno excepto, quòd ubi cæteræ undique erant connexis stratis, & minimè ab invicem dimotis; in istà interna strata hìc illic, laxato glutine, ab invicem paulò discefferant sic, ut complures intercapedines inter se relinquerent, vacuitates scilicet Meatus Auditorii Incisuris æquivalentes; cùm istius Incisuræ nil aliud sint, quàm intercapedines inter unam, & alteram Membranulam relictæ. Nunc verò certum est, est, Meatum Auditorium, cùm ex lato in angustum procedat; Tubam quandam Polyphonicam ad Sonos excipiendos Auri admotam referre; quidni ergo coniicere Aliquis possit, eas, quæ in illo sunt, Incisuras, sive stratorum intercapedines, idem præstare, quod eadem in Tubis Polyphonicis præstant; præcipuè cùm tali situ locatæ fuerint, ut maxima Sonororum Motuum pars, qui Meatum

tum subeunt, necessariò ad ipsas allidatur. Porro si hæc conjectura uti nobis, ità & cæteris probaretur; & quod Laudato Viro successit, aliis quoque constanter responderet Experimentum; sanè in consimilibus Tubis conficiendis, tales inter strata intercapedines in posterum elaborari deberent, ut perfectiores effectus obtinerentur, quos vel ipsa Natura hac Meatus Auditorii constructione videtur polliceri. Atque utinam Artes possent ab illis etiamdum ignotis, per quæ Natura in nobis operatur, instrumentis, præcepta desumere; ô quantum perfectionis Artibus, quantum commodi Reipublicæ, quantum toti Orbi novitatis accederet, atque etiam oblectamenti!

VI. Quid verò Sonororum Motuum viribus, ità in Meatu Auditorio adauctis, id quoque conferat, quòd ejusdem Meatus parietes pro majori parte ex Osse construuntur; ex illis quæ superiùs de Cartilaginum ad eos Motus vividius reflectendos aptitudine indicata sunt, jam satis, nisi fallor, colligitur. Quocircà tum modò; tum deinceps; cùm quidem reliquum Auditus Organum in Osse excavatum sit; quanto cum Sonororum Motuum commodo Auris penetralia quæque ex Osse construuntur, explicare consultò omitemus; maximè cùm idem ab aliis indicatum fuerit. Illud verò hìc admonebimus; quòd nempe cùm ad Membranam Tympani componendam, aliosque Usus super Meatus Auditorii osseos parietes Cutim extendi, oportuerit; poterat hac ratione illud commodum, quod ab osseâ superficie Sonoris Motibus provenit, admodum minis; sed ne ità contingeret; per dimidiam saltèm, ultimam Meatus partem, Cutis; uti quidem ego observavi; tensa, & summoperè attenuata est. Per quam

*Monitum illis, qui
Tubas Polyphonicas
conficiunt, pro-
positum.*

*Cur Meatus Au-
ditorii Cutis pro
magnâ sui parte i-
tà attenuetur, at-
que tendatur.*

*Descript. Vid.
Cap. I. Num. XI.*

tamen Cutis eo loco tensionem; & tenuitatem; cùm sensibilibior illa sic fiat; etiam hoc præstatur, ut externarum injuriarum ad Tympani Membranam jam accedentium; utputa dum Auriscalpio purgamus Aures; opportunè admoneamur. Cæterum quæ reliqua in Meatu Auditorio Cutis pars est, ut à certo injuriarum genere præmuniret; utilem istam Sonoris Moribus tenuitatem, atque tensionem obtinere non potuit. Nam Cerumen excernere, excretoque oblini debuit, quò nempe animalculis aditum in Aures intercluderet per ejus, ut perhibetur, visciditatem, necnon etiam per ejus, à qua fortassis fugantur, amaritiem. Cerumen verò insuper ad Cutis, à qua separatur, sicuti humor ille aqueus, tenuiorem Cutim humectans, ad ejusdem tenuioris Cutis inter tot assiduos Sonororum Motuum ictus conservationem facere fortasse poterit, secundum illa, quæ de Ufu Glandularum Sebacearum superius indicata sunt.

Usus Ceruminis.

Coarctationis Meatus Auditorii, crassæque in ipso occurrentis substantiæ in Foetu Ufus.

Descript. Vid.
Cap. I. Num.
XIII.

VII. Verùm ut Cerumen, Cutisque indicatæ sensibilitas ad arcendas à Membranâ Tympani injurias in nobis conducunt; ità in Foetu ne ad eandem fortasse nimis laxandam Liquor Amnii permearet; cautum est per Meatus circa ejus principium constrictionem, necnon per crassam illam, qua idem tunc operitur, substantiam. Quæ duo cùm jam nato Infante, non illi cò auferantur; clarum est, eadem hoc quoque præstare, ne scilicet externis injuriis Aures recens natorum statim exponantur; eosdemque primis diebus nihil, aut minimum audire, hac etiam de causâ perspicuum est.

Infantes recens nati aut nihil, aut minimum audiunt.

VIII. Quid verò Nervi, Arteriæ, Venæ, & Lymphatica Exteriori huic Cavitati præstent, aut duabus etiam sequentibus; cùm id quidem aliis Partibus commune

mune ut plurimum fit; supervacaneum foret hic, aut deinceps peculiariter explicare. Ideò si quid minùs obvium Vasorum occasione nobis succurret; hoc scribetur; cætera autem mittentur. Hic ergo occasione Venæ Occipitalis à nobis descriptæ, duo tantum indicabimus! Alterum, quòd nempe minari subit, cur Natura quem sanguinem deorsum in Jugularem Venam expeditiùs demittere potuisset; pertusâ peculiari Foramine Calvariâ, intrâ hanc compellere in Lateralem Sinum maluerit; Alterum verò, quòd mihi olim Tumoris cujusdam naturam dignoscere, atque adeò ad Dominum Joannem Baptistam Morgagni Philosophum, & Medicum Foroliviensem, à quo circa eundem Tumorem per litteras consulebar, probè, & utiliter respondere multò difficilior fuisset; si hanc Venam Occipitalem ignorassem. Ut enim scribebat Juvenis iste Judicio, & Studio Spectatus, & qui mihi in Publicis Anatomicis Administrationibus, tum in hoc ipso conficiendo Tractatu adiutrices præbuit manus; Cui-dam Ægro Tumor erat in Occipite (& quidem eo loco; ubi illius Venæ Truncum postmodum inveni) magnus, globosus, æqualis; non variciformis; mollis, qui fluidum intus stagnans continere videbatur, & qui sicuti appressis digitis sensim ex toto evanescibat; ità iisdem ablatis, redibat; neque tamen pulsabat. Ego sanè cùm paulò antea consimilem in Collo Tumorem; qui parum defuit, quin à Chirurgis aperiretur; à rupturâ Venæ Jugularis Internæ sanguinem in viciniam effundentis ortum esse, post Ægri mortem comperissem; hunc quoque ex iisdem signis ejusdem esse generis, ex unâ parte cogitabam. Sed ex alterâ, cùm sufficientem Venosum Truncum nul-

Descript. Vid.
Cap. I. Num.
XIV.

Delin. Vid. Tab.
VII. Fig. II. Tab.
IV. Litt. d. d.

*Circa Venam Occi-
pitalem Problema.*

*Observatio, & Si-
gna cujusdam Spe-
ciei Tumorum à
sanguine extra-
vasato provenien-
tium.*

*Altera eorundem
Observatio.*

lum

lum ibi adesse, secundum vulgatas Venarum Descriptiones, scirem; hunc Tumorem à disruptâ Venâ deduci posse, non credebam. Nec verò nullius momenti ea mihi videbatur Dubitatio. Nam si primum statuerem; illum sanè Medicum, in eo confirmare debebam, ut Tumorem huiusmodi temerè, & à quocunque aperiri, quemadmodum Æger curabat, neutiquam permetteret. Si autem secundum, ut Tumoris apertionem suspectam facerem, nulla ferè amplius me ratio movebat. Verùm me ità incertum animi, & consilia suspendentem, illa, quam ibi interim detexi, Vena illustravit. Illa enim effecit, ut in conceptâ istiusmodi Tumorum probabili Diagnosi persisterem: adeoque non sinè Ægri utilitate, in primâ potiùs confirmavit sententiâ.

CAPUT V.

Ufus Tympani, sive Mediæ Auris Cavitatis.

Sicuti verò Auriculæ, & Meatus Auditorii Anatomica consideratio ostendit, Motus Sonoros, per illa fortiores factos, usque ad Tympanum sese deferre; ità Motus illos non nisi per quatuor Ossiculorum Mechanicum motum, per Tympanum in Labyrinthum transferri, ipsius Tympani contemplatio indicabit. Quod ideò in ipso limine statim prædico, ut tantò libentiùs hæc, quam exordior, Disquisitio perlegatur; quantò citiùs notum fuerit, Opinionem meam circa rationem, qua Sonori Morus per Tympanum ad Labyrinthum transeunt, ab ijs, quæ circumferuntur, Sententiis diversam fore. Omnes enim, ut puto, novam aliquam circa hos Opinionem liben-

libenter legent; cùm jam vulgatas ob res, quæ in Tympano observantur, multas; minùs verisimiles esse, sci-
ant. Quis enim non videt, quòd si Motus Sonori; ut
communiùs perhibetur; deferre ipsi se se in Labyrin-
thum deberent; officerent expedito ipsorum cursui tot
interposita per Tympanum impedimenta, scilicet non
solùm Membrana ipsius Tympani; sed hinc Stapes O-
valem Fenestram obturans; illinc Membrana Fenestram
Rotundam claudens; necnon situs ejusdem Fenestræ,
advenientibus Sonoris Motibus non adversæ; sed late-
ralis. Quantum verò ad cæteras Sententias attinet; quot
res in eâdem Tympani Cavitate; imò in Ossiculis ip-
sis sunt, quæ omninò credere non sinunt, Sonoros Mo-
tus per quosdam intestinos tremores, aut alios similes
motus ab uno Ossiculo reliquis successivè communica-
tos, in Labyrinthum transferri? Sed per aliarum Opi-
nionum subversionem sententiam hìc aliquam adstruere
neque consilium, neque institutum meum est. Præstat
itaque, ut ipsas Tympani Partes juxta consuetudinem
nostram consideratione percurrendo, ostendam, si pos-
sim, quod pollicebar; Opinionem illam; nempe quòd
Motus Sonori per quatuor Ossiculorum Mechanicum
motum ab Auditorio Meatu in Labyrinthum transferan-
tur; ab ipsâ Tympani contemplatione indicari. Quod
ut clariùs præstem; juvabit à quatuor Ossiculorum con-
sideratione initium capere; qua nempe tota hæc mea
Opinio qualis sit, ante omnia explicetur.

II. Principiò autem illud ex nostris Descriptionibus,
& Tabulis colligi potest, Malleum ità construi, & su-
pra talem sui locum, mobilem esse; ut Vectem primi
generis, sicuti loquuntur Mechanici, repræsentet; Ma-
nubrium enim, sive unum extremum ad Membranæ

K

Tym-

*Vulgatas Opiniones
circa modum, quo
Sonori Motus per
Tympanum ad
Labyrinthum
transeunt, ipsa
Tympani Anatome
minùs verisimiles
esse, ostendit.*

*Opinio nova circa
hanc rem.*

*Ossiculorum, & O-
valis Fenestræ U-
sus.*
Descript. Vid.
Cap. II. Num. IV.
VII. VIII. X.
XIII.
Delin. Vid. Tab.
III. Fig. V. VII.
III. XI. & Tab.
X. Fig. I.

Tympani centrum; Caput verò, alterum scilicet extremum ad Mastoideam Sinuositatem extendens, hypomochlium inter utrumque habet, nempe in oppositis insertionibus Musculorum sui Minoris Processus, & Minimi; à quorum tonico motu hypomochlii firmitudo dependet. Rursus ex eisdem Descriptionibus, & Tabulis deduci similiter potest, Incudem quoque ejusdem generis Vectem referre; cum Corpus, sive unum sui extremum ad eandem Sinuositatem; Longiorem verò Processum, nempe alterum sui extremum, Stapedem versùs exporrigens; hypomochlium pariter habeat inter utrumque, videlicet in eo Sinuositatis indicatæ pariete, cui Processus illius Brevior alligatur. Deinde illud quoque ex eisdem constat, Mallei Caput, & Incudis Corpus firmiter committi, nempe unam unius cum alterâ alterius Vectis extremitate connecti; adeoque vim unius Vectis alteri statim applicari sic, ut quo tempore ultima unius Vectis extremitas, utputa Mallei Manubrium, loco moveatur, eodem ultima alterius Vectis extremitas, scilicet Processus Longior Incudis debeat pariter commoveri. Ad hæc ex eisdem Descriptionibus, & Tabulis habetur, Longiori huic Processui Stapedem, ceu quandam appendicem, adiungi: atque adeò illo moto, oportere, ut hic quoque moveatur. Quæ cum ita sint; attentis etiam cæteris, quæ circa Ossiculorum posituram, & locum fuerunt scripta; colligitur: Quòd eodem tempore, quo Mallei Manubrium versùs Tympani Cavitatem magis, aut minus repellitur; eodem, inquam, tempore Basis Stapedis sursum magis, aut minus per Ovale Fenestram movebitur: & quòd illo versùs Meatum Auditorium redeunte; hæc quoque uno eodemque tempore versùs Tym-

Tympanum relabetur. Porro totum hoc, quod ex Mechanicà expositorum instrumentorum constitutione colligimus; & quod facilè Alicui inter legendum arduè nimis, aut obscurè; fortasse etiam imaginariè deductum videtur; totum hoc, inquam, per ipsam autopsiā facillimè, & exactissimè in recenti Aure confirmari posse testamur. Cùm reverà ergo Natura adeò manifestam, adeò excogitatam, adeò mobilem hìc apparaverit Machinam; cùm ultimas ejusdem extremitates eà ratione constituerit; ut quo tempore earum una magis, aut minùs mōvetur, eodem altera magis, aut minùs moveatur: cùm demum earundem extremitatum alteram, nempe Basim Stapedis eo loco posuerit, ut non possit moveri, quin suos aeri, qui in Labyrintho est, communicet motus; alteram verò, id est Mallei Manubrium tali locò, talique ratione locaverit, ut quàm facillimè Sonoris Motibus (quorum nempe advenientium cursui ante cætera Officula quasi occurrit, & totum quantum est, obvertitur) quàm facillimè, inquam, ab advenientibus Sonoris Motibus vim pati queat; Quis non conijciat, Machinam hanc factam esse ad eodem Sonoros Motus in Labyrinthum transferendos; maximè cùm isti; nisi hac ratione transferrentur; Fenestræ Rotundæ Officia perturbare possent, ut sequenti Capite ostendetur; & cùm insuper per hanc Machinam tam mirabili celeritate transferri queant, ut quando alteram ejus extremitatem, ad Tympani principium attingunt; per alteram in Labyrinthum translati jam reperiantur.

Vid. Cap. VI.
Num. VII.

III. Hucusque in Officulis consideravimus eorum structuram, hypomochlia, commissuras, situm, & locum. Itaque ad susceptam eorundem contemplationem

nem absolvendam, superest, ut eorum denique Musculos consideremus. Verùm cùm illa, quæ de Musculo Processus Majoris Mallei cogitamus, perspicuè exponere non nisi inferiùs possimus; de Musculis verò cæterorum ejusdem Mallei Processuum alia non suppetant præter ea, quæ obiter paulò superiùs indicabamus; idcirco hic loci Musculum Stapedis tantummodo examinabimus. Et sanè si benè considerentur tendentia; & insertiones istius Musculi; etiam ex ipso expositi Ossiculorum Motus indicium aliquod obtinebitur. Videtur enim Musculus ille esse datus, ne unquam vi majoris alicujus motus ità altè Stapedis Basis per Fenestram ascendat, ut circumligans Membrana rumpatur; item ad promovendum aliquandò (simul cum vi elasticâ annexæ Ossiculis Membranæ Tympani, alijsque concausis) impulsorum Ossiculorum restitutionem; aut saltèm præcavendum, ne in validiori eorundem restitutione, tenuis Stapedis cum reliquis Ossibus commissura dissolvatur. Nempe valet Musculus ille Stapedem, paulò altiùs per Fenestram adactum opportuna retrahere, atque adeò cogere, ut adnexorum Ossiculorum restitutionem promptè sequatur. Quoniam verò hic Musculus (sive ipsum retrahat in hunc finem, ut probabile satis videtur; sive in alium) Stapedem non potest, nisi obliquè retrahere; non potest verò Stapedem obliquè retrahere; quin eam Basis illius partem, quæ ex sui ipsius latere est, margini Fenestræ apprimat; hinc factum reor, ut Membrana eam Basim colligans, ne fortè ex illâ appressione atteratur; ex eâdem parte, uti ego animadverti, firmior, & robustior constructa sit.

IV. Si quæ verò Pars in Tympano superest, quæ
sicuti

Usus Musculi Stapedis.

Descript. Vid.
Cap. II. Num. XI.

Delin. Vid. Tab.
III. Fig. X &
Tab. X.

Ratio, cur Membrana, quæ Basim Stapedis Fenestræ Ovali circum alligat, ex unâ determinatâ parte firmior sit.

Descript. Vid.
Cap. II. Num. X.

sicuti expositum ossiculorum Motum; atque adeò Sonororum Motuum transvectionem non parvis commodis juvet; ità ad illum indicandum conspiret; eam profectò Membranam Tympani esse, non finè ratione existimamus. Membrana enim hæc idcirco videtur (si quidem quæ præmissa, hìc simul attendantur) idcirco, inquam, videtur Mallei Manubrio adhærere; ut videlicet quæ Motuum Sonororum lineæ (ut sic loquamur) aut radij, in ipsum Manubrium non cadunt; illarum quoque ictus, quos nempe exceptos, per suas concussiones ipsa communicat, in idem Manubrium vim faciant. Alteram Membranam Tympani utilitatem eidem Sonororum Motuum transvectioni confert. Illa enim sua Cavitas Conica, adeoque à lato in angustum contracta, videtur sanè aliquot eorundem Motuum radios versùs sui apicem, seu finem aliàs non ituros compellere; At verò extremitas Manubrii, scilicet ea pars, quæ ut ab hypomochlio remotissima est; sic facillimè præ cæteris moveri potest; ad apicem istum, seu finem Conicæ illius Cavitatis collocatur.

V. Dum nos hæc commoda, quæ Sonoris Motibus in Labyrinthum sic transvehendis à Membranâ Tympani proveniunt, & quatenus eorum aliquot ità colligit, & quatenus ferè omnium ictus excipit; recensemus; non deerunt, qui talia subverti posse, existiment per vulgatum illud Willisii Experimentum de Cane post pertusam utriusque Tympani Membranam ad tres mensas adhuc audiente. Quibus nos illud primò dicemus. Opinionem nostram non esse, ut eæ, quas Membranam Tympani conferre consemus, utilitates omninò ad audiendum necessariæ sint; sed tantummodò ad perfectè audiendum non parum condu-

Membrana Tympani Usus.

Descript. Vid. Cap. II. Num. I. &c. Item Num. IV.

Delin. Vid. Tab. III. Fig. III. &c.

Assignati Membrana Tympani Usus non tolluntur per Experimentum Willisii de Cane.

*post ejusdem Mem-
brana perforatio-
nem audiente.*

*Quædam deside-
rantur in ejusdem
Experimenti rela-
tione.*

*Non ita difficile
est, Membrana
Tympani rupturas
sanari.*

cant. Rursus easdem; si probè attendatur; à Mem-
branâ etiam alicubi disruptâ, licet non ita exactè,
præstari posse. Quæ cum ita sint; porrò subiiciemus:
Nos Experimento isto minimè urgeri, in quo nem-
pe referendo, Auctor aliàs Studiosissimus; ita jeju-
nè se gerit; ut quomodò audiret Canis post eam per-
tusionem, non satis expressè, & absolutè enarret; quæ-
nam verò in Membranâ Tympani læsio, occiso Cane,
inventâ sit, neutiquam recenseat; adeoque permittat,
ut nos interim suspicemur, eam Membranam alicubi
tantùm disruptam (sive ut ipse ad rem nostram loqui-
tur) perforatam fuisse; itidem Canem præsertim primis
ab eâ perforatione diebus, tantummodò ruditer (ut i-
dem Auctor antequàm Experimentum enarret, indi-
care videtur) ruditer, inquam, & imperfectè audivisse.
Qua quidem unâ responsione licet nos optimo jure in-
tereâ uti possemus adversus illos, qui Experimentum
istud obiicerent; nolumus tamen unicæ huic suspicio-
ni fidere; sed hoc potissimùm respondemus. Fuisse,
ut velint, Membranam notabiliter disruptam; Canem-
que tres postea, & plures etiam; si velint, menses ita
ferè audivisse, ut antea solebat. Hoc totum concedi-
mus. Illud verò negamus. Constare scilicet, quòd
ea ruptura eodem tempore in Membranâ persistenterit.
Quinimò illa, ut nos putamus, facilè sanata est: &
Membrana in pristinam integritatem probabiliter redi-
vit. Quæ res licet multis paulò difficilior videri pos-
sit; qui tamen animadvertent, divisas per rupturam,
introrsumque adactas Membranæ partes facilè ita se posse
in priorem locum reducere, ut rursus singulæ ad invi-
cem accedant; item reverà Naturam tum posse, tum
solere istius Membranæ rupturas ex facili sanare; illis
pro-

perfectò non ità difficilis apparebit. Sanè ego in Auribus cujusdam Mulieris, quæ ab Ulcere Tympani, hujusque Officulorum Carie jampridem in Auditus Gravitationem inciderat, proximam hujus Affectionis causam nuperrimè inquirens, alteram quidem Aures; qua Mulierem *Surdam fuisse, necesse est*; absque Tympani Membranâ, Officulisque omnibus; si Stapedis Basim excipias; inveni, & totum insuper Tympani ab infor- mibus fibrosis veluti excrescentiis occupatum vidi; sed in oppositæ Auris Tympano corrosam quidem maximâ ex parte Tympani Membranam comperi, ità ut Malleus, necnon Incus omninò intacta, indaganti statim occurrerent; statimque cognoscere liceret, Processum Longiorem ejusdem Incudis, scilicet per quem cum Stapedis Capitulo solet articulari, omninò abrosum fuisse sic, ut nulla amplius inter hæc duo Ossa intercederet articulatio; At corrosam Membranæ partem Natura quodammodò restituerat; nam nova quasi Membrana Tympani ab illâ Membranæ parte obliquè per Tympani Cavitatem producebatur eâ ratione, ut Malleum, Incudemque excluderet; Stapedem verò obtegeret, cujus Capitulum ipsi annectebatur: quasi Natura, cum abruptâ Officulorum unione, non amplius interesset, ut Membranæ Tympani Major Processus Mallei uniretur; Stapedis saltè Capitulum eidem Membranæ annecti, voluisset. Ex qua Observatione sicuti unum deducere fortasse possum in confirmationem Opinionis istius meæ de utilitate, quam Officula, quatenus in Vectem disposita, atque unita, in audiendo præstant; nam hîc, ubi Vectis destructa erat, Auditus Gravitatis aderat; ità hoc alterum eruo, quòd si Natura Membranam hanc maximâ ex parte corrosione absump-

Observatio causarum Surditatis ex unâ Aure; & Gravitatis Auditus ex alterâ.

Membrana Tympani maximâ ex parte corrosione absumpta à Natura restituta est.

Obiter confirmatur expositus quatuor Officulorum Usus.

tam

In duobus Canibus, quibus Tympani Membrana perrupta fuerat, eadem in pristinam integritatem restituta est.

Cur hac Membrana Tympani restitutione non obstante, aliquando tales Canes incidere in Surditatem possint.

In conficiendo indicato Experimento Willisii, quanam subesse deceptio possit.

tam ita ex integro ferè restituit; eo faciliùs Membranæ ejusdem aliquam partem; non absumptam; sed tantùm dimotam, in Cane illo, potuerit, non dico regenerare; sed tantummodò unire. Verùm quid ego diutiùs immoror in hoc ostendendo; posse videlicet Naturam sanare ex facili rupturas Membranæ Tympani; cùm adductis urgentioribus experimentis indicium possim exhibere, quòd de facto Natura soleat easdem rupturas facilè sanare. Ego enim cùm duobus canibus Tympani utriusque Membranam, adaclo crassiori specillo, certissimè (id scilicet modò rupturæ crepitu, modò simili aliâ testante) certissimè, inquam, perrupissem, imò specillo huc illuc ducto rupturam, quantum potui, dilataissem; occisis postea Canibus, singulas perruptas Membranas ita in pristinam integritatem restitutas inveni, ut nec minimas rupturæ reliquias in earum ullâ, imò neque levissimum (si unam tantummodò excipias) ductæ cicatricis signum reperire potuerim. Nec verò Aliquis interea obloquatur: Ut res se se habuerit in adductis Canibus; certè Cani isti Willisiano Tympani Membranam non fuisse restitutam; cùm demum post tres menses in totalem Surditatem inciderit. Nam mihi non constat, an ex persistenti illius Membranæ aperturâ, externis nempe injuriis adiutum concedente, ea Surditas ortum duxerit; cùm potiùs secundùm mea Experimenta arbitrari possim; à vitio aliquo aut Membranæ, quæ Stapedem Fenestræ Ovali annectit, aut Ossiculis, aut simili alii Parti in eâ perforatione inducto; causam Surditatis exortam esse, quæ paulatim in dies aucta, tandem sensibilibiter Auditum vitiaverit; imò & sustulerit. Illud mihi certum est; in Experimento illo conficiendo, non ita facile

cile esse certam tantummodò Partem, utputa Membranam Tympani, lædere; neque cùm confeceris, affirmare, an istam solùm; an verò etiam alia vitiaveris; nisi quidem animal eneces, & inspicias. Sed de istis fusiùs, necnon de Canibus, quibus Tympani Membrana perrupta est; nihilominùs ad sex menses, ad annum; imò usque dum vixerint, audientibus, fortasse olim verba faciam; cùm nempe omnia, quæ circa hoc Experimentum, imperfecta adhuc mecum agito; experientia perfecerit, & tempus maturaverit: qua occasione fortassis etiam rem disparatam primâ facie disquiram; quæ nempe causa sit, ut inter audiendum distinguamus; ex qua Parte proveniat Sonus, scilicèt an ab inferiori loco; an à postico; an à superiori; an verò ab antico.

Canes post rupturam Membrana Tympani, non solùm ad tres menses, verùm ad annum, imò usque dum vixerint, audivisse, indicatur.

VII. Hactenus copiosè; fortassis etiam prolixè responsum est illis, qui ex Willisiano Experimento contenderent, Membranam Tympani eas, quæ recensebantur, præstare non posse utilitates. Ostendam modò: tot rationibus conjici posse, Naturam de iisdem Usibus mximopere fuisse sollicitam; quot adhuc Partes in Tympani Cavitate perpendendæ supersunt; quas nempe assignatis Membranæ Usibus auxiliari, probabimus, singulas ordinatim considerando. Quod si præstabimus; tum simul implicitè ostenderimus, singulas, quæ in Tympano sunt, Partes Officulorum Mechani-
co Motui favere; tum denique singularum Tympani Partium Officia eâdem operâ exposuerimus. Et primò quidem Membrana Tympani ità feliciter à Sonoris Motibus in utiles illas concussiones adigi non posset; si remissa, & laxa, utcunque penderet; idcirco ope Musculi Processus Majoris Mallei; ut in hujus Historiâ

Ufus Musculi Pro-
cessus Majoris
Mallei.

Descript. Vid.
Cap. II. Num. V.

Delin. Vid. Tab.
III. Fig. V. &
Tab. X. Fig. I. &
II.

Ufus Humoris illi-
us quo Tympanum
irrigatur.

De hoc Vid. Cap.
II. Num. XV.

probavimus; ità retrahitur, ut non solùm in Cavitatem illam Conicam opportunè conformetur; verùm tota sic contendatur, ut ab incurrentibus Sonoris Motibus facillimè possit commoveri.

VII. Ne verò à tot, & tam assiduis motibus eadem Membrana supra quàm par est, exsiccaretur; cautum est per levem ejusdem humectationem; humore fortasse educto ab ipsâ Membranæ structurâ; aut certè à Tympani Cavitate. Certum enim est, Humore quodam Tympani Cavitatem madere; adeoque etiam internam Membranæ Tympani faciem illo humectari, & fortassis etiam faciem externam. Nam si illud Foramen, de quo suo loco scripsimus, in Membranâ hac admittatur; facile est, Humorem per illud supra faciem Membranæ externam demitti; maximè si Humoris istius partem descendere in Tympanum per superiores hujus parietes, coniiciamus, nempe per Sinuositatem Mastoideam; in quam per inventa illa Foramina à Cranij Cavitate distillat.

VIII. Quando autem in Nova hæc Foramina incidimus, de quorum naturali Ufu respectu Membranæ Tympani, & Auris nihil aliud adducere possumus præter conjecturam istam, quam alibi proposuimus, & mox indicabamus; sinat Lector, ut potius, quot, & qualia commoda præternaturalibus Capitis constitutionibus hæc Foramina Ægris præstent; quasque utilitates ipsis etiam Medicis eorum afferat cognitio, hîc loci recenseamus: sanè hanc; qualiscunque est; sive digressionis, sive prolixitudinis veniam ipsa rerum gravitas exigit. Quò breviori possum compendio, ab utilitatibus, quas Ægris præstant ea Foramina, me expedio. Non enim hîc repetam alibi enarratam historiam

Utilitates, quæ à
Foraminibus novi-
ter in Tympano in-
ventis proveniunt.

Descript. Vid.
Cap. II. Num.
XIV.

riam Viri, in Capite percussi, qui, quoties pus per Aures exiret, à morbo levabatur; cùm verò ex toto suppressum est; morbo oppressus interiit; nam ibidem ab eisdem Foraminibus utilem illam, cùm fiebat, excretionem, quantum satis esse possit, deduxi. Mitam pariter Abscessuum in interioribus Capitis disrptorum, per Meatum Auditorium, aut Os felices, quas vidi, expurgationes exponere; nam ex illis, quæ jampridem indicavimus, sat potest intelligi, me tales sive per Os, sive per Meatum Auditorium expurgationes ab eisdem Foraminibus derivare. Ad dam hinc tertiam præternaturalium expurgationum Capitis viam, nempe Nares, ab eisdem Foraminibus excernendas recipere posse materias. Scilicet valde proximum vero hoc mihi videtur; in aliquot nempe serosis per Nasum excretionibus; per quas Capitis Dolores vidi sublato, serum illud, quod excretum est, à Craniæ Cavitate per ea Foramina descendisse. Nam hinc circumstantiæ à Craniæ Cavitate delapsæ esse, persuadent; hinc verò eadem fermèratione, qua ab illis Foraminibus, materia ad Os demittitur; & in Nares potest amandari; cùm Tuba Eustachiana eò destinata, unde materia ferè æquali facilitate & in Os ipsum, & in illud Nasi Internum Foramen, quod ex latere Tubæ est, deflectere valeat, Dum verò hæc ita recenseo; res simul altera perspicua fit; scilicet Quòd ego cùm ista Foramina inveni, quæ illinc cum Craniæ Cavitate; hinc cum Ore, & Naribus communicant; Hoc etiam inveni; Externum scilicet hunc aerem, quo circumfundimur, quove Os, Naresque assiduè plenas habemus; quatenus, illi, qui Tubas & Tympanum replet, continuatur; immediatè Duram Matrem contin-

Per hæc Foramina expelluntur Morbosa Fluida à Cavitate Craniæ ad Meatum Auditorium.

Item ad Oris Cavitatem.

Item ad Nares.

Capitis Dolores serosis per Nasum excretionibus sublati.

Per hæc Foramina potest aer externus immediatè agere in Duram Matrem.

gere: adeoque eundem externum earum, prout varius est; ita varias in eandem, & in Cerebrum vires statim exercere posse: non tenue fortasse argumentum tum Cerebri, & Morborum ejus Scriptoribus; tum ipsi mihi, cui quidem illæ, quæ per hæc Foramina Ægris proveniunt, utilitates, in præsens scribuntur. Verum ego, memor, quid potissimum in hoc Libello tractandum assumpserim, hæc omnia dimitto, uno tantummodo excepto, quod, quia cum aliis utilitatibus superius expositis, ad præternaturales Capitis expurgationes pertinet; ob hanc causam explicabo. Cum igitur ille, quo Os, Naresque replentur, aer per hæc Foramina usque ad Duram Matrem pertingat; clarum est, quod ab ijs quoque Foraminibus illud beneficium obtinetur, ut in Vulneribus Capitis penetrantibus, dum clausis Naribus, & Ore, aer vi intrò comprimitur; sanies à Cranij Cavitate per Vulnus prorumpat. Etenim in tali conatu aerem per Tubam Eustachianam versus Tympanum, & consequenter postea versus Foramina, & Cerebrum impetu compelli, non solum ratio ostendit; sed multiplex quoque Experientia. Nam (ut pro omnibus unam, quam alibi innui, hinc proponam) si quis in Tympano; aut in viciniâ Ulcus, aut tale quid gerens; unde ichor in Meatum Auditorium assiduè distillet; si, inquam, iste, clauso Ore, & Naribus, aerem intrò comprimere conetur; inde sanies in Meatum Auditorium ita copiosè solet eodem actu protrudi; ut ad istiusmodi Ulceris deterfionem nullum promptius, aut utilius Ægris remedium commendare consueverim; quàm mediocriter frequentem talis conatus iterationem. Illa ergo, & similia commoda Ægris proveniunt ab illis Foraminibus in præternaturalibus Cerebri expur-

Per hæc quoque Foramina illud habetur, quod in Vulneribus Capitis penetrantibus, animâ vicinè compressâ, sanies per Vulnus prorumpat.

Facile, necnon utile Remedium ad Ulcerum Tympani deterfionem.

gationibus, five expurgatio fiat per Vulnus, five per Nares, five per Os, five per Meatum Auditorium. Sed non pauca alia beneficia eisdem proveniunt à compluribus utilitatibus, quas ex illorum cognitione Medici possunt eruere. Ne longus sim; neque hîc vagabor per omnes, per quos possem, Morbos; sed tantum ex quibusdam Affectibus Apoplecticis unicum pro Assertionem meam argumentum depromam. Verum antequam hoc producam; necesse est, ut moneam, illos Affectus Apoplecticos, in quibus altera medietas Corporis resoluta est, pendere à læsione alterius medietatis Cerebri: hac tamen ratione, ut si medietas Corporis sinistra resoluta sit; adsit læsio in dextro Cerebri Hemisphærio; si verò dextra; in sinistro. Quam non levem sanè notitiam ne quis fortasse dubitet ex merâ imaginatione meâ deduci (quod quidem infortunium accidisse videtur illis, qui eandem ante me tetigere; ipsam enim interea negligi, & in ijs Tractatibus in quibus minimè deberet, perinde, ac si falsa esset, communiter prætermitti, conspicio) hanc mihi compertam per annorum complurium labores, & quàmplurimis Cadaverum sectionibus confirmatam esse, serîo testabor; ut probè noverunt nonnulli Docti, Gravesque Viri, nominatim D. Petrus Molinellus Philosophiæ, & Medicinæ Doctor, & D. Hippolytus Franciscus Albertinus in Bononiensi Universitate Medicinæ Professor; qui nempe pro nostrâ interiori amicitia talibus sectionibus adfuere. Nec verò solum hîc loquor de illis Hemiplexiis, quæ à Capitis Vulnere proveniunt; sed in universum assero, me nullam fermè vidisse in Apoplecticis Affectibus alterius medietatis Corporis resolutionem, cujus causam, secto Cadavere, in oppositâ Cerebri parte non invenerim*. Quod

Affectus Apoplectici, in quibus dextra medietas Corporis resoluta est, ii reverà causam habent in sinistro Cerebri Hemisphærio; in quibus verò sinistra resoluta est, ii causam habent in dextro.

** Intellige tamen de illis Resolutis*

*tionibus, quarum
causa sensibilis est,
& in organica læ-
sione consistit.*

si aliquandò ad alteram etiam Cerebri partem extensam reperi læsionem; hæc tamen erat in oppositâ parte multò notabilior. Quam rem adeò manifestè, adeò frequenter, ità se habere, observavi; ut in uno, vel altero casu, in quo (ne dissimulem) æqualis læsio in utroque Hemisphærio mihi aparuit; parum absit, quin sinè ullâ dubitatione censeam, læsionem in opposito Hemisphærio, ut ut insensibiliter, reverà tamen fuisse majorem; Aliàs enim & mihi, & aliis Observatoribus notum est, aliquandò ipsius repentinæ mortis causam, licet certè adfuerit; nullam tamen in Cadaveribus sensibilibiter apparuisse; imò (ut in ipso Genere Nervoso dem proprium quoddam exemplum) cùm Nervi Cordis ad jugulum Canis filo arctè constricti, & illicò soluti, adeò in structurâ insensibili labefactentur; ut Canis intrà aliquot dies, eodem modo, ac si Nervi illi amputati essent, indè moriatur; licet ijdem rursus inspecti, in se nullum sensibilis læsionis vestigium ostendant; Quidni in casibus indicatis suspicer, oppositum Cerebri Hemisphærium, quamvis apparenter non pejus altero affectum; tamen aut à Fibris Duræ Matris vehementer convulsis peculiariter compressum, aut simili aliâ, etiam ignotâ adhuc causâ malè præ altero fuisse multatum; quando recensitus tot aliarum, & tam luculentarum Observationum consensus hoc ipsum videtur innuere; imò suadere. Verum tametsi istud perpetuum esse; omninò non constaret; cùm tamen quàm frequentissimum esse, ex indicatâ Sectionum mearum longâ serie certum jam sit; quantam id lucem præbere possit Anatomicæ Cerebri, & Nervorum cognitioni; quantam complurium Morborum Capitis Theoriæ; quantam denique Apoplecticarum istiusmodi Resolutionum

*Canis, cui Nervi
Cordis tantummo-
dò stringantur fi-
lo, & statim
solvantur; mori-
tur eodem modo,
ac si iidem ampu-
tati fuissent, licet
illi rursus inspecti,
in se nullam sensi-
bilem læsionem o-
stendant.*

Curationi, & ipse intelligo, & cæteri sentient. Certe Resolutiones istæ Apoplecticæ (quas tamen fateor curare esse difficillimas) attentâ hac notitiâ, aptius saltem tractari à Practicis poterunt. Eâ enim suppositâ; jam firmum aliquod fundamentum habemus determinandi, In quam potissimum Capitis partem decumbere Ægris conveniat: Cuinam Capitis parti Localia congruentius adhiberi possint: Demum utra Iugularis, item de sinistro, dextroque Brachio utrum ad Venæ sectionem eligendum sit; nempe an illud, quod ex latere resolutum est; an verò potius oppositum. Quæ omnia per partes, & cum suis distinctionibus decernenda aliis relinquere me cogit studium brevitatis. Illud tamen obiter innuam: Constare mihi, quòd in similibus Morbis, institutâ Venæ sectione non ex latere Corporis Magis resolutum; sed (quemadmodum Observationes meæ indicant) ex opposito, sive illo, quod omninò sanum videbatur; illicò ferè Ægri aliquod levati sunt. Nunc quam utilitatem exhibeant Medicis Nova illa in Tympano inventa Foramina, facile explicabo. Cùm enim ex rebus paulò superius indicatis liquere possit, tantò majori cum spe, atque sedulitate posse Medicos congrua Odoramenta similium Ægrorum Naribus admoveere, quantò ab iisdem Naribus ad Cranii Cavitatem transitus per Nova hæc Foramina manifestior est; Nunc ex eisdem rebus, & ex additâ circa tales Affectus Notitiâ, hoc etiam perspicuum est, in talium Ægrorum curatione posse Medicos Odoramenta uni ejusdem Nasi Foramini, sive Cavitati aptius, quàm alteri applicare. Nam quando altera Corporis medietas, utputa dextra, resoluta est, & consequenter sinistro Cerebri Hemisphærio per remedia

*Juxta communem
catam circa tales
Apoplecticos Affe-
ctus Notitiâ De-
cubitus ratio, Lo-
calia, Venæ sectio
aptius in iisdem
prescribi possunt.*

*In talibus Affecti-
bus instituta venæ
sectio ex latere Cor-
poris non resolutum,
ferè illicò profuit.*

*Post Novorum Fo-
raminum istorum
notitiâ Odora-
mentorum in Affe-
ctibus indicatis ef-
ficacia magis elu-
cet.*

*Si medietas Corpo-
ris dextra resoluta
sit; Odoramenta
aptius adhibentur
sinistræ Nari;
quàm dextræ; &
econtra.*

dia consulere oportet; multò promptius, & copiosius, ad læsam hanc partem odores transmitti; si quidem Cavitate sinistra Nasi adhibeantur; per Nervorum Foraminum dispositionem patet; siquidem cum unius lateris Foramina per ejusdem lateris Tubam cum Naso communicent; Tuba autem unius lateris magis obvertatur, atque communice cum eâ Nasi Cavitate, quæ ex eodem latere est; Quis non videt, expeditius iter ad sinistrum Cerebri Hemisphærium, nempe per sinistra Foramina, esse à sinistra ejusdem Nasi Cavitate?

IX. Antequam Usus, quos in præternaturalibus constitutionibus præstare possunt Nova hæc Tympani Foramina, exponere inciperemus circa naturalem eorundem Usus conjecturam illam repetebamus; Per ea quoque Humorem istum in Tympani Cavitate distillare, quo præcaveatur, ne Membrana Tympani supra, quàm par est, exarescat de qua istiusmodi humectationis utilitate cum in superiori etiam Capite respectu Membranarum aliarum meminerimus; idcirco in eadem neque modò ulterius immorabimur, neque in Capite sequenti, ubi occasione Zonarum limpidi illo Sero madentium, rursus de ipsâ scribendum foret. Igitur Humor ille, postquam Membrana Tympani, aliarumque etiam in Tympano contentarum Partium incolumitati prospexit; ne forte superabundans, eandem Tympani Membranam nimis laxando, hac ratione ad Sonoros Motus ritè suscipiendos ineptam reddat; per Tubam Eustachianam, ad Pharyngem, Naresque amandari potest. Quod quidem fieri posse, tum ex nonnullis, quæ sparsim scripsimus; tum ex illis, quæ de Tubæ latitudine, & declivi situ suo loco exposuimus, evidentissimum puto: adeoque mitto prolixius con-

Usus Tubæ Eustachianæ.

Descript. Vid.
Cap. II. Num.
XVI. & XVIII.

Delin. Vid. Tab.
III. Fig. III. &c.
Tab. IV. & Tab.
X.

firmare per quandam meam in vivo homine Observa-
 tionem, de Nobili scilicet Viro, Ulcere ad Processum
 Mamillarem cum hujus Carie laborante; in quod quæ
 injiciebantur, illicò ad Fauces perveniebant; adeoque
 à Tympano, quò per illius Processus sinuositates af-
 cendebant, per Tubam certè derivabantur; cùm præ-
 ter expositam, nullius alibi, & præcipuè in Ore, aper-
 turæ, aut læsionis esset indicium. Hoc ergo tam uti-
 le emissarium, Tuba videlicet, ne unquam fortè clau-
 deretur; provisum est per illam glandulosam substan-
 tiam, quæ in totâ ejus non osseâ parte sub Membranâ
 conspicua est. Ejus enim latera, quæ nempe versùs
 hanc partem connivere inveniuntur; ne unquam simul
 conglutinentur, facit humor, qui jugiter ab illâ sub-
 stantiâ, non ità exiguâ quantitate, separatur. Ve-
 rùm non solùm hic Usus per Tubæ aperturam Mem-
 branæ Tympani exhibetur; sed alter etiam longè præ-
 stantior, & per quem illud, quod polliciti sumus, ul-
 teriùs ostendatur, scilicet Naturam de assignato
 Membranæ Tympani Usu non parum fuisse sollicitam.

X. Illud enim perspicuum est, quòd Tympani Mem-
 brana eò amplius, atque faciliùs ab impellentibus So-
 noris Motibus in utiles illas commotiones adigetur;
 quò minùs aer Tympani Cavitatem occupans, impulsæ
 eidem Membranæ resistet, citiùsque, & promptiùs ce-
 det. Sicuti autem conjicio, fortasse in hoc ipsum Tym-
 pani Cavitatem tantâ cum sollicitudine à Naturâ amplam
 atque capacem desiderari; ut quando Sinuositatis Ma-
 stoideæ spatia ipsi non adduntur; ejus Cavitas; ut in
 multis Animalibus observavi; consueto amplior sit: sic
 enim aër quò se contrahat, habendo; faciliùs locum
 concedit: sicuti, inquam, istud conjicio; ità illud sinè

M

ullâ

*Observatio Ulceris
 ad Processum Ma-
 millarem, per quod
 injecta, statim in
 Oris Cavitatem,
 licet undequaque
 illasam, transmi-
 tebantur.*

*Usus substantiæ
 glandulosæ Tubæ
 Eustachianæ.*

*Descript. Vid.
 Cap. II. Num.
 XVII.*

Ufus Principii Tubæ, quatenus talis fitu, talique gaudeat capacitate.

Descript. Vid. Cap. II. Num. XVI.

Delin. Vid. Tab. III. Fig. III. &c.

Si Tuba Eustachiana claudatur; illicò Auditus amittitur.

In hoc ipsam Observatione.

ullâ fermè dubitatione censeo; Tubam Eustachianam impulsio à Membranâ Tympani aëri, quâ facilè cedat, viam aperire. Nam illa in Tympano ex aduerso ejusdem Membranæ opportunè Orificium explicat suum, idemque præ tubo succedente sanè amplius: quò scilicet aër subire copiosior possit, & compressæ Membranæ expeditiùs cedere. Tanti autem ponderis hic Usus est, quem Membranæ Tympani Tuba præstat; simul tamen cum illo, quem etiam Membranæ Fenestræ Rotundæ probabiliter exhibet, qui sequenti Capite explicabitur; ut si eadem Tuba, fortè claudatur; illicò, ut ego comperi, amittatur Auditus. Possem hoc fortè probare per Observationem in Patricio Cæsenate habitam, Polypo Narium laborante, qui usque ad Uvulam se se extendebat. Quò enim hic Polypus magis in dies crescebat, & consequenter quò magis ad Orificia Tubarum penitus claudenda accedebat; eò magis in dies Auditus Ægro minuebatur sic, ut tandem omninò surdus evaserit. Verùm ut rem adducam ambiguitatibus minùs obnoxiam; quidam plebejus Ulcus gerebat supra Uvulam in sinistrâ parte, quod quidem eam, quam invaserat, partem exeserat, atque abstulerat sic, ut Ulceris cavitas cum extremo sinistræ Tubæ Orificio communicaret. Igitur quoties homo mollem turundam remediis imbutam in Ulceris cavitatem intrudebat; toties illicò sinistrâ Aure evadebat surdus, talisque permanebat toto eo tempore, quo turunda in Ulcere relinquebatur: statim verò, ac amovebat; pristinum Auditum recuperabat: perspicuo argumento, quod reseatâ Tubâ, illicò interceptus obtinetur Auditus; occlusâ verò, statim intercipitur, sive tollitur.

XI. Cum

XI. Cùm ergo ad audiendum hoc requiratur, ut compresso à Tympani Membranâ aëri expeditam Tuba præbeat viam; idcirco ne unquam cùm audiendum est; via hæc fortasse minùs aperta permaneret; per Musculum Processus Majoris Mallei, & præsertim per Tubæ Musculum Novum sagax Naturæ Ingenium consuluit. Nam quotiescunque audiendum est; ab adveniente Sonoro Motu, simul cum Membranâ Tympani incipit Mallei Manubrium leviter intropelli; Sed hoc leviter intropulso, jam Musculus Processus Majoris Mallei, assiduè tensus inter hoc, & Tubæ Cartilagineum anteriùs latus, non potest non leviter simul relaxari; adeoque istud Cartilagineum Tubæ latus, quod priùs per longum tendendo, stabilius, & motu difficilius faciebat, incipiet quoque remittere, & faciliùs mobilem reddere. Hac verò Cartilaginei istius lateris relaxatione novus Tubæ Musculus ad se contrahendum excitatus, non solum ob sublatum quodammodò æquilibrium; verùm etiam ob influxum (ut ego puto; & in similibus functionum Musculis fieri solet) secundum indigentiam, nobis insciis, superadditum, contrahetur, & per contractionem suam indicatum Tubæ latus, quatenus hujus remissio concedit, extrorsum trahere incipiet; & consequenter quotiescunque audiendum erit, statim Tuba incipiet magis aperiri. Porro aere sic egredi statim incipiente, jam Membrana Tympani ab eodem Sonoro Motu faciliùs, atque ampliùs retropulsa, Mallei Manubrium ulteriùs retropellet; hoc Musculum Processus Majoris Mallei magis relaxabit; Musculus verò iste indicatum Cartilagineum Tubæ latus magis remittet; adeoque Novus Tubæ Musculus idem magis extrorsum trahendo, Tubam successivè magis aperiet;

Usus Musculi Processus Majoris Mallei.

Descript. Vid. Cap. II. Num. V.

Delin. Vid. Tab. X. Fig. I. &c.

Usus Musculi Tubæ Novi.

Descript. Vid. Cap. II. Num. XVIII.

Delin. Vid. Cap. III. Fig. XII. &c.

Tab. IV. Litt. m. m. Tab. X. Fig. I. &c.

& sic tantò majorem aëris quantitatem dimitti finet; quantò retropulsio Membranæ Tympani successivè major evaserit. Dum verò mirabile hoc machinamentum, cujus partes aptè adeò invicem, promptèque consentiunt, ut extremâ unâ vix tactâ, altera ex eâ illicò operetur; Dum, inquam, ad hoc, ut aër Membranæ Tympani à Sonoris Motibus impulsæ faciliùs cedat; efficit, ut idem à Tubâ, quam patentiore reddit, faciliùs demittatur; Ad hoc, ut expeditiùs adhuc, & finè ullâ remorâ demittatur; eâdem operâ hoc præstat, ut promptiùs à Nasi Cavitatibus, in quas dimittitur, excipi queat. Siquidem qua contractione Novus Tubæ Musculus indicatum Tubæ latus extrorsum trahendo, Tubam ipsam dilatat; eâdem marginem inferiorem Internorum Nasi Foraminum deorsum ducendo (nam utrumque extremum mobile habet hic Musculus, ut suo loco ostensum est) eâdem, inquam, marginem illum deorsum ducendo, illorum Foraminum, ante ipsum Tubæ Orificium sitorum, ampliorem reddit capacitatem. Et hoc quidem præstat magis; aut minùs pro majori, aut minori indigentia; nam cum una eademque contractione & Tubam, & Foramina indicata dilatat; quando magis contractus, illam magis expandet, & hæc etiam magis dilatabit.

XII. Quantùm verò hæc Nasi Foraminum dilatatio ad exquisitè audiendum conferat; quatenus scilicet facit, ut aer ipse, qui ad Finem Tubæ est, impulsui Membranæ Tympani expeditiùs, & finè ullâ remorâ cedat; non solùm Ratio ostendit; verùm complura alia artificia, quibus in hoc ipsum usa est Natura, imò & communis quædam Observatio confirmabunt. Nam illa omnia sanè eò conspirare, & in id facta esse videntur;

tur; ne scilicet aeris à Tuba exitus impediatur; sed quàm expeditissimus esse possit. Primò enim per extremi Orificii Tubæ constitutionem, prospectum est, ne aer inspiratus, aut expiratus, dum per Nares ante Orificium Tubæ pertransit; illius labrum, in quod primò incurrit, versùs alterum impellendo, ipsum Tubæ Orificium temerè coarctet. Nam illinc contiguus Osleus Processus antèrius Orificii labrum in inspiratione defendit; hinc verò consultò crassèfacta Tubæ Cartilago suâ firmitudine posterius labrum in expiratione tuetur. Et sanè aeris expirati aut inspirati transitus multùm poterat, præcipuè in quibusdam casibus, officiis Tubæ nocere, non solùm ejus Orificium coarctando, ut modò exponebamus; verùm quoque jam exeuntis de Tubâ aeris ulteriorem cursum interturbando, remorandoque. Et ob hanc præcipuè rationem est, quod cùm aliquem Sonum aut ob distantiam, exilitatemque perceptu difficilem, aut ob quamcunq̃ue causam attentè expectatum exquisitè percipere volumus; tunc, ut observatur, respirationem, quoad possumus, intermittere consuetudine didicerimus. Quoniam verò in hoc ipso actu necessarium est, ut subindè respiratio qualiscunq̃ue instituat; ne tunc expiratus aer alterum de Tubâ exire debentem, adeò incommodè perturbet; Natura, nisi ego multùm fallor, aptissima instrumenta paravit ad Fauces, per quæ in eo actu aer sive expiratus, sive inspiratus, à Narium viâ & consequenter à Tubarum Orificiis satis arceatur. Illa instrumenta sunt Musculorum Paria duo Pharyngostaphylinum, & Salpingostaphylinum, & cum his Uvula; Nam ut aer sive in expiratione, sive in inspiratione Narium viam percurrat; opus est, ut transitum habeat per illud Pharyngis Ori-

Cur antèrius labrum extremi Tubæ Orificii sit Processui Pterygoidi contiguum; posterius verò ex crassèfactâ ejusdem Tubæ Cartilagine constituatur.

Descript. Vid. Cap. II. Num. XVI. & XVII.

Cur quando leviorè aliquem Sonum audire contendimus; animam comprimere consueverimus,

ficiū, quod versū Nares aperitur: quod si coarctetur; consequenter aer ille minori quantitate Narium viam percurrere potest; At verò illi Musculi, & Uvula, ut alibi etiam scripsimus, ad illud Orificiū coarctandum aptissima sunt Instrumenta. Hæc itaque Opinio nostra est, quod scilicet eo in actu per vim nobis insciis influentem contracti musculi Pharyngostaphylini Uvulam extendant, extensamque versū indicati Orificii medium adducant; maximè cooperantibus Salpingostaphylinis, qui nempe ad hoc præcipuè facti videntur; ut Uvulam versū medium indicati Orificii simul trahant. Per hoc verò Uvulæ obstaculum coarctato ad Nares, Tubasque aditu, quemadmodum minor expirati aeris quantitas versū eam partem transibit; ita minorem Tubarum Officiis perturbationem afferre valebit; maximè cū eodem tempore, quo il- luc transit; per idem Uvulæ obstaculum, quasi per productum quendam aggerem, à Tubarum Orificiis avertatur. Quod verò hoc ipsum obstaculum, & hæc ipsa Orificii istius Pharyngis coarctatio in causâ etiam sit, ne inspiratus in eo actu subindè aer Tubarum Officia adeò interturbet, quisquis facilè, ut puto, deducet; Nam idem obstaculum hoc quoque facit, ut scilicet aer non ampliùs per Narium viam ita liberè, ut solebat, cum Larynge communicet; adeòque ne ampliùs eâ quantitate, qua solebat, per Nares inspiretur. Nec verò hæ, quas modò descripsimus, illorum Musculorum, atque Uvulæ eo in actu contingentes Functiones, meræ imaginationi innituntur. Primò enim indicata eo in actu animam comprimendi consuetudo, quantū respiratus aer Auditui officere tunc possit, argumento est; adeòque Natura, ut in similibus solet, ali-

Usus, quem interdum ad exquisitè audiendum videtur prestare Uvula simul cum Musculis Pharyngostaphylinis, & Salpingostaphylinis.

Descript. Vid. C. II. Num. XIX. & XX.

Delin. Vid. Tab. IV. Litt. n. n. Tab. V. Fig. I. & II. Item Tab. VI.

aliquâ ratione, instrumentoque, homines eâ in re coadiuvissè, probabiliter credi potest. Deinde Paris Salpingostaphyli affiduum Munus illud est; ut scilicet Uvulæ Basim suo tonico motu sursum versùs posteriora paulò adductam servando, per integrum illius corpus, quasi per quendam aggerem, Tubarum Orificia, aliàs exspirato aeri nimis obvia, ex parte saltèm defendat; adeòut si Musculi illius Paris abscinderentur; illicò (ut ego probabiliter censeo) Auditus hebetior fieret; nam de facto in multis, in quibus tales Uvulæ, & vicinarum Partium corrosiones observavi, ut ad illos Musculos lædendos extenderentur; Gravitationem Auditus in utrâque Aure peprehendi, si uterque Musculus esset læsus; aut in alterutrâ tantùm, si alteruter; Non est igitur adeò à Veritatis fundamento remotum; si statuo, eosdem Musculos, ubi opus est, eandem Uvulam paulò magis versùs posteriora sursum adducere, scilicet versùs medium illius Pharyngis Orificii, quod Nares respicit. Demum eo in actu: in quo scilicet respirationem ut exquisitiùs audiamus, conamur intermittere; utique ad Fauces quidam à descriptis non abludentes motus; dummodò quis probè attendat, percipiuntur. Et sanè Musculorum istorum motus, præ aliorum Musculorum motibus, qui inter audiendum contingunt, quosque superiùs explicavimus, majores esse videntur. Nam Orificii Tubæ dilatatio licet multò magis ad audiendum conferat, quàm istius Pharyngis Orificii restrictio; illa tamen per multò minores motus obtinetur: qui (ne quis diversa fortasse credat) nec magni adeò motus sunt; nec porrò esse debuerunt.

*Usus Musculorum
Salpingostaphyli-
norum assiduus.*

*Observationes
Gravitatis Audi-
tus ab eorundem
Musculorum erosio-
ne.*

XIII. Nunc quando exposuimus, qua ratione, quave facilitate Tympani Membrana à Sonoris Motibus queat

queat intropelli; edifferendæ etiam essent causæ, quibus eadem per vices ad pristinum locum repellatur. Verum inter has ab aliis jam enumerata est distantia ejusdem Membranæ elasticitas, aeris prius cedentis recursus, & similia: quorum aliquot etiam à nobis, licet obiter, superius memorata; imò superaddita sunt; ita ut talibus hîc immorari supervacuum censeam: præstetque ipsos Sonoros Motus, qui adeò facilè à Membrana Tympani quatuor Officulis communicantur, per eorundem Officulorum Mechanicum motum usque ad Fenestram Ovaleam jam deductos, ulterius per Labyrinthum confectari.

CAPUT VI. & ULTIMUM.

Usus Labyrinthi, sive Interioris Auris Cavitatis.

DUm talia agito; ecce inter alterna tonitrua, & fulgura, minacibus, atque obscuris undequaque nubibus involvitur dies, & Musæum, in quo hæc meditor, de Cœlo tangitur. Et si verò fulmen, minimè noxium, Meditantis tergum innocenter allambat; studia tamen, & animum, invitum licet, & contendentem; non mediocriter perturbat. Ità in qua potissimum Disquisitionum istarum parte alacrem, & compositam mentem semper optaveram, & optandam esse, intellexeram; in hac supra, quàm in aliis, turbatam, & inquietam, non minùs molestè, quàm incommodè sentio. Et sanè si quæ Pars in totâ Aure occurrit, in cujus Functiones penetrare tum propter rerum singulorum abditissimos recessus, & parvitatem; tum propter omnium ad invicem implicitos respectus, & proportionem difficillimum sit; eam Labyrinthum esse, extra omnem

omnem dubitationem positum est. Attamen cum illius Partium Historia meis laboribus aucta, atque illustrata, eam difficultatem non tollere quidem; sed tamen aliquatenus imminuere videatur; imprimis verò cum metam suam in hac Cavitate Sonori Motus attingant; aliarumque Cavitationum Usus, quasi in hujus gratiam exposuerimus; invitâ licet materiâ, atque ingenio; in hujus Arcana pergere utcunque contendam: quorum tutam assecutionem sicuti me fermè desperare, non dissimulo; ità Meliores me per meas Dubitationes ad eandem excitari; & fortassis aptiores reddi posse, confido.

II. Itaque Motus Sonori per impulsam Stapedis Basim aëri, qui in Vestibulo, & reliquo Labyrintho est, communicati, intrâ hunc Impressionem Sonoram, in aptam quidem Partem facere debent. Aptâ verò Pars, secundum Anatomen nostram, nulla alia in Labyrintho occurrit, præterquam Membrana in Vestibulo existens, & quatuor Zonæ; tres scilicet Canaliculi Semircularium, & una Cochleæ. Porro cum Membranae Vestibuli multiplex, & frequentissima varietas, atque, ut sic dicam, irregularitas, non multum in ipsâ immorandum esse, indicet; reliquum est, ut potissimum in Zonis Sensorium istud quæramus. Igitur an Zona unica, an plures, an omnes; & si omnes; quo ordine, atque ratione hoc nobili munere fungantur, disquirere oportet. Quod quidem, singulas Labyrinthi Partes juxta Motuum Sonororum ductum percurrendo, præstare tentabimus.

Descript. Vid.
Cap. III. Num.
XI.

III. Cum Sonoris Motibus per Ovalem Fenestram Vestibulum ingredientibus, sex omninò Viæ occurrant, per quas ulterius excurrere possint; hinc scilicet quin-

Harum Viarum,
five Orificiorum
Delin. Vid. Tab.
VIII. Fig. V.

N

que

que Canaliculorum Semicircularium Orificia; illinc verò Orificium illius Cochleæ Canalis, quem Vestibuli Scalam nuncupamus; quæri primò debet, an illi has vias simul omnes subeant; an verò tantummodò aliquot. Si non omnes; rursus quæri potest; num sit fortè Orificium Scalæ Vestibuli, quod subeant; an verò Orificia Canaliculorum Semicircularium. Et si Orificia istorum Canaliculorum; demum an omnia Canaliculorum horum subeant Orificia; an aliquot tantum, quærere superest. Et mihi quidem Motus Sonori probabiliter videntur non illas sanè omnes Vias ex æquo ingredi; sed potissimum aliquot Orificia Canaliculorum subire, & nominatim Orificium Commune, necnon Canalis Minimi Orificium Angustius. Cur verò mihi sic videatur; hæc ratio est. Prius nempe animadverto, Motus Sonoros; licet in orbem propagentur; propagari tamen multò vividius, atque sensibilibus ad eas partes, quæ loco illi, unde proveniunt, ex adverso collocantur; quàm ad eas, quæ à latere, & præcipuè quæ à tergo ejusdem disponuntur; Deinde illud confidero, Naturam non omnes illas Vias ex adverso Fenestræ Ovali constituisse; sed hinc Scalæ Vestibuli Orificium; illinc verò Canalis Minoris Orificium Proprium, necnon Orificium Latius Canalis Minimi ità à Fenestræ lateribus collocasse; ut parum absit, quin à tergo sint; & tantummodò Orificium Commune, necnon Angustius Canalis Minimi Orificium eidem ex adverso posuisse. Quæ cum ità sint; ex Viis, quas Motus Sonori in Vestibulum per eam Fenestram ingressi; subire possunt; duæ tantum videntur esse, quas præcipuè subeant; nempe duo Orificia novissimè indicata: Adeoque & à nobis primò, quasi ipsa Naturâ præcipiente; duæ potissimum istæ Viæ considera-

bun-

Usus Orificii Commune, necnon Orificii Angustioris Canalis Minimi.

Descript. Vid. Cap. III. Num. IV. V. VI.

Delin. Vid. Tab. VIII. Fig. V.

buntur. Verùm antequàm id facio; cur duobus hifce Orificiis Orificium Proprium Canalis Majoris; cùm & iftud ferè ex adverfo Feneftram Ovalem fpectet, cur, inquam, hoc illis duobus non adnumeravim; rationem edo. Scilicet margo ille quo Orificium hoc eandem Feneftram refpicit, ità in aggerem affurgit; ut non dubiè indicet, Orificium iftud minimè ad Motus Sonoros potiffimùm excipiendos factum effe; cùm potiùs ad eofdem arcendos indicato aggere à Naturâ in-
ftruatur.

Descript. Vid.
Cap. III. Num.
IV.

IV. Igitur Motus Sonori duo illa Orificia fubeuntes, per Orificium quidem Anguftius Canalis Mini-
mi, Canalem hunc pervadunt; per Orificium verò Commune, Canales Majorem, & Minorem percur-
runt. Quod dum faciunt; Zonas in Canalibus conten-
tas, percellunt: unde; cùm ipfæ quidem nil aliud
fint, quàm Mollis Auditorii Nervi expansiones, ut fuo
loco oftentum eft, Auditus Senfatio excitatur. Verùm
Aliquis hîc loci illud interrogabit: Cur Natura unum
tantummodò Canalem, unamque tantummodò Zo-
nam, quæ percellatur, hîc non pofuerit; fed tres Ca-
nales, & tres Zonas collocaverit? Cui difficili Inter-
rogationi quodammodò fatisfieri videbitur; fi talia fub-
jiciantur. Obfervatum effe in pluribus Muficis Inftu-
mentis; in quibus variæ chordæ, ut fieri folet, ad va-
rios tonos difponuntur; fi fuper illis fiftulâ, aut certè
ipfo ore variis tonis fucceffivè increpemus; licet cujuf-
cunque toni motibus chordæ omnes femper attingantur;
& percellantur utcunque, & minùs fenfibiliter; certam
tamen chordam à certo tono longè majorem impreffio-
nem fufcipere (ut fuperpofitorum corpusculorum fub-
fultus teftantur) quàm reliquas: & rurfus ad alium to-

*Canalium Semicir-
cularium, & con-
tentarum Zona-
rum Usus.*

Descript. Vid.
Cap. III. Num.
III. IV. V. VI. VII.
XII. &c.

Delin. Vid. Tab.
VIII. Fig. V. VII.
VIII. &c. Tab.
X. &c.

*Cur iidem Canales,
& Zone in aquatili
longitudine gar-
deant.*

num aliam chordam magis subfultare; cùm interim chorda illa, quæ à primo tono adeò commovebatur; ab hoc pariter commoveri inepta fit, fic ut immobilis appareat. Porro quòd chorda hæc ab hoc tono, non verò ab illo agitari apta fit; alia verò non ab iftò; fed ab alio, a variis variarum chordarum tum quo ad alia, tum quò ad longitudinem, aut latitudinem, conditionibus dependere; à quibus nempe varia in ipfis chordis difpofitio ad fe fe tardius, aut celerius vibrandum, & fimilia proveniunt; Hæc cum itâ fint; jam Aliquem fufpicari poffe: cum tam varii Soni à nobis audiri, & diftinctè percipi debuerint, per impreffiones quidem ab illis in membranulam demum factas; Ut eorum perceptio vividior effet; curaffe Naturam, ut finguli non utcunque membranulam attingerent; fed quam poffent majorem impreffionem in eandem facerent; At ficuti varii toni non poffunt omnes facere majorem impreffionem in unicam, aut unius conditionis chordam; fed finguli variæ conditionis chordas expofcunt; itâ neque varios Sonorum tonos in unicam, fimplicemve membranulam potuiffe requifitam majorem impreffionem facere; Adeoque non unum Canalem, unamque membranulam, five Zonam; fed plures Canales, & plures Zonas Naturam poffuiffe; & iftas quidem variæ conditionis, faltem quò ad longitudinem; Nam major una minor altera, tertia verò minima eft.

V. Dum verò hæc ad illam interrogationem fortaffe refponderi poffe, opinor; ne quis objiciat, in tam multiplici Sonorum varietate triplicem tantummodo Zonarum differentiam nimis effe insufficientem; utque illa opinio, qualis eacunque eft, confirmetur; addo aliam

con-

confinilem fuspicionem, ex illis pariter, quæ de Musicis chòrdis modò præmissa sunt, quodammodò derivatam (siquidem ego neque has tanquam absolutissimas paritates affero; neque illa, quæ circa confimiles res obscuras potissimum excogitantur, omni objectione carere posse, existimo) Itaque cum in his Zonis non solum longitudinum varietas occurrat; verum quodammodò etiam latitudinem; nam certè ea Zonarum pars, quæ Canalem Communem occupat, reliquarum Zonarum partium latissima est; idcirco suspicari Aliquis potest; an fortè Natura hoc quoque ideò fecerit; ut alicui Sono, cujus impressioni suspiciendæ minus aptæ aliæ Zonarum partes; hæc ob latitudinis varietatem aliquo modo aptior esset. Sed mitto alias hujuscemodi Dubitationes; unam tantummodò adhuc indicans: quam dum explico; simul ad reliquarum Labyrinthi Partium Usus exponendum procedo.

Cur omnes earundem Zonarum partes unam latitudinem non obtineant.

Earum Descriptio. vid. Cap. III. Num. XII.

Delin. Vid. Tab. VII. Fig. VIII. aut Tab. X. Fig. III.

VI. Videntur Zonæ variam ad se se tardiùs, aut celerius vibrandum aptitudinem habituræ; si in suis vibrationibus, scilicet contractis ex Sonorum impressione motibus conficiendis, magis, aut minùs à circumfuso Labyrinthi aëre impediuntur, secundum illa, quæ in re non dissimili de Tympani Membranâ respectu aëris in Tympano contenti, Superiori Capite censebamus. Porro; attentà etiam Labyrinthi structurâ; suspicari possumus, juxta varios Sonos variè ejusdem Labyrinthi aërem Zonarum motibus obsistere sic, ut pro Sonorum varietate modò faciliùs; modò minùs facilè ab eisdem Zonis repelli queat. Primò enim advertendum est, quòd sicuti Canaliū Semicircularium Orificia indicata, Commune scilicet, & Minimi Angustius, magis Fenestram Ovalem spectant; ità alia eorundem O-

Usus Orificii Proprii Canalis Minoris, & Orificii Latioris Canalis Minimi.

Descript. Vid. Cap. III. Num. V. & VI.

Delin. Vid. Tab. VIII. Fig. V.

Scala Vestibuli Usus.

Descript. Vid. Cap. III. Num. VIII.

Delin. Vid. Tab. VIII. Fig. VI.

Zona Cochleæ Usus.

Descript. Vid. Cap. III. Num. VIII.

Delin. Vid. Tab. VIII. Fig. VII. &c.

Usus Scala Tympani.

Descript. Vid. Cap. III. Num. VIII.

Delin. Vid. Tab. VIII. Vig. VI.

Membrana Fenestræ Rotundæ Usus.

Descript. Vid. Cap. II. Num. XIII.

Tuba Eustachiana, five Novi illius Musculi Usus.

rificia, nominatim duo contigua Proprium Canalis Minoris, & Latius Canalis Minimi, Orificium Scalæ Vestibuli respiciunt, ità ut quæ ex istis dimittuntur, facilè hoc Orificium subire possint. Rursus admonendum, Scalam Vestibuli per tenuem Membranam, five Zonam à Tympani Scalâ ità dividi, ut jam suo loco scriptum est: Scalam verò Tympani ab istius Cavitate per Ovalis Fenestræ Membranulam distingui. Et consequenter colligendum primò est, aërem in Canalibus impulsus posse ex facili, per indicata Orificia elabendo, locum cedere; quia taliter constructâ Vestibuli Scalâ, eisdem Orificiis ex adverso ità positâ, locum in promptu habet, quò contiguum successivè aërem expeditè, & absque difficultate propellat. Aër enim Scalæ Vestibuli propulso non obstat; cum ipse propellere illum possit, qui in Tympani Scalâ continetur; non quidem per poros, aut certam aliquam communicationem, ut quidam suspicari visus est; sed ipsius tenuis Zonæ, qua utraque Scala distinguitur, compressionem. Nam rursus aër iste, qui in Tympani Scalâ continetur, compresso Zonæ facilè cedit; non dico, in Tympanum per Fenestram Rotundam prorumpendo, ut idem Auctor, hanc Membranâ claudi non advertens, credit; sed istam eandem Membranam quoad opus est, (exigui autem spatii opus est) versùs Tympanum urgendo atque curvando: Quod quidam ex facili præstare potest; Nam cum omnia, quæ intrâ Aurem occasione Sonorum Motuum accidunt, in momento, & ferè simul fiant; sanè quo tempore aëris propulsio à Canalibus usque ad Tympanum continget; eodem dilatata Tuba Eustachiana aërem, qui in Tympano est, adhuc excipiendo, hujus aëris resistantiam imminuet, jux-

juxta illa, quæ circa Usus ab eâdem Tubâ Membranæ Tympani exhibitos, præcedenti Capite proponebamus. Delin. Vid. Tab. X. Fig. I. & II.

Quæ omnia cum partem ita se habeant; partim verò ita se posse habere videantur; elucebit demum; Illud nos posse suspicari; Nempe quod pro varietate Sonorum variè quoque Zonarum motibus Labyrinthi aer obstat. Siquidem cum pro impulsuum in Membranam Tympani factorum varietate, Eustachianam Tubam variè moveri, citato loco ostenderimus sic, ut modò magis, modò minùs dilatata, nunc majorem locum, nunc minorem aëri à Membranâ Tympani impulso concedat; adeòque pro Sonorum varietate, variè illius aëris resistantiam imminuat; Iam fanè perspicuum est, quòd pro eâdem Sonorum varietate Fenestræ Rotundæ Membrana modò magis, modò minùs versùs Tympanum per propulsum à Zonis aerem curvari poterit; Et consequenter modò magis, modò minùs eidem cedendo, secundùm Sonorum varietatem hoc poterit efficere, ut modò faciliùs, modò minùs facilè, secundùm eandem Sonorum varietatem, possint Zonæ commoveri; Adeòque ut Zonæ pro variorum Sonorum impressione suscipiendâ utilem istam variam aptitudinem habeant.

VII. Si verò Aliquis fuerit, cui exposita hucusque suspicio arrideat; huic possumus complura addere, quæ eandem confirment. Nam præter illa, quæ de Tubæ Eustachianæ aperturâ, tantâque istius ad audiendum necessitate antecedenti Capite scripsimus; unde aliquod fortasse argumentum in rem hanc trahi posset; Profectò Fenestræ Rotundæ situs non ex adverso, sed à latere Membranæ Tympani, ideò videtur à Naturâ assignatus, ne Tympani aer dum à Membranâ hac retropellitur; illius Fenestræ Membranam rectâ incurrendo,

Cui Fenestræ Rotunda non ex adverso Tympani Membranam respiciat.

Descript. Vid. Cap. II. Num. XIII.

*Cur ejusdem Fene-
stræ Membrana
non ad extremum
illius marginem,
sed paulò interiùs
collocetur.*

*Descript. Vid.
ibidem.*

*Cur Motus Sonori
per quatuor Officu-
la à Meatu Audi-
torio in Labyrin-
thum transferri
debuerint, ut Ca-
pite Superiori ex-
positum est.*

*Tuba Eustachiana
Usus paritate ab
Oculorum internis
motibus ducta, con-
firmatur, illustra-
turque.*

do, hujus incurvationi incommode resistat: Quæ rur-
sus Fenestræ Rotundæ Membrana ob eandem facilè cau-
sam, neutiquam ad extremum ejusdem Fenestræ mar-
ginem; sed paulò interiùs ità, ut per istum à retropulso
aëre quasi defendatur; posita est. Imò & hæc fuerit
fortasse una ex iis causis, propter quas Motibus Sono-
ris nequaquam concessum fuit, ut in Tympani Cavi-
tatem omninò liberè se diffunderent, videlicèt ne ip-
si; dum se se versùs Ovalem Fenestram utcunque de-
ferrent; Officia alterius Fenestræ temerè perturbarent:
adeòque ope quatuor Officulorum quodammodò in u-
num collecti, absque istius Fenestræ noxâ, ad Laby-
rinthum transmittuntur. Ad hæc Tuba Eustachiana
cur, quæso, non tota ex immobili osse constructa esset,
& extremitate minimè dilatabili; sed contra admirando
Musculorum artificio fuisset instructa? nisi dispositum
esset, ut pro variis Sonorum occasionibus variè quo-
que posset aperiri non solum in commodum Membranæ
Tympani; verùm quoque, nisi ego fallor, ut Mem-
brana Fenestram Rotundam claudens; atque adeò ipsæ
Zonæ, advenientibus diversis Sonis, diversam ad se se
movendum aptitudinem haberent; Illud sanè novum
non est, aut Naturæ penitùs ignotum, quòd pro va-
riâ objecti conditione, varij in Sensuum Organis, nobis
inscijs, motus fiant, per quos potissima Sensorij Pars,
sive Sensorium propriè dictum variè disponatur. Ita-
que quemadmodum pro diversis rerum visibilium di-
stantijs; diversè mota Ligamenta Ciliaria efficiunt, ut
Retina à CrySTALLINO variè distet; & pro vario earun-
dem lumine, variè mota Iris facit, ut variam re-
spectivè radiorum quantitatem eadem Retina exci-
pere valeat; sic pro Sonorum diversitate, diversè
motâ

motâ Tubâ Eustachianâ, atque adeò diversâ inductâ in Labyrinthi aere resistentiâ, etiam diversè; ut nos suspicamur; Zonæ Sonoræ disponuntur.

VIII. Sed quid quid sit de hac suspicione, in qua recensendâ ideò paulò prolixior fui, quia aliquot Partium Usus utcunque indicare; ad alios vero earundem Usus indicandos viam sternere simul, & unâ operâ volui; Illud certum est, me tantum illi non deferre, ut credam in hanc unam rem Cochleæ utramque Scalam cum interpositâ Zona, necnon Fenestram Rotundam constructas esse. Easdem enim nobiliorem alium usum præstare, coniicio. Itaque, exceptis Motibus Sonoris ità exilibus, ut vix percipiantur; quos intrâ Canales, aut ad summum intrâ Vestibulum terminari, probabile est; Sonori motus universi postquàm Canales Semicirculares percurrerunt; ab eisdem exire, & ulterius in Scalam Vestibuli progredi videntur per eadem Orificia, & eadem ratione, qua impulsus in ijs Canalibus aerem in eandem Scalam transire, superius opinabamur. Motus enim Sonoros intrâ Canales perire; verisimile non est; cùm illud; ut cætera mittam; notum sit: Sonos, dum percurrunt tubos, quales quidem ij Canales sunt, mirificè conservari. Accedit, quod ij, Canales qua parte Motus Sonoros emittere debent; dilatantur; Nam Canalis quidem Minor paulo antequam in Proprio Orificio desinat; sensim ampliatur; Minimus vero usque à sui gyri dimidio solet paulatim dilatari, quousque in Lateriori Orificio suo finitur; Quæ porro conformatio quantum ad Sonoros, etiam debiles, Motus in unum colligendos, & rectà vividiùs mittendos conducat, à Tuba Polyphonica potest addisci, ità ut Motus Sonoros non solum in Canalibus non perire;

Usus Orificii Proprii Canalis Minoris, & Orificii Laterioris Canalis Minimi.

Descript. Vid. Cap. III. Num. V. & VI.

Delin. Vid. Tab. VIII. Fig. V.

Cur iidem duo Canales antequam desinant in Orificia indicata, ampliores sensim fiunt.

Descript. Vid. Ibidem Delin. Vid. Tab. VIII. Fig. III.

verum ab eisdem in oppositum Scalæ Vestibuli Orificium satis adhuc vividos dimitti, concedendum videatur. Verum priusquam Motus Sonoros, jam Scalam Vestibuli subeuntes, ulterius prosequar; videre mihi videor Quotcunque Disquisitiones hæc meas non omnino negligenter percurrent, secum agitantes, quid sit, quod cum superius de impulsu in Canalibus aëris exitu agens; tum modò de Motuum Sonororum ab iisdem egressu verba faciens, Proprium Majoris Canalis Orificium; quod porrò utrobique considerare debebam; ne nominaverim quidem; quasi neque Motus Sonori, neque aër ullus, qui cedere deberet, Majorem Canalem percurrerent. Ego verò Canalem Majorem non solum, quæ cæteri præstant eadem præstare; sed insuper aliquid singularis facile habere existimo. Siquidem tum ipsius in Communi Canali apertura Ovalem Fenestram, unde Motus Sonori proveniunt, multò magis è directo respicit, quàm Canalis Minoris apertura in eodem Communi Canali, aut Canalis Minimi Orificium Angustius sic, ut in Majorem Canalem multò vividius, quàm in reliquos, Motus Sonori pertendere videantur; Tum verò Zona ipsius inter Canalem Semicircularium Zonas longissima est; Tum denique antequàm in Proprio Orificio ipsa terminetur; in peculiarem quandam Orbicularem Cavitatem expanditur. Quamvis autem Canalis hic Major ad Orificium Proprium & ipse dilatetur ità, ut Motus Sonoros ab hoc etiam quodammodò colligi, quasi ulterius dimittendi essent, conjicere possimus; tamen cum Orificium istud Proprium, Scalæ Vestibuli Orificium non ità, ut requiri videretur, respiciat; cumque Cavitatis illius Orbicularis satis probabiles Usus adhuc me affecutum esse; non credam;

dām; idcirco fatius esse duxi, pauca; imò nulla, circa idem Orificium proponendo, exacta aliorum Judicia expectare, quàm multa scribendo, immatura omninò cogitata Lectoribus ingerere. Igitur Motus Sonori eâ, quam recensuimus, ratione, Vestibuli Scalam subeuntes, licet non obstante exposito artificio, debiliores essent; per huius tamen Scalæ tortuositatem, & de lato in angustius tendentiam vividiores fieri possunt, sicut jam ab aliis animadversum est. Porro dum Motus Sonori, Scalam Vestibuli percurrento, Cochleæ Zonam percellunt; hinc quoque ad Sensationem excitare facile poterunt; non quòd ego censeam, impressionem ab aliquâ Canalium Semicircularium Zonâ fati jam susceptam, hinc quoque esse repetendam; sed quia aliquibus Sonoris Motibus, quibus ritè suscipiendis nulla illarum fati idonea fuit, hæc Zona, non quidem ob variam contigui aëris resistantiam, huic nempe cum illis communem; sed ob maximam sui longitudinem, si ve mavis ob variam, sensimque decreascentem latitudinem; quantum ego suspicor; aptissima est. Suspicio autem hæc mea partim illis, quæ de Canalium Semicircularium Zonis respectu variæ longitudinis, & latitudinis earundem, superius proposita sunt; partim verò alteri animadversioni innititur. Nam cur Scala Vestibuli latitudinem, altitudinemque suam; curvè lævem superficiem, necnon Ellypticam cavitatem ità constanter servaret? quare potius ad instar Scalæ Tympani illas dimensiones, & superficiei asperitatem, aut lævitatem variè, & inconstanter non fortiretur, figuramve irregularem non obtineret; si Motus Sonoros adhuc utiles ad sensationem excitandam perducere non deberet, sed potissimum ad eos demum, non am-

Usus Scalæ Vestibuli.

Descript. Vid.
Cap. III. Num.
VIII.

Delin. Vid. Tab.
VIII. Fig. VI.

Zonæ Cochleæ Usus.

Descript. Vid.
Cap. III. Num.
VIII. & XIV.

Delin. Vid. Tab.
VIII. Fig. VII. &
IX.

Item Tab. X. Fig.
III.

*Cur hæc Zona sit
Zonarum longissi-
ma, sensimque mi-
nus lata fiat*

*Cur Scala Vestibuli
superficiei lævitate,
necnon dimensio-
num & figura re-
gularitate gande-
re soleat; non item
verò Scala Tympani.*

Descript. Vid.
Cap. III. Num.
VIII.

Usus Scalæ Tym-
pani.

Descript. Vid.
Cap. III. Num.
VIII.

Delin. Vid. 7 ab.
VIII. Fig. VI.

plius utiles, extrorsum amandandos, quemadmodum Scala Tympani, inserviret? Ego enim & ex iis, quæ hîc illic de Scalâ Tympani habita sunt, & ex eisdem, quas modò proferebam, rationibus, Scalam Tympani illum præcipuè usum Sonoris Motibus præstare, existimo; ut ipsos scilicet jam munere defunctos suo, ad Tympani Cavitatem, Tubamque Eustachianam transmittat. Qua quidem ex re nulla Officiorum Membranæ Tympani perturbatio timenda est, tum ob Partium posituram; tum ob eorundem Motuum, & à longo itinere, & à Scalæ Tympani irregulari figura, & superficie, & ab obstante Fenestræ Rotundæ Membranâ debilitationem. Aliam adhuc eorundem debilitationis causam ego aliquandò excogitaveram; scilicet cùm primò vidi substantiam illam minùs resistantem, atque friabilem, qua Canalis Cochleæ superficies insternitur; hanc fortassis ad Motus Sonoros infringendos in hac postremâ Labyrinthi parte disponi, suspicabar. Quam tamen substantiam ubi etiam ipsi Scalæ Vestibuli communem esse, animadverti; suspicionem illam deposui, ratus, alium omninò esse illius substantiæ usum; licet qualis hic demum esse probabiliter possit, non satis adhuc perspectum habeam.

IX. Igitur ex illis, quæ de Usibus Labyrinthi hucusque edisseruimus, colligitur, tres nostras Canaliculæ Semicircularium Zonas, necnon Zonam Cochleæ Proprium Auditus videri Sensorium; hac quidem, ut suspicamur, ratione, ut non omnes ab omnibus Sonis impressionem suscipere æquè valeant; sed variis variæ aptiores sint secundum longitudinum, & latitudinum, & quæ sunt similia, diversitatem. Porro cùm rem ità se habere, suspicemur; secundum hoc, quicumque ex facili intelliget; quæ causæ Naturam move-

ve-

verint; ut Labyrinthum, ejusque Partes non minori magnitudine in Infante poneret, quàm in Adulto. Si enim Zonarum dimensiones non eadem in utrâque ætate fuissent; certè homo alios Sonos audiret, cùm infans est; alios autem, cùm adultus; adeoque malè primò assuesceret illis Ideis concipiendis, quas mox dediscere deberet; at pro assuetudine, absque confusione, non posset. Indè verò etiam fuit, quòd Tympani Officula æqualem obtineant magnitudinem in Infante, atque in Adulto, nam ut de uno tantummodò loquamur, Basim Stapedis, oportuit magnitudini Ovalis Fenestræ respondere; eandemque perpetuò ab eisdem Sonis impressionem in Labyrinthum traducere. Quòd si tantam curam Natura adhibuit; ne homo diversas ejusdem Soni Ideas diversis etiam temporibus conciperet; multò adhuc majorem, ut par est, adhibet, ne uno, eodemque tempore diversas, & inter se pugnantes concipiat. Hinc enim est, quòd dextri, & sinistri Labyrinthi, & Partium utriusque, necnon utriusque Tympani Officulorum eadem magnitudines sint, & figuræ; adeòut si quid in unâ Aure aliquod illorum ab ortu peccet; & in compari Aure similiter peccare, inveniamus; quasi Natura Idearum discordiam plus timeat, quàm pravitatem. Quantâ verò Eadem diligentia usa est, ne in eodem homine variæ essent Sonorum Ideæ; tantâ fermè dixerim, sæpenuerò usa esse videtur, ut in variis hominibus variæ essent. Quòd enim nihil frequentius sit, quàm reperire homines, quorum uni unus Concentus supra omnes placeat; alteri verò non idem; sed alius: item quorum unus sagacissima, ut sic loquar, Aure vel minimam unius vocis dissonantiam inter quàmplurimas statim cognoscat; alter verò Aure infelicissimâ, quid sit

Cur Labyrinthus ejusque Partes non minori magnitudine in Infante gaudeant; quàm in Adulto.

De hoc Vid. Cap. III. Num. XVI.

Cur pariter Tympani Officula eandem magnitudinem in Infante obtineant, atque in Adulto.

De hoc Vid. Cap. II. Num. XII.

Cur unusquisque Auris, ejusque Partium dimensiones, & figura in compari Aure ita exactè servantur; ut si quid vitii in unâ Aure ab ortu contractum sit; & in alterâ inveniatur.

De hoc Vid. Cap. III. Num. VII.

*Cur frequentissime
tanta sit inter Au-
ditum unius homi-
nis, & Auditum
alterius diversitas.*

*Vid. Cap. III.
Num. III.*

*Vid. Cap. III.
Num. VII. item
Tab. IX.*

consonantia, & quid dissonantia, ne intelligere quidem valeat: & cætera de genere hoc, quæ apud Musicos, Musicorumque auditores quotidie observantur; Quod, inquam, hæc adeò frequenter occurrant, pendere videtur à varietate, quam inter Labyrinthos unius hominis, & Labyrinthos alterius modò majorem, modò minorem solet Natura collocare. Ut enim mittamus, Cavitationem illam Orbicularem, ad Majoris Canalis Orificium Proprium observatam; aliquando desiderari; Orificium vero Canalis Minimi Angustius, interdum non ità angustum reperiri; necnon latitudinem quandoque in illo, quandoque in hoc Canali majorem esse, & similia, quæ suis quæque locis notata sunt; sanè longitudinum Canaliū irregularis in diversis Subjectis diversitas adeo frequens, adeo ex Naturæ consuetudine est; ut nunquam duos homines repererim, in quibus earundem proportionēs omnino convenirent; ut alibi quoque enarratum fuit. Quas figurarum, & præcipuè dimensionum varietates etsi frequentissimas istius Audituum diversitatis causas esse, censemus; illa tamen, ut suspicamur, pendere aliquando etiam potest à tensione Zonarum; quæ nempe ut in consimilibus Nerveis Partibus accidere videtur, in variis hominibus varia sit: quæ quidem suspicio nonnullis aliis, quas superius à Chordarum Musicarum observatione circa Usū Zonarum deduximus, ob affinitatem adiungi poterit.

X. Iam verò de Aure, ejusque Partibus, & singularum Usu satis fusè à nobis scriptum est: utinam & satis clarè quantum ad Historiam, & satis verisimiliter quantum ad Usus; Ego sanè utrumque conatus sum. Sed quantum ad Usus; multò quidem labor difficilior est Nostrium quotcunque Usus Auris tractamus; quàm illorum, qui de Oculi agunt Usibus.

O.

Omitto majorem Partium Auris numerum exiguitatem, implicationem. Hoc solum dico: Quòd tot, tantique Mathematicorum Labores circa Visionis, & Luminis proprietates, prægressi, multum illis operæ, multum sollicitudinis demunt. Quòd si cum Soni, Auditusque proprietatibus æquali observandi diligentia, perspeculandi assiduitate, methodicè scribendi instituto à tot Mathematicis actum esset; plura ego superius, & vero magis proxima, minori cum labore proposuissem. Quare ut melius sit illis, qui posthac de eisdem Auris Usibus scribere aggredientur; oro, quæsoque de Re Philosophicâ adeò benemeritos Mathematicos, ut provinciam illam parum adhuc, respectu Opticæ, & Facultatum cæterarum, quæ circa Visionis, & Luminis proprietates versantur, parum, inquam; adhuc excultam, suscipiant, & suâ illâ inconcussâ methodo adaugeant. Nos interim, ut opus hoc minùs difficile redderemus; Auris Historiam, quantum res concessit, dilucidè exposuimus; saltèm, sicuti modò indicabamus, dilucidè exponere conati sumus. Et quoniam verba minùs sufficere, intelleximus; ad Delineationes, & Figuras confugimus. Quòd si neque per istas, quæsitam perspicuitatem undequaue obtinuerimus; aliam adhuc videmus rationem, qua obtineamus, Artificialem scilicet Auris Anatomen, per quam præcipuas, quæ in Aure sunt, Partes sub omnium oculos ponamus, iisdem, quas obtinent, figuris, posituris, & connexionibus, & si placet, iisdem etiam magnitudinibus; quanquàm nos Aurem naturali majorem multò utiliore futuram esse, existimamus. Quæ quidem Artificialis Auris Anatomie, tametsi quantum Artificialem Oculi Anatomen ob naturalis arduitate, raritatemque, utilitate, & com-

mo-

modo vincit; tantum operis difficultate excedat; at-
tamen dummodò otii, peritique Artificis copia nobis
sit; nostram Naturalem Anatomen in exemplar propo-
nentes, omnique sedulitate, attentione, consilio juvan-
tes, ut in Studiosorum usum, cæterorumque se cogno-
scere cupientium, elaboretur, fortasse olim operam
dabimus.

F I N I S.



F I G U R



FIGURARUM EXPLICATIO.



DAbulas nostras Inspecturo utile erit priùs novisse nonnulla, quæ ad ejus commodum, in illarum delineatione præstitimus. Primò Itaque & nos curavimus, ut in quibus Tabulis una tantummodò Auris, aut aliqua unius Auris Pars exhibetur; ea Auris perpetuò Dextra sit, & illæ Partes semper ad eandem Dextram Aurem pertineant; ne scilicet Res exhibitæ, si modò ad Dextram; modò verò ad Sinistram Aurem spectarent; confusionem inducerent. Deinde ubicunque Cavitatem aliquam, utputa Meatum Auditorium, Canalem Cochleæ, &c. exprimere debuimus; obtulimus delineandam Pictori illam Cavitatem, non utcunque apertam, aut semidetectam; sed à circumpositis omnibus partibus sive osseis, sive alius generis ità liberatam, ut nihil aliud reliquum esset, quàm ultima ejusdem superficies. Quam Cavitationum hujuscemodi delineandarum rationem ideò servavimus, quia sublato toto illo osse, quod circa ipsas ut plurimùm solent relinquere; & quod aut rarò, aut nunquam ad aliquid inservit; toto, inquam, illo osse sublato, veræ illarum Cavitationum figuræ, & dimensiones multò clarius

P

osten-

ostenduntur. Porro in ejusdem perspicuitatis gratiam ubicunque rerum parvitas in causâ esse poterat, ne satis distinctè, atque absolutè eadem Res possent intelligi; Figuras dedimus, quæ naturalem ipsarum magnitudinem superent: quæ tamen singulæ quæ sint, suo loco indicabitur; ne quis fortè exinde fallatur; additâ insuper aliâ Delineatione ad naturalem magnitudinem. Imò passim in eundem perspicuitatis finem ex illis Subjectis, in quibus magis conspicuæ, atque majores Auris Partes occurrerent, ex illis, inquam, Tabulas nostras delineari, curavimus. Aliàs enim pleræque hæ Partes adeò exiguæ sunt, & implicitæ, ut fortasse hisce omnibus præcautionibus non obstantibus, Aliquibus, & præsertim Tironibus non satis clarè per nostras Figuras expresse judicari possint: rejectâ in nos illâ culpâ, quæ Partium ipsarum est. Quod tamen non ità dico, quasi ego credam, nihil nos in his Tabulis conficiendis erravisse. Si enim vel Magni Nominis Pictores sæpè in illis delineandis lapsi sunt; quæ quotidie sub oculis, imò sub penicillo habebant, & rebus quidem magnitudinis justæ, utputa cum alii distortum pedem, alii asymmetrum brachium pinxere; cur Pictores meos singulari hoc munere donatos existimem; ut tot res nunquam antea ab ipsis visas, nedum delineatas; & tantæ exiguitatis, quantæ istæ sunt, omnes absque ullo mendo delineare valuerint; maximè cum sæpè sæpiùs extra Artis suæ præcepta easdem delineare, me jubente, coacti sint. Nam istud quoque scire juvabit; quòd nempe ego, cum multorum Figuris nimiam Artis Pictoriæ curam nocuisse, cognoverim (incredibile enim est, quantum Perspectivæ leges religiosius servatæ, quantum sola umbrarum certis in locis augendarum præcepta, rerum speciem, & lineamenta illorum præcipuè oculis, qui Artem non calleant, immutare mul-

tis in casibus possint) illud in Figurarum mearum delineatione præcipuum habui, ut Pictoria Anatomix; non verò Anatomia Pictoriæ inserviret; opportunè scilicet à strictioribus Pictorum regulis tantum deflectendo, quantam ad perspicuum Figurarum mearum intellectum sufficere, credidi: Adeò falsum est, quod Aliqui opinantur, nihil aliud ad Anatomicas Figuras rectè conficiendas, quam excellentem Pictorem requiri, ignorantes, quantum laboris, quantumque diligentix ab Anatomico expostuletur in præscribendo Pictori, quatenus ab Artis suæ præceptis hic illic recedere debeat; sic tamen, ut hic recessus nullo modo Veritati officiat; sed potius conferat. Nec minoris studii, & patientiæ est illum & omnium, & singularum Partium reperire prospectum, secundum quem potius à Pictore delineentur; talem nempe, ut quæ debent omnia, per unam, vel ad summum duas Figuras in conspectum veniant. Sed de his satis. Ad Figuras ipsas jam descendamus.

T A B U L A I.

Figura I.



Xponit Auriculam cum Glandulâ Novâ Tragi. Quibus additæ sunt Glandula Parotis cum suo Ductu, & Glandula Lymphatica, in istâ multoties à me observata; cum secunda delineata nondum fuerit (loquor semper in homine) & primæ, scilicet Parotidis, cum suo Ductu verus circa Auriculam situs à multis non delineetur.

- A. A. A. *Helix.*
 B. B. B. *Anthelix.*
 C. *Antitragus.*
 D. *Tragus.*
 E. *Lobus Auriculæ.*
 F. F. *Cavitas Innominata.*
 G. *Scapha.*
 H. H. *Concha, quasi in duas, ut videre est, Cavitates distincta, Superiorem nimirum, & Inferiorem.*
 I. I. *Parotis Glandula.*
 K. *Glandula Tragi.*
 L. *Glandula Lymphatica, in Parotide multoties à me observata.*
 M. M. *Parotidis Ductus.*
 N. *Ductus Orificium hians in Cavitate Oris, cum hujus tunicæ parte.*

Figura II.

Demonstrat Auriculæ, atque Meatus Auditorii Cartilaginem cum Incisuris: quæ licet cum suâ Cartilagine ad Meatum Auditorium spectent; attamen, ne harum seorsim ostensarum Figura minùs perspicua esset; item ne frustra fieret Figurarum multiplicatio; hîc simul delineatæ sunt: quibus de causis etiam in sequentibus Tabulis non pauca, quæ in Descriptione disiuncta sunt, in Delineatione unire debuimus.

- A. A. A. *Cartilago Auriculæ.*
 B. B. *Cartilago Meatus Auditorii.*
 C. C. *Incisuræ.*
 D. *Acutus Processus Cartilaginis Auriculæ.*

E. Por-

E. *Portio illa ejusdem Cartilaginis, quæ ad Helicis extremum à reliquâ Auriculæ Cartilagine desiungitur.*

Figura III.

Demonstrat Musculos Externos Auriculæ tum ab aliis descriptos tum à nobis additos.

A. *Musculus Superior.*

B. B. *Helix anteriora versùs depressa, ut distinctiùs Musculi Posteriores, & Fibræ Transversæ conspiciantur.*

C. C. C. *Musculi Posteriores.*

D. D. *Fibræ Carneæ Transversæ à nobis descriptæ.*

E. *Musculus Anterior noster.*

Figura IV.

Exprimit Musculos Internos à nobis inventos.

A. A. *Cutis secta, ut appareat Musculus subjectus.*

B. *Musculus Tragi.*

C. C. *Cutis secta, ut manifestetur Musculus Antitrangi; ad quem ex toto ostendendum insuper ipse Antitragus versùs Concham, Meatumque Auditorium depressus est.*

D. *Musculus Antitrangi.*

T A B U L A II.

Exprimit hæc Tabula Auriculam, tali pacto dispositam, ut Nervorum, Arteriarum, & ex parte etiam Venarum ad ipsam spectantium excursus in conspectum simul veniat.

- ** *Auricula Helice, & Anthelice versùs Concham aliquantum depressa.*
- A. *Nervus inter primam, & secundam Colli Vertebra exiens, & primò descendens.*
- B. *Ejusdem Nervi, sursum postea reflexi, Ramus versùs Auriculam incedens.*
- C. *Ramus ad Mandibulam Inferiorem.*
- D. *Ramus ad Musculos, qui in Collo sunt, prope originem amputatus.*
- E. *Rami C. alter Ramulus ad Parotidem.*
- F. *Rami B. alter Ramulus ad eandem Parotidem.*
- G. *Rami ejusdem B. Ramus ille, qui per posteriorem Auriculam ascendit.*
- H. *Locus, ubi Ramus iste G. cujus uestigio à quibusdam Practicis ad tollendam Odontalgiam proponitur, certius uretur.*
- I. *Ramus B. post Auriculam versùs Capitis superiora procedens.*
- K. *Auditorii Nervorum Paris Portio Dura, ibi resecta, ubi à Falloppii Aquæductu egreditur.*
- L. *Ejusdem Portionis Ramus subdivisus in Ramulos.*
- M. M. M. *qui per Faciem sparguntur.*
- N. *Alter ejusdem Portionis Ramus, à quo multæ Propagines ad Mandibulam Inferiorem mittuntur.*
- O. O. O. *Ex eâdem Portione Ramulus, qui versùs Capitis superiora tendendo, Meatus Auditorio, necnon Auriculæ prospicit; per cujus quidem anteriorem partem; licet Figuræ situs ex parte id tegat; excurrit. Nec mihi adhuc licuit ullum sensibilem Ramum ex Durâ Portione à tergo Auriculæ excurrentem videre, ut neque Rami illius, qui per Faciem diffunditur, vulgatam illam in formam Anserini Pedis, expansionem. Quod Veri-*

ritatis amore inculco; & ne quis fortè Tabulam hanc oscitanter delineatam suspicetur.

P. Truncus Venæ Jugularis Externæ, in quem Auricula remittit sanguinem per duos Ramos Venosos p. p.

Q. Ramus Arteriæ Carotidis Externus, qui Ramulo r. hinc amputato, ad Parotides misso, Ramulum s. pariter ad evitandam confusionem resectum, per Auriculæ posteriora diffundit; Ramulos verò t. t. per ejusdem anteriora; deinde ulterius procedens, insignem Ramum u. ad Capitis superiora mittit.

T A B U L A III.

Figura I.

EXhibet Auriculam, simul cum Meatu Auditorio, à parte posteriori; utrumque tamen versùs Faciem aliquantum inclinatum; ut tota ejusdem Meatus à nobis descripta Tortuositas in conspectum veniat.

A. A. Auricula.

B. B. Meatus Auditorius.

E. Auditorii Meatus Extremum.

Figura II.

Exprimit Glandulas Meatus Auditorii cum suo Corpore Reticulari ab eodem Meatu separatas, & extensas: quas quidem intrà Areas naturalibus ampliores, consultò (ut nempe distinctiores essent) delineavimus.

Figura III.

Demonstrat cum Auriculâ, Meatu Auditorio, hujusque Glandulis, Membranam Tympani, & Chordam, Incudem, & Malleum, Tubamque Eustachianam, omnia ità simul unita; ut vera singulorum cum aliis connexio, item positura exactè percipiatur. Quæ omnia conspiciuntur à parte posteriori, & quidem versùs eandem partem aliquantùm inclinata; ut nempe duo indicata Officula meliùs sub oculos cadant.

Quænam in hac Figurâ sit Auricula, & quinam Meatus Auditorius, præmissa Figuræ I. Explicatio sat docet in tantum, ut videri possemus Lectorum patientia abuti; si Litteras hîc, & Explicationem in idem adderemus. Quam ob causam in sequentium quoque Tabularum Figuris ut plurimùm illa Characteribus designare mittemus, quæ per præcedentium Figurarum Litteras, & Explicationem satis nota esse, existimabimus: maximè ubi res minimæ fuerint; quæ nempe per additos Characteres confunduntur, aut obteguntur potiùs; quam indicentur.

A. *Glandulæ Meatus Auditorii cum Corpore suo Reticulari, quas Figura II. extra situm ostenderamus, in naturali situ delineatæ.*

B. *Incus.*

C. *Malleus.*

D. *Portio Ossea ex pariete Sinuositatis Mastoideæ; illa nempe, cui alligatur Processus Brevior Incudis; ideò relictæ, ut quæ de ejusdem Incudis Hypomochlio Cap. II. & V. habuimus; eò faciliùs intelligantur.*

E. *Chor-*

- E. *Chorda Tympani.*
- F. *Membrana Tympani, à Malleo introrsum elevata.*
- G. *Tuba Eustachiana, sive potius ejus Cavitas.*
- H. *Tubæ Principium.*
- I. *Ejusdem Finis.*

Figura IV.

Demonstrat Malleum, ejusque Processus, naturali magnitudine majores.

- A. *Caput Mallei secundum illam partem, per quam cum Incude articulatur.*
- B. *Manubrium.*
- C. *Caput Mallei secundum partem oppositam.*
- D. *Processus Minor.*
- E. *Processus Minimus,*
- F. *Processus Major: ex quibus Processibus constituitur Manubrium.*

Figura V.

Repræsentat Malleum, ejusque Musculos, omnes naturali magnitudine majores.

- G. *Malleus.*
- H. *Musculus Processus Minoris.*
- I. *Musculus Processus Minimi.*
- K. *Musculus Processus Majoris.*

Figura VI.

Incudem, & Os Orbiculare dictum repræsentat, naturali magnitudine majora.

Q

L. Cor-

- L. Corporis Incudis ea pars, quæ articulatur cum Malleo.
 M. Processus Longior Incudis.
 N. Os Orbiculare, quod unitur extremitati ejusdem Longioris Processus.
 O. Processus Brevior Incudis.

Figura VII.

Exhibet Malleum, Incudem, & Os Orbiculare, omnia simul, ut naturaliter sunt, connexa; sed naturalibus majora.

- P. Incus.
 Q. Malleus.
 R. Os Orbiculare.

Figura VIII.

Demonstrat Stapedem, & Os Orbiculare, item ejusdem Stapedis Basim, visam secundum faciem internam, & externam, omnia naturalibus majora.

- S. Stapes.
 T. Stapedis Capitulum, cujus parvæ cavitati Os Orbiculare superpositum est.
 V. Basis Stapedis secundum faciem internam, sive Vestibulum respicientem, quæ gibba est.
 X. Eadem Basis secundum faciem externam, sive Stapedis Crura spectantem, quæ concava est. Illud verò advertatur, velim; me scilicet in hac Basi delineandâ consultò à vulgatis ejusdem Delineationibus recessisse; cum ipsa reverà non sit exactè elliptica, ut delineari solet; sed tantum ad ellipticam figuram accedat; atque insuper

per ex unâ parte ejus margo leviter deficiat.

Figura IX.

Exprimit Stapedem, & Membranam, per quam ejus Basis circumalligatur Fenestræ Ovali; naturalem magnitudinem pariter excedentes.

Figura X.

Exhibet Stapedem cum Osse Orbiculari, in suo situ collocato: item ipsius Stapedis Musculum, omnia naturalem magnitudinem superantia.

A. Stapes cum Osse Orbiculari, in suo situ collocato.

B. Musculus Stapedis.

Figura XI.

Repræsentat omnia Officula ad invicem, ut naturaliter sunt, unita; naturalibus tamen majora. Curavimus autem tum in hac; tum in præcedentibus, quæ ad ista Officula pertinent, septem Figuris, ut naturalis magnitudo excederetur ad hoc, ut distinctiora essent omnia. Cæterum qui Officulorum omnium naturalem magnitudinem, & naturalem respectu totius Auris situm videre cupit? is Tabulam X. adeat.

C. Incus.

D. Malleus.

F. Stapes; inter quem, & Incudem Os Orbiculare conspicitur.

Figura XII.

Repræsentat Novum Musculum Tubæ Eustachianæ.

H. *Pars Carnea Musculi.*

I. I. *Pars Tendinea ejusdem.*

Figura XIII.

Exponit Cartilaginem Tubæ Eustachianæ, inversam.

I. I. *Pars Cartilaginis, quæ latus Tubæ antèrius pro minori tantùm parte componit.*

K. K. *Pars Cartilaginis, quæ latus Tubæ posteriùs pro majori parte componit.*

Figura XIV.

Repræsentat Tubam Eustachianam, à parte posteriori visam, unà cum omnibus ejus Partibus in situ, atque Canali Osseo, per quem Musculus Processus Majoris Mallei excurrit.

A. *Principium Tubæ.*

B. *Canalis Osseus Musculi Processus Majoris Mallei, apertus.*

C. *Pars Ossea Tubæ.*

D. D. *Pars Cartilaginea.*

E. e. *Pars Membranacea.*

F. F. *Musculus Tubæ Novus.*

G. *Finis Tubæ.*

T A B U L A I V.

EXprimit hæc Tabula faciem exteriorem Basis Calvariae, parte anteriori elevatæ ad hoc, ut Tubæ Eustachianæ, & Novi earundem Musculi, necnon Musculi Salpingostaphylina, item Meatum Auditoriorum Incisuræ, horumque omnium situs magis in conspectum veniant. Idcirco enim hanc Tabulam concinnavi, ut nempe hæc omnia in eo, quem respectu Calvariae Partium obtinent, situ conspicerentur; tum ut Nova pro Venis Occipitalibus Foramina indicarentur. Curavi tamen, ut cætera omnia, quæ in hac Tabulâ conspiciuntur, in specie Foraminum omnium situs, clarissimè, & exactissimè delinearentur; maximè cum vulgatas istiusmodi Calvariae Basis Figuras alias confusas; alias mancas; alias etiam ex parte falsas animadverterim.

A. A. *Os Occipitis.*

B. B. *Sutura Lambdoides.*

C. C. *Processus Mamillares.*

c. c. c. c. *Suturæ Ossium Temporum cum Osse Occipitis.*

D. *Foramen Maximum Occipitis, per quod Spinalis Medulla, & Vertebrales Arteriæ transeunt.*

d. d. *Nova Foramina, pro ingressu nostrarum Venarum Occipitalium intrâ Cranium: quæ quidem non minùs, ac nonnulla alia Foramina, quæ in hac Tabulâ ostenduntur, aliàs majora; aliàs etiam minora observantur.*

E. E. *Ossis Occipitis Processus duo, per quos illius articulatio cum primâ Vertebra Colli obtinetur.*

e. e. *Foramina, quæ permittunt egressum Venis Vertebralibus è Jugularium Diverticulo.*

F. F. *Auriculæ.*

f. f. f. f. *Auditorium Meatum Cartilagines cum suis Incisuris.*

G. G. *Processus Styloides.*

g g. *Foramina extremum Aquæductum Fallopi constituenta, per quæ Portio Dura Auditorii Nervorum Paris utrinque egreditur.*

H. H. *Foramina, per quæ à suis Specibus exeunt Iugulares Venæ.*

h. h. *Foramina pro egressu Nervorum Nonæ Conjugationis.*

I. I. *Foramina pro ingressu Arteriarum Carotidum.*

i. i. *Membrana interiora Narium vestiens, inde versùs Pharyngem producta, in suo situ relicta.*

K. K. K. K. *Tubæ Eustachianæ, quarum duæ K. K. versùs Processus Styloides, indicant earundem Partem Osseam; duæ verò aliæ K. K. reliquam earundem partem designant.*

L. L. *Extrema Tubarum Orificia, sive Fines, quorum dextrum à Musculo Salpingostaphylino, eidem Orificio naturaliter subjecto; ast hic ratione situs delineatæ Calvariae superposito; non minùs, quàm ipsa Tuba, & Musculus Tubæ Novus, ex parte obvelatur.*

l. l. *Processuum Pterygoidum Alæ Internæ, per quarum inferiorem partem suos tendines transmittunt Novi Tubarum Musculi.*

M. M. *Processuum Pterygoidum Alæ Externæ,*

m. m. *Novi Tubarum Musculi; quorum tendines excurrunt per partem inferiorem Alarum l. l. & deinde, rursus explicati, circa inferiorem marginem Internorum Nasi Foraminum in istorum Membranam desinunt.*

n. n. *Musculi Salpingostaphylini, quorum dexter in situ*
na-

naturali relictus; sinister verò à socio amputatus, & à situ diductus est; ut distinctius subiectæ Tubæ progressus, & Finis, item Musculi Tubæ Novi in eandem insertio ex toto manifestetur.

O. Situs, in quo indicatus sinister Musculus fuit à socio resectus.

o.o. Foramina pro ingressu Arteriarum Duræ Matris.

P.P. Foramina, per quæ Nervorum Quinti Paris Maiores Rami egrediuntur.

p.p.p.p. Suture Ossium Temporum cum Osse Sphenoide.

Q.Q. Foramina Nasi Interna.

q.q. Suture Processuum Ossium Temporalium cum Primo Pari Ossium Mandibulæ Superioris: ex quibus duobus ita per Suturam unitis Os Iugale constituitur.

r.r. Suture Primi Paris Ossium Mandibulæ Superioris cum Tertio Pari Ossium eiusdem Mandibulæ.

s.s. Foramina pro excursu Vasorum Sanguineorum ad Palatum.

T. Quintum Par Ossium Mandibulæ Superioris.

V. Tertium Par Ossium Mandibulæ Superioris fornicem Palati cum præcedente constituens,

u.u.u.u.u.u.u.u.u.u. Dentes Molares.

x.x. Dentes Canini.

y.y.y.y. Dentes Incisores.

2. Foramen pro transitu humoris, qui à Narium Cavitatibus ad Palatum per duos parvos Ductus transmittitur.

TABULA

T A B U L A V.

Figura I.

EXprimit Uvulam, secundum partem anteriorem, cum suis Musculis, juxta Novam Descriptionem nostram delineatis. Quæ omnia non ideò absque reliquo Pharynge in hac Figurâ exhibemus, quia reverà Uvulam à Pharynge separandam esse, credamus, sed ne res sinè ullâ necessitate multiplicentur; cùm nempe eadem, quæ in hac Figurâ omittuntur, debeant in sequenti delineari.

A. Uvula.

B. B. Musculi Salpingostaphylini.

C. C. Musculi Glossostaphylini.

D. D. Musculi Pharyngostaphylini.

e. e. Tonsillæ: quas porro adiunximus tum ut rerum cæterarum situs eò facilius, & exactius intelligeretur; tum quia reverà Tonsillæ possunt accipi pro partibus, aut saltem pro appendicibus ipsius Pharyngis.

Figura II.

Exprimit Pharyngem, secundum partem anteriorem, cum suis omnibus juxta Descriptionem nostram Orificiis & Musculis; exceptis Musculis Glossostaphylinis, in superiori Figurâ ad Litt. C. C. sufficienter delineatis; in hac verò omissis, ne progressum Pharyngostaphylinorum obvelarent.

F. F. Musculi Salpyngostaphylini.

G. Uvula suâ Membranâ, necnon partē glandulosâ denudata,
ut

ut appareant fibræ musculares in eandem se inferentes. Eandem verò Uvulam sursum aliquantum traximus, ut Orificium Pharyngis ad Nares aliquatenus in conspectum veniret.

H. H. Musculi Pharyngostaphylini, sive mavis Staphylopharyngæi: à quorum dextro Membrana investiens sublata est, ut fibrarum ejus ** integer progressus manifestetur.

I. I. Musculi Glossopharyngæi: quorum progressus ut ex toto appareret; partem superiorem Membranae Pharyngis abstulimus.

K. K. Orificium Pharyngis ad Nares.

L. L. Musculi Stylopharyngæi.

M. M. M. M. Musculi Hyopharyngæi.

N. N. N. N. n. n. Musculi Thyropharyngæi.

O. O. Musculus Cricopharyngæus.

P. Oesophagi principium.

Q. Q. Orificium Pharyngis ad Os: quod tametsi Orificiorum Pharyngis maximum est; multum tamen hic majus apparet, quàm reverà sit; & hoc propter ablatum Laryngem; qui nempe à Musculo Cricopharyngæo usque ad Musculum Hyopharyngæum extenditur.

r. r. r. r. r. r. r. Glandulae, hic illic in Pharyngis Cavitate conspicuae.

S. Orificium Pharyngis ad Oesophagum.

T A B U L A VI.

EXponit Pharyngem, & omnes ejusdem Musculos secundum partem posteriorem, omnia juxta Novam Descriptionem nostram delineata.

A. A. Musculi Salpingostaphylini.

B. B. Musculi Glossopharyngæi.

C. C. Musculi Glossostaphylini.

* Uvula suâ Membranâ, necnon parte glandulosâ denudata; eademque sursum aliquantum retracta, ut Orificium ad Nares conspiciatur.

D. D. Orificium Pharyngis ad Nares.

2. 2. Musculi Pharyngostaphylini.

E. E. Stylopharyngæi.

F. F. F. F. Hyopharyngæi.

G. G. G. G. g. g. Thyropharyngæi.

H. H. Cricopharyngæus.

3. 3. Linea tendinosa, quam concurrentes Musculi Glossopharyngæi, Hyopharyngæi, Thyropharyngæi componunt.

I. Oesophagus.

T A B U L A VII.

Figura I.

A. A. **A**rteriæ Carotidis illa portio, quæ per Canalem Osseum ad Cerebrum scandit.

B. Ramulus, qui ab eâdem Arteriâ prope Ossei Canalis principium discedit, & Tympano prospicit.

Figura II.

Demonstrat portionem inferiorem Sinus Lateralis dextri Duræ Matris, à parte posteriore inspecti, necnon illud, ut Willisius vocat, Diverticulum, quod inter Sinus finem, & Venæ Iugularis principium interponitur, unâ cum Venâ Occipitali, Venâque Tympani; quarum duarum

rum in Sinum, & Diverticulum ingressus ut quò loci fiat distinctiùs percipiatur; tum ne Figura manca sit; alia Vasa magis nota in Sinum, & Diverticulum pariter ingredientia addita sunt.

A. A. Portio inferior indicati Sinus.

B. Locus, ubi portio hæc inferior à superiori resecta est.

Cavitatis autem Sinus istius, quæ per sectionem conspicitur, figuram (ne quis miretur) ideò diversam à figura vulgata exhibemus; quia reverà Cavitas hujus Sinus non undequaque æqualiter curva est; sed qua parte Cerebrum respicit, est compressa, & quasi complanata; licet soleat tanquam exactè cylindrica delineari. Eadem de causa etiam Cavitatem duorum sequentium Sinuum simili figura delineamus: imò figuram quoque indicati Diverticuli non parum à communioribus ejusdem Figuris discrepantem; at cum Naturâ magis congruentem exhibemus.

C. Sinus Sellæ Equinæ Adiacens Superior.

D. Sinus Sellæ Equinæ Adiacens Inferior.

E. Vena Vertebralis.

F. Vena Occipitalis à nobis descripta: cujus Rami f. f. à posterioribus Auriculæ proveniunt; cæteri verò, scilicet.

G. G. Rami sunt, qui ad eandem mittuntur à partibus Occipitis.

H. Diverticulum illud indicatum, quod nempe inter Sinus Lateralis finem, & Jugularis principium interponitur.

I. Principium Venæ Jugularis.

K. Vena Tympani.

Figura III.

Exhibet totum progressum Duræ Portionis Auditotii Ner-

vorum Paris, dum intrà Canalem Communem, & Particularem excurrit cum Surculis; quos eadem, intrà Cranii necnon intrà Tympani Cavitatem distribuit, item Chordæ Tympani, sive potius Ramuli, qui ipsam constituit, progressum, & parvum Surculum.

- a. *Portio Dura intrà Canalem Communem contenta.*
- b.b.b. *Eadem Portio à Canali Communi in Canalis Particularis alteram Partem, & ab hac in Cranii Cavitatem perveniens, intrà quam per Duram Menyngem, necnon per Quinti Paris Truncum Surculos spargit.*
- c. *Ramulus, qui Tympani Chordam constituit.*
2. *Ejus Propago in Minimi Processus Mallei Musculum.*
- d. (sive tractus, qui comprehenditur inter duas lineas: à quibus idem d. includitur) *Ejusdem Ramuli illa pars, quæ Chorda Tympani dicitur.*
- e. (sive totus reliquus tractus) *Ejusdem Ramuli illa pars, quæ per peculiarem Canaliculum ad Duram Portionem transit, cum qua unitur.*
- f. *Alter Nervæus Ramulus, qui à Quinto Pari transmittitur, ut loquuntur, ad Duram Portionem, cum qua eodem loco, ac præcedens Ramulus, unitur.*
- g. *Portio Dura intrà Canalis Particularis alteram Partem inclusa.*
- b.b. *Duo ejusdem Surculi ad Sinuositatem Mastoideam.*
- i. *Surculus alius ad Musculum Stapedis.*
- k. *Portio Dura ad finem Particularis Canalis resecta. Porro totum id, quod resectum est, jam in Tabula II. exhibuimus.*

Figura IV.

Exponit Canales Osseos, per quos Nervi Auditorii excurrunt.

A. Ca.

- A. *Canalis Communis.*
- B. *Duæ ex Sinuositatibus, quæ ad eius finem occurrunt.*
- C. *Canalis Particularis.*
- D. *Foramen, per quod una istius Canalis Pars in Cranii Cavitate aperitur.*
- E. *Foramen, per quod alter istius Canalis Pars hiat inter Mamillarem, & Styloformem Processum: quod Tabula IV. designatur per Litteram g.*

Figura V.

Exponit eosdem Canales Nervorum Auditoriorum simul cum pluribus Auris Partibus; præcipuè verò cum Tubâ Eustachianâ, &c. ad hoc, ut eorundem situs respectu earum Partium in Aure appareat, necnon ut cuicunque constare possit, aliud esse Aquæductum Falloppii, aliud Tubam Eustachianam; cum aliàs à multis, saltè nomine, hæc duo confundantur,

- A. A. *Aquæductus Falloppii, sive Canalis Particularis.*
- B. *Canalis Communis.*
- C. *Tuba Eustachiana.*

T A B U L A VIII.

Figura I.

EXhibet Canales Semicirculares qua parte Cerebrum spectant. Quos quidem majoris perspicuitatis gratiâ ita delineavimus, ut naturalem magnitudinem aliquoties excedant. Quod idem servavimus etiam in omnibus; si III. & XI. excipias; hujusce Tabulæ Figuris; cum

ad rerum naturalem magnitudinem concipiendam aliàs
sufficienter inservire possit Tabula X.

a. Canalis Maior.

b. Canalis Minor.

c. Canalis Communis.

d.d. Canalis Minimus.

1. Orificium Proprium Canalis Maioris.

2. Orificium Proprium Canalis Minoris.

3. Orificium Commune.

4. Orificium Angustius Canalis Minimi.

5. Orificium ejusdem Latius.

Figura II.

Exprimit integram Labyrinthi Cavitatem qua parte Cerebrum spectat.

e. Canales Semicirculares: qui cum sint in hac Figura in iisdem sitibus, ac in præcedenti; singuli absque repetitis hinc Litteris, per Litteras in eadem præcedenti Figura appositas distinctè dignosci poterunt.

f. Vestibulum.

g. Foramina in fornice Vestibuli pro ingressu Nervorum, non tria; ut ab aliis traditur; sed quinque.

h. Cochleæ Canalis, cujus apex videri debet descendere, sive retrocedere: id enim per Operarum errorem, sive potius propter operis difficultatem non satis expressum est.

Figura III.

Exhibet Canales Semicirculares, non in suum naturalem
femi-

femicirculum curvatos; sed in longum evolutos. Hanc enim Figuram excogitavi, tum ut singulorum Orificio-
rum figuræ distinctius percipi; tum ut singulorum Ca-
nalianum naturales magnitudines exactius concipi queant.
Ne verò Aliquis cùm in Tabulâ X. Canales ad natura-
lem magnitudinem pariter expressos, sed minores appa-
rentes inspexerit; illicò finem aut istius Figuræ, aut il-
lius Tabulæ in dubium trahat; cogitet, velim, aliam
speciem esse ejusdem rei curvatæ, aliam evolutæ: item
Canales figuræ Ellypticæ; quales quidem Canales Semi-
circulares sunt; ab unâ parte inspectos, unam latitudi-
nem; ab aliâ verò, aliam ostendere, animadvertat

- i. *Orificium Proprium Canalis Minoris.*
- k. *Orificium Proprium Canalis Majoris: in quod ante-
quàm desinat ipse Canalis, in Orbicularem Cavitatem
laxatur.*
- l. *Orificium Commune.*
- m. *Orificium Latius Canalis Minimi.*
- n. *Orificium ejusdem Angustius.*

Figura IV.

Demonstrat totum Labyrinthum pariter, ac in Figurâ II.
ostensus est; inversum tamen; ut secundùm alteram par-
tem, qua nempe Tympani Cavitatem spectat, conspi-
ciatur; adeòque Fenestra Ovalis, & Rotunda possint
videri.

- 1. *Canalis Major.*
- 2. *Canalis Minor.*
- 3. *Canalis Minimus.*
- 4. *Canalis Cochleæ; cujus apex videri debet assurgere,
sive*

sive extare (Vid. Tab. X. Fig. I.)

o. Fenestra Ovalis.

p. Fenestra Rotunda.

Figura V.

Demonstrat Labyrinthum quâ Cerebrum spectat, pariter, ac in Figurâ II. ostensus est; itâ tamen præparatum per ablationem partis superioris Vestibuli Cavitas, & in hac Orificia Canalium, Fenestræ Ovalis, necnon Scalæ Vestibuli, omnia in proprio situ manifestentur.

Orificia Canalium non indico, cum hæc sufficienter dignosci, & distingui possint ex Figura I.

q. Fenestra Ovalis, quæ in Fundo Vestibuli aperta observatur.

r. Orificium Scalæ Vestibuli.

Figura VI.

Duas Cochleæ Scalas cum ipsarum progressu, atque Orificiis demonstrat. Deberent autem & Sclarum istarum apices non in eodem cum principiis Sclarum plano videri; similiter nempe, ac de integro Cochleæ Canali notatum est paulò supra in Explicationibus Figuræ II. & IV. Quale quid (ne hoc ampliùs repetamus) in Figurâ VII. & aliquâ parte Figurarum VIII. & IX. hujus Tabulæ; item Figuræ III. Tabulæ X. desiderari potest.

s. Orificium Scalæ Tympani, sive ipsa Fenestra Rotunda.

t. Orificium Scalæ Vestibuli.

u. Scala Tympani.

x. Scala Vestibuli.

Figura VII.

Demonstrat Septum Cochleæ, & duas illius Substantias.

- a. *Substantia Solidior, sive Lamina Spiral.*
- b. *Substantia Mollior, sive Zona Cochleæ.*

Figura VIII.

Exhibet Nervorum Auditoriorum Portionem Mollem cum utrâque ejus parte, necnon omnibus Zonis Sonoris, in eodem situ ostensis, in quo conspicerentur; si totâ illa superficie, quam in Figurâ II. exhibemus, sublatâ, Labyrinthus aperiretur.

- c. *Portio Mollis.*
- d. *Ejus Pars, quæ in quinque Surculos divisa Vestibulum subit, & in Membranam Vestibuli expanditur: quam Membranam distinctè per oppositam Litteram indicare negleximus; cum ejus Figura, & dimensiones adeò in diversis diversæ sint.*
- e. *Mollis Portionis altera Pars, quæ nempe Cochleam ingreditur.*
- f. *Tres Zonæ, quæ à Membranâ Vestibuli protenduntur in Canales Semicirculares: quarum singulis ideò Litteras non apponimus, quòd per Explicationem Canaliùm in Figurâ I. & II. ostensorum; quibus nempe situe respondent; distinctè singulæ dignosci queant.*
- g. *Zona Cochleæ (eadem, quam in præcedenti Figurâ sub Litterâ b. ostendimus) quæ probabiliter expansio est illius Partis Portionis Mollis, quam modò per Litteram e. indicavimus.*

S

h. *Ejus-*

h. *Ejusdem Zonæ illa pars, quæ Sclarum Cochleæ Orificiis interponitur: quæque an Membranæ Vestibuli continuetur, adhuc sufficienter detegere non potuimus.*

Figura IX.

Eadem, quæ præcedens, ostendit; sed Zonas in opposito demonstrat situ; in illo videlicet, in quo conspicerentur; si totâ illâ superficie, quam in figurâ IV. exhibuimus, sublatâ, Labyrinthum aperiremus.

Si opus est; inspicere potest Explicatio ejusdem Figuræ IV. simul cum Explicatione præcedentis.

Figura X.

Ostendit Mollem Nervorum Auditoriorum Portionem, & Vasa Sanguinea, simul cum ipsâ à Cerebro in Labyrinthum descendencia; item ejusdem expansionem in Membranam Vestibuli, & inde in Canaliculorum Semicircularium Zonas. Porro hæc ostendimus in eodem situ, in quo conspiciuntur in superiori Figurâ VIII. ad ejus Figuræ majorem perspicuitatem; nempe ut pateret, quæ ratione Zonæ Sonoræ Canales Semicirculares ingrediantur, eosdem Canales in hac Figurâ reliquimus.

Vide Explicationem ejusdem Figuræ VIII. item Explicationem Figuræ I. sive mavis II.

Figura XI.

Demonstrat eandem Portionem Mollem simul cum Portione Durâ ambas ad naturalem magnitudinem expressas.

k. Por-

k. *Portio Mollis.*

l. *Quinque Nervei Surculi, in quos divisa ejusdem Portionis una Pars Vestibulum ingreditur: altera verò ejusdem Pars, quæ videlicet Cochleam subit; in hac Figura sub oculos cadere non potest.*

m. *Dura Portio.*

n. *Eadem à Canali Communi in Particularem deflectens.*

T A B U L A IX.

EXibemus in hac Tabulà primò * Unciam Bononiensem in duodecim partes, five lineas divisam; ut nempe juxta, ac polliciti sumus in Præfatione, scire omnes possint, quam Mensuram innuamus; cùm lineam dicimus.

Deinde verò ex tot, quas è diversis Subjectis collegimus, Canalicum Semicircularium Mensuris, paucas aliquot, quæ modò ad manum sunt, exhibemus; ad hoc ut possit quisque per se deducere tum duo illa, quæ nos ex eisdem eruimus, nempe quòd longitudinum eorundem Canalicum generalior quidem proportio; quòd scilicet unus major, alter minor, tertius verò minimus sit, stabilis est; At quòd magis præcisa proportio, incerta, & varia in variis existit sic, ut determinari (à nobis quidem) non possit; tum alia, quæ meliora, & exercitiora Doctorum Virorum Ingenia ex eisdem colligere fortasse poterunt.

Itaque ut hæ Mensuræ perspicuè possint intelligi; quatuordecim Litteræ A. B. C. &c. totidem diversa Subjecta sunt, ex quorum singulorum alterà tantummodò Aure (nam eadem in utrâque Aure dimensiones) singulorum Canalicum Semicircularium Mensuræ collectæ sunt. Nu-

*meri verò Imperiales I. II. III. singuli singulos Canales connotant, hac ratione, ut I. Majorem; II. Minorem; III. verò Minimum connotet. Tres autem lineæ Numeris Imperialibus appositæ singulæ Mensuræ sunt ejus Canalis, cujus Numero apponuntur. Divisiones verò in singulis notatæ sunt totidem lineæ juxta Mensuram sub * propositam. Demum Numeri Arithmetici summa sunt harum linearum. Secundùm hæc quisque poterit sibi omnia explicare.*

T A B U L A X.

TAbulam hanc in illum potissimùm finem concinnavi, ut Anatomici, atque Philosophi clariùs, faciliùs, & ex uno quasi intuitu totam penè Auditorii Organi structuram possint concipere. Illæ itaque Auris Partes, quæ ad Auditum præcipuè faciunt; omnes simul junctæ, necnon proprio situ; & magnitudine expressæ, prout exhibentur à Naturali Aure, à me non sinè diuturno labore per circumpositi ossis abrasionem præparatâ; omnes, inquam, quæ quidem potuerunt; in hac Tabulâ repræsentantur. Porro cùm hæc Figuræ, si quæ aliæ, ab additis Characteribus obscurari possent; ne perspicuitati, cui totus, in hac præcipuè Tabulâ, studeo, res illa officeret; Characteres omisi; maximè cùm sibi quisque supplere illos possit ex præcedentibus Tabulis, earumque Explicationibus. Illis tamen Partibus, quæ ex eisdem minùs promptè intelligi possunt, Litteras addidi, aliisque etiam, quæ id pati sinè obscuritate potuerunt.

Figura I.

Exprimit Aurem ab anteriori parte, sive qua Faciem spectat ostensam, aliquantùm tamen versùs Occiput inclin-

na-

natam; ut nempe distinctiùs quatuor Officula in conspectum veniant. Quæ porrò Officula simul cum Chordâ, & Membranâ Tympani, item Meatu Auditorio, & Auriculâ, ex Tabulâ III. ejusque Explicatione satis dignosci, atque intelligi, supponimus; adeòque ex illis sunt Partibus, quas per Litteras indicare superfedemus.

- a. *Extremitas Aquæductus Falloppiani, à qua Auditorii Nervorum Paris Portio Dura, jam Tabula II. Litterâ K. ostensa, erumpit.*
- b. *Portio Ossea ex pariete Sinuositatis Mastoideæ, illa nempe, cui alligatur Processus Brevior Incudis; idèd relictâ, ut meliùs ea intelligantur, quæ de ejusdem Incudis Hypomochlio Cap. II. & V. habuimus.*
- c. *Musculus Minimi Processus Mallei. Musculus verò Processus Minoris huic oppositus observari non potest; quia totus sub Incude, & Meatu Auditorio reconditur.*
- d. *Musculus Processus Majoris, qui per totam Tubæ Eustachianæ longitudinem extenditur, à Canali suo Osseo liberatus.*
- e. *Cartilaginis Tubæ Eustachianæ antèrius latus, in quod præcedentis Musculi Fibræ carneæ inseruntur.*
- f. *Musculus Novus Tubæ Eustachianæ.*
- g. *Musculus Stapedis, liberatus à Canali suo Osseo.*
1. *Canalis Semicircularis Major.*
2. *Canalis Semicircularis Minor.*
3. *Canalis Semicircularis Minimus.*
4. *Vestibulum, in cujus, secundùm hanc partem inspecti, fornice duo tantummodò Foramina occurrunt ex quinque illis, quæ Nerveos Surculos in ejusdem Cavitatem transmittunt. Tria, quæ supersunt, Foramina in sequenti Figurâ sub oculos cadunt.*

5. *Canalis Cochleæ.*

6. *Nervorum Auditoriorum Portio Mollis unam sui Partem versus Cochleam demittens; alteram vero, quæ in Surculos quinque dividitur, in Vestibulum protendens: ex quibus Surculis duos abscidimus; ne duo illa, per quæ ipsi ingrediebantur, modo indicata Foramina obtegerent.*

Figura II.

Aurem exprimit, visam à parte posteriori, sive qua Occiput spectat, eòusque tamen versùs anteriora inclinatam, ut Fenestra Rotunda, Membrana Tympani, & ex parte etiam quatuor Ossicula in conspectum veniant.

a. *Aquæductus Falloppianus.*

b. *Tubæ Eustachianæ Principium.*

c. *Cartilaginis ejusdem Tubæ posterius latus.*

d. *Tubæ Finis.*

1. *Canalis Semicircularis Major.*

2. *Canalis Semicircularis Minor.*

3. *Canalis Semicircularis Minimus.*

4. *Vestibulum, in cujus ab hac parte inspecti, fornice primò exigua tria Foramina in conspectum veniunt ex quinque illis, quæ Nerveos Surculos in Vestibulum intromittunt. Deinde sub iis Foraminibus aliud Majus Foramen occurrit: Et hoc est Fenestra Rotunda.*

5. *Cochleæ Canalis, intrà cujus gyros relictæ est Sinuositas illa Minimis Foraminibus pertusa, ex qua ea Pars Portionis Mollis, quæ Cochleæ prospicit, eandem Cochleam per indicata Foramina ingreditur: quæ porrò majoris perspicuitatis gratiâ, paulò majuscula, quàm naturaliter sint, ostenduntur. Cætera ex præcedentis Figuræ Explicatione perspicua sunt.*

Aliquis fortasse in duobus modò explicatis Iconismis Cav-
vitalis Tympani Figuram desideraverit. Ego tamen ip-
sam non dedi, quia alia ostendenda abscondisset; tum
quia facillimè cuique obvia est & in ipsa naturali Aure,
& in ejusdem jam vulgatis Iconismis, quibus sanè quantum
ad hoc nihil habebam, quod adderem; maximè verò
quia ejus Cavitalis configuratio ad Auditus Phænomena
intelligenda non multum facere videtur. Quibus de
causis factum est, ut in superioribus etiam Tabulis ean-
dem delineare omiserimus.

Figura III.

Exponit Membranam Vestibuli; item Cochleæ, & Cana-
lium Semicircularium Zonas, Molli Nervorum Audi-
toriorum Portioni annexas, magnitudine naturali, & in
eodem situ, in quo conspicerentur, si tota ista Laby-
rinthi superficie, quæ in præcedenti II. Figura exhibe-
tur, sublata, ipsum Labyrinthum aperiremus.

Huic Figuræ ulteriorem Explicationem non addimus; hæc
enim vix differret ab Explicatione Figuræ VIII. Tab.
VIII. quam proinde repetere, si vis, potes.

EXPLICATIONIS FIGURARUM FINIS.

F I N I S.

INDEX

I N D E X,

Sive mavis SUMMARIUM

*Eorum tantummodò, quæ ob Raritatem, imò ut plurimum ob
Novitatem Memorabiliora, in Libello hoc scripta,
aut delineata, continentur.*



Apoplecticos Affectus, in quibus sinistra Corporis medietas resoluta est, eos causam habere in dextro Cerebri

Hemisphærio; in quibus verò dextra resoluta est, eos causam habere in sinistro, per plurimum, & plurimum Observationum in hoc consensum ostenditur Capite V. Numero VIII. Pag. 85

In talibus Affectibus juxta easdem Observationes Decubitus ratio, Localium, & Phlebotomiæ locus multò aptius præscribi poterunt. Cap. V. Num. VIII. 87

In talibus Affectibus, si medietas Corporis dextra resoluta sit; juxta easdem Observationes, & Novorum Tympani Foraminum dispositionem, Odoramenta aptius adhibebuntur sinistrae Nari, quàm dextrae; & e contra. Cap. V. Num. VIII. 87. 88.

In talibus Affectibus instituta Venæ sectio ex latere Corporis non resoluta, ferè illicò profuit. Ib. Aquæductus Falloppiani cum ipsius

in Cranii Cavitate aperturâ tum extra situm, tum in situ Delineatio Tabula VII. Figura V. & IV. Arteria Tympani. Vide Tympani &c.

Arteria, quæ per anteriorem Auriculæ partem ad Tempora ascendit, invenitur frequenter sine sociâ Vena, scilicet quæ ejus ductum sequatur. Cap. I. Num. XIV. II

Auditorius Meatus. Vid. Meatus.

Auditorii Nervi. Vid. Nervi.

Auditus unius hominis ideò frequentissimè differt ab Auditu alterius; quia frequentissimæ occurrunt diversitates inter Partes Labyrinthi unius hominis, & Partes Labyrinthi alterius; præcipuè quod attinet ad Longitudinum Canalium Semicircularium proportionem. Cap. VI. Num. IX. 108. 109.

Circa causam Gravitatis Auditus Observatio Cap. V. N. V. 79

Item Vid. Ossicula. Vid. Uvulæ &c.

Sensorium Auditus propriè dictum sunt quatuor Zonæ Sonoræ, tres scilicet Canalium Semicircularium

I N D E X.

sunt quatuor Zonæ Sonoræ, tres
scilicet Canalicum Semicirculari-
um, & una Cochleæ. Cap. VI.
N. II. 97
Ratio, cur hoc Sensorium non in
unicâ; sed in pluribus Zonis à
Naturâ constitutum esse, conji-
ciatur. Cap. VI. N. IV. V. &c.
99. 100.
Auditus, Vid. Tubæ Eustachianæ &c.
Auricula, & in hac
Antitragi Musculus Cap. I. N. VII. 6
Hujus Musculi Delineatio Tab.
I. Fig. IV.
In Conchæ gibbo Fibræ Carneæ
Transversæ Cap. I. N. VII. 6
Harum Delineatio Tab. I. F. III.
Glandulæ Sebaceæ Cap. I. N.
III. 3
Musculus Anterior Cap. I. N. VI. 5
Ligamentum in parte antica, Cap.
I. N. 8. 7
Hujus Delineatio Tab. I. F. III.
Musculi Posteriores distinctius de-
scripti Cap. I. N. VI. 5
Omnium Auriculæ Musculorum
Usus est assiduo suo motu toni-
co Concham ita firmare, ut Mo-
tus Sonori inde vividius reflectan-
tur. Cap. IV. Num. III. 65, 66
Tragi Glandulæ Cap. I. N. V. 4
Harum Delineatio Tab. I. F. I.
Tragi Musculus Cap. I. N. VII. 6
Hujus Delineatio Tab. I. F. IV.
Auris Divisio in tres Cavitates, sci-
licet in Exteriorem, Mediam, &

Interiorem. Cap. I. N. I. I
Fere omnium præcipuarum ipsius
Partium Mensuræ. Vid. passim
per totam Primam Tractatus Par-
tem.
Siquando in aliquâ unius Auris
Parte occurrit vitium aliquod à
nativitate contractum; idem pror-
sus in correspondente alterius Au-
ris Parte se obtulit. Cap. III. N.
VII. 49
Auris Ulcerum post instillati Balsa-
mi Peruviani usum, absque ullâ
remanente Auditus noxâ, Cura-
tiones. Cap. II. Num. II. 15

B.

Basis Stapedis. Vid. Stapedis &c.

C.

Canales Semicirculares in eâ qui-
dem generali longiorum
proportionem esse, ut unus major,
alter minor, tertius verò mini-
mus sit, determinatur; sed in qua
præcisâ proportionem sint, stabiliri
non potest eo, quod hæc in diver-
sa sit. Cap. III. N. VII. 49, 50.
In eodem Subiecto singuli unius
Auris Canales singulis alterius Au-
ris correspondentibus Canalicibus
æquales sunt. Cap. III. N. VII.

50

Mensuræ eorundem Canalicum ex
diversis Subiectis collectæ Tab.
IX.

Orbicularis Cavitas in Canali Ma-
jore, antequàm iste in Proprium
Orificium desinat. Cap. III. N.

T IV.

- IV. 47
Hujus Cavitatis Delineatio Tab. VIII. Fig. III. &c.
- Capitis partem capillatam obtinere Glandulas ejusdem naturæ cum Auriculæ Sebaceis, ex illius partis unctuositate, & furfuribus conjicitur. Cap. I. N. III. 2, 3.
- Cephalopharyngæi Musculi. Vid. Pharyngis &c.
- Cerebri structuram esse posse gravissimè labefactatam; tametsi nulla sensibilis læsio in eodem conspici queat; novo adducto exemplo probatur. Cap. V. N. VIII. 85, 86
- Chondroglossus Musculus (licet à Neoterico quodam ex æquo inter cæteros Linguae Musculos describatur) solùm aliquandò invenitur. Cap. II. N. XX. 41
- Cochleæ Canalis superficies ex aliâ substantiâ componitur, ac superficies Canaliū Semicircularium. Cap. III. N. VIII. 51
- Scala Tympani (tametsi ab aliis Inferior vocetur) Superior est; Scala autem Vestibuli Inferior. Cap. III. N. VIII. 52
- Hæ quoque differentiæ inter Scalam Vestibuli, & Scalam Tympani animadvertuntur; quòd nempe hæc capacitate variet, irregulari figurâ donetur, necnon frequenter superficiem inæqualem obtineat; illa verò e contra. Cap. III. N. VIII. 52, 53
- Ex quibus differentiis conjicitur, Scalam Tympani inservire potissimum ad Motus Sonoros jam munere suo defunctos amandandos; Scalam e contra Vestibuli ad eisdem adhuc utiles ad omnes Zonæ Cochleæ partes aliquandò saltèm perducendos. Cap. VI. N. VIII. 107, 108.
- Concha. Vid. Auricula.
- Cordis Nervi. Vid. Nervi.
- Cranii Basis duobus Foraminibus pro Venis Occipitalibus pertunditur. Cap. I. N. XIV. 11
- Horum Foraminum Delineatio Tab. IV. Litt. d. d.
- Aliorum Foraminum ejusdem Basis non minùs vera, quàm clara Delineatio Tab. IV.
- Cricopharyngæus Musculus. Vid. Pharyngis &c.
- Cystici Tumores. Vid. Glandulæ Sebaceæ. Vid. Palpebrarum &c. D.
- D**Eglutitio quemodò fiat. Vid. Pharyngis &c.
- Observatio, & Curatio Deglutionis Impeditæ à Luxatione Appendicum Cartilaginearum Ossis Hyoidis Cap. II. N. XX. 39
- Diverticuli inter Jugularem Venam, & Sinum Lateralem interpositi verior Delineatio Tab. VII. F. II.
- Ductus Seminiferi. Vid. Testium &c.
- Duræ Matris structuram, illum, quo ipsa madet, humorem suppeditare,

I N D E X.

re, indicatur Cap. II. N. XV. 31
Dura Mater. Vid. Nervus. Vid.
Sinuum &c. Vid. Tympani &c.

F.

Ratio, cur Fenestræ Rotundæ talis situs obtigerit, ut Membranam Tympani ex adverso non respiciat; talis verò obtigerit Membranulæ ejusdem Fenestræ, ut non in extremo hujus margine, sed paulò interiùs collocetur. Cap. VI. N. VII. 103

Foramina Basis Cranii. Vid. Cranii &c.

Foramen in Membranâ Tympani. Vid. Tympani &c.

Foramina, Per quæ Tympani Cavitas cum Cranii Cavitate communicat. Vid. Tympani &c.

G.

Glandula Lymphatica in Parotide. Vid. Parotis.

Parotis. Vid. Parotis.

Meatus Auditorii Glandulæ. Vid. Meatus Auditorii &c.

Sebaceæ. Vid. Auricula. Vid. Capitis &c. Vid. Palpebrarum &c. Vid. Scapularum &c.

Glandulas Sébaceas esse toti ambitui Corporis, aut saltèm pluribus ejusdem locis communes conjicitur Cap. I. N. III. 3

Tales Glandulas originem præ-

bere Tumoribus quibusdam Cy-
sticis, & præcipuè Steatomati,
conjicitur Cap. IV. N. IV. 67
Vesicularis Glandularum Substan-
tia (quidquid alii scripserint) de-
monstrari potest. Cap. II. N. VII. 20

Glossostaphylini Musculi. Vid. U-
vulæ &c.

Gravitas Auditus. Vid. Auditus.

H.

HYoidis Ossis Cartilaginearum
Appendicum Luxatio. Vid.
Deglutitio.

Hyopharyngæi Musculi. Vid. Pha-
ryngis &c.

I.

Incisuræ Meatus Auditorii. Vid.
Meatus Auditorii &c.

Infantes recens nati, cum Audito-
rium Meatum non solùm valde
arctum; verum etiam, simul cum
Membranâ Tympani crassa qua-
dam substantia obductum habe-
ant; nihil, aut minimùm audient.
Cap. IV. N. VII. 71

L.

Labyrinthus, & contentæ in ipso
Partes Humore quodam aqueo
madent. Cap. III. N. XVII. 61
Integri Labyrinthi distinctæ Figu-
ræ Tab. VIII.

Labyrinthus. Vid. Canales Semi-

circulares. Vid. Cochleæ &c.
 Lienis in Cane defectus Observatio
 Cap. II. N. XIV. 27
 Ligamentum Auriculæ. Vid. Auri-
 cula.
 Lingua. Vid. Chondroglossus.
 Lymphatica in Nervo Optico, &
 Retinâ. Vid. Retina. •

M.

Mallei Majoris Processus Muscu-
 lus inserit suas fibras in Par-
 tem Cartilagineam Tubæ Eusta-
 chianæ. Cap. II. N. V. 18
 Hujus insertionis Delineatio Tab.
 X. F. I.
 Hoc Musculo abscisso Tympani
 Membrana relaxatur, Cap. II. N.
 5. 18
 Hic Musculus quo tempore au-
 dimus, relaxatus, non parum con-
 fert, quatenus hac suâ relaxatione
 Tubæ Eustachianæ, eodem tem-
 pore dilatandæ, alterum latus ma-
 gis mobile reddit. Cap. V. N.
 XI. 91, 92
 Minoris Processus Musculi dete-
 gendi modus Cap. II. N. VI. 19
 Hunc, & Musculum Processus
 Minimi, Aliqui ideò fortè non
 admittunt; quia illos in minùs
 idoneis Cadaveribus perquisive-
 runt. Cap. II. N. VII. 20
 Meatus Auditorii Cutis accuratiùs
 descripta Cap. I. N. XI. 9
 Glandularum Corpus Reticulare
 Cap. I. N. XII. 10
 Hujus Delineatio Tab. III. F. I.
 & III.

Incessus Meatus Auditorii accu-
 rator Descriptio Cap. I. N. IX. 7
 Hujus Delineatio Tab. III. Fig. I.
 Ejusdem observandi modus Cap.
 I. N. IX. 7, 8
 Incisuræ accuratiùs descriptæ Cap.
 I. N. X. 8
 Incisuras conducere ad Motuum
 Sonorum vim augendam, con-
 jicitur Cap. IV. N. V. 67, 68
 Meatus Auditorius. Vid. Infantes.
 Membrana Fenestræ Rotundæ. Vid.
 Fenestræ &c.
 Per quam Basis Stapedis Fene-
 stræ Ovali annectitur. Vid. Sta-
 pedis &c.
 Tympani. Vid. Tympani &c.
 Stapedis intermedium spatium ob-
 ducens V. Stapedis &c.
 Mensuræ Canaliculæ Semicircularium.
 Vid. Canales.
 Omnium ferè Partium Auris, Vid.
 Auris.
 Motus Sonori. Vid. Sonori.
 Musculus Antitrangi. Vid. Antitra-
 gi &c.
 Auriculæ Anterior. Vid. Auri-
 cula.
 Posteriores. Vid. Auricula.
 Cephalo-pharyngæus. Vid. Pha-
 ryngis &c.
 Chondroglossus. Vid. Chondro-
 glossus.
 Cricopharyngæus. Vid. Pharyn-
 gis &c.
 Glossostaphylinus. Vid. Uvulæ &c.
 Hyopharyngæus. Vid. Pharyngis
 &c. Pro.

Processus Majoris Mallei. Vid. Mallei &c.

Minimi. Vid. Mallei &c.

Minoris. Vid. Mallei &c.

Salpingostaphylinus. Vid. Uvula &c.

Sphenopharyngæus. Vid. Pharyngis &c.

Thyropharingæus. Vid. Pharyngis.

Tubæ Eustachianæ. Vid. Tubæ Eustachianæ &c.

N.

Nervorum Auditoriorum Dura Portionis Ramulus ab Aquæductu Falloppiano intra Cranii Cavitatem regressus, super Duram Matrem, & Truncum Nervorum Quinti Paris Surculos diffundit. Cap. III. N. X. p. 55

Hanc Portionem ullum sensibilem Ramum per Auriculæ posteriora mittere; item quem Ramum per Faciem diffundit, in formam Anserini Pedis expandere, Anatomicæ perquisitioni non respondet. Cap. I. N. XV. p. 12 Et Explication. Tab. II.

Ejusdem Portionis ab Aquæductu Falloppiano egressæ verior Delineatio. Tab. II.

Portio Dura. Vid. Tympani &c.

Portio Mollis. Vid. Zonæ.

Nervi Cordis, si filo tantummodò constringantur in Cane, deinde statim solvantur; eodem modo intra aliquos dies Canis moritur, ac si Nervi illi amputati essent; licet

hi rursus inspecti, in se nullum sensibilis læsionis vestigium ostendant. Cap. V. N. VIII. p. 86, 87 Nervi Optici Lymphatica. Vid. Retina.

Ad Nervum Vertebralem post Auriculam in Odontalgia comburendum certior locus, aliaque indicantur Cap. I. N. XV. p. 12 Et Tab. II. Litt. H.

Plures Nervei Ramuli, qui inter unius Coniugationis Truncum, & Truncum alterius ducuntur, velut ipsa Chorda Tympani, cur potius alterutri Coniugationi tribuantur, nulla ratio est. Cap. II. N. XXII. p. 43

O.

Occipitalis Vena Cap. I. N. XIV. p. 11.

Hujus Delineatio Tab. VII. F. II. Foramen pro hac in Cranii Basi. Vid. Cranii &c.

Odontalgia tollendæ causâ, ubi Nervus comburendus sit. Vid. Nervum.

Orificia Pharyngis. Vid. Pharyngis &c.

Orificiorum omnium, quæ in Vestibuli Cavitate occurrunt, in propriis sitibus non minùs clara, quàm verâ Delineatio Tab. VIII. Fig. V.

Officula quatuor Tympani nihil aliud sunt, quàm duo Vectes, per quorum motum à Meatu Auditorio

in Labyrinthum Sonori Motus transferuntur. Cap. V. N. II. 74 & seq.

Hoc confirmatur etiam per Observationem Gravitatis Auditus ex ablatione talis Officulorum dispositionis in Vectes. Cap. V. N. V.

79

Officulum Orbiculare dictum, non est Orbiculare; sed Ovale. Cap. II. N. IX.

22.

Ossis Hyoidis Appendicum Cartilaginearum Luxatio. Vid. Deglutitio.

Illa Opinio, quod scilicet Vasa Sanguinea extimam Ossium superficiem perreptare nequeant; nisi membranis fulciantur, experientia non respondet. Cap. III. N. XV.

60.

P.

Palpebrarum Glandulae ejusdem naturae sunt cum Auriculae Sebaceis. Cap. I. N. III.

3

Tumores Cystici certiùs, & feliciùs excantur, sectionem instituendo ab internâ Palpebrarum parte. Cap. IV. N. IV.

77

Parotidis, ejusque ductus verus circa Auriculam situs Tab. I. F. I.

In Parotide Glandula Lymphatica Cap. I. N. XVI.

13

Hujus Delineatio Tab. I. F. I.

Pharyngis Musculi Cephalopharyngæi communiter vocati, non ab

imo Capitis; sed ab Uvulâ incipiunt. Cap. II. N. XX.

37

Horum [sub nomine magis congruo, Staphylopharyngæorum videlicet] verior Delineatio Tab. V. & VI.

Hyopharyngæi Cap. II. N. XX.

38

Horum Delineatio Tab. V. F. II. & Tab. VI. Litt. F. F. F. F.

Oesophagus communiter vocatus [magis congruè Thyropharyngæi Musculi] non est unus Musculus, ut vulgò à majori parte censetur; sed reverà, ut Casserius docuit, geminus est. Cap. II. N. XX.

39, 40

Hujus, sive potiùs horum accuratior Delineatio Tab. VI.

Sphenopharyngæi communiter appellati, non à Processibus Ossis Sphenoidis; sed à lateribus Linguae in parte hujus inferiori erumpunt. Cap. II. N. XX.

38

Horum [sub nomine magis congruo, Glossopharyngæorum videlicet] verior Delineatio Tab. V. F. II.

Musculi Pharyngis non solum in Deglutitione agunt (quæ quidem actio distinctè, & clarè juxta veram ipsorum Anatomen explicatur) verùm cum possint facere, ut Uvula plùs, minùsve supra Laryngis aperturam propendeat, utque plùs, minùs Pharyngis Orificia ad Os, & ad nares restrin-

gan-

I N D E X.

gantur; possunt etiam ad variam Vocis modulationem conducere.

Cap. II. N. XXI. 41, 42

In Pharynge tria Orificia attendenda sunt; unum ad Os, alterum ad Nares, tertium ad Oesophagum. Cap. II. N. XX. 36,

37
Horum Delineatio Tab. V. F. II. &c.

Tonsillæ accipi reverà possint pro Partibus, aut saltèm pro Appendicibus ipsius Pharyngis. Explication. Tab. V. F. I.

Uvula Pharyngis Pars est. Cap. II. N. XX. 36

R

Renis Sinistri in homine deficientis Observatio Cap. II. N. XIV. 27

Retina Bovis Lymphatica non exilia elegantissimè ludentia exhibet: quæ exinde in truncos collecta, Nervum Opticum subeunt, Cap. III. N. XV. 60

S

SAlpingostaphylini Musculi. Vid. Uvulæ &c.

Scalæ Tympani & Vestibuli. Vid. Cochleæ &c.

Scapularum Cutim obtinere Glandulas ejuldem naturæ cum Auriculæ Sebaceis, conjicitur ex illâ

unctuositate, quæ in plurimorum indusiis circa easdem Scapulas observatur. Cap. I. N. III. 3

Sensorium Auditus. Vid. Auditus. Sinuositas Mastoidea. Vid. Tympani &c.

Sinuum Duræ Matris Lateralium, & Sellæ Equinæ Adiacentium Cavitas non est cylindrica; sed qua parte Cerebrum respicit, quasi complanata est. Explication. Tab. VII. F. II.

Istiusmodi Cavitatis Delineatio Tab. VII. F. II.

Sonori Motus, si non ope mechanici motus quatuor Officulorum; sed per se ipsos transferre se à Meatu Auditorio in Labyrinthum debuissent; Fenestræ Rotundæ Officia turbassent. Cap. VI. N. VII. 104

Sententias Vulgatas circa rationem, qua Sonori Motus per Tympanum ad Labyrinthum transeunt, minùs verisimiles esse, in universum innuitur; si Tympani Anatomem spectemus: nominatim verò una, quæ plurimis placuit, adductis ex eâdem Anatome rationibus, verisimilem non esse, evincitur Cap. V. N. I. 73

Sonoros Motus Vestibulum ingresses, non omnia quæ in ipso occurrunt, Orificia simul pervadere; sed potissimùm Proprium Canalis Minimi, necnon Commune Orificium subire, conjicitur Cap. VI. N. III. 98

So.

Sonori Motus. Vid. Auricula. Offi-
cula Motus Auditorii. Tubæ Eu-
stachianæ. &c.

Sphenopharyngæi Musculi. Vid.
Pharyngis &c.

Stapedis Basis non est, ut commu-
niter traditur, exactè ellyptica;
sed tantùm ad ellypticam figuram
accedit; atque insuper ejus margo
ex unâ parte leviter deficit. Ex-
plication. Tab. III. F. VIII.

Ejusdem vera Delineatio Tab.
III. F. VIII.

Eadem Basis (quidquid alii scrip-
serint) non est minimis forami-
nibus pervia. Cap. II. N. X. 23

Membranam, per quam eadem
Basis Fenestræ Ovali annectitur;
illam sic annectere, ut tamen sur-
sum, deorsumque moveri possit,
probatur per Observationem Sur-
ditatis ab ossificatione, adeoque
omnimodâ immobilitate ejusdem
Membranz. Cap. II. N. X. 23, 24
Eadem Membrana ex una deter-
minatâ parte firmior est, atque
robustior: & hoc, quia ex eâdem
parte majus periculum est, ne
eadem Membrana atteratur. Cap.
II. N. X. p. 31. Et Cap. V. N. III.

78

Minima Stapedis grâvitas non à
cavernulis, sive porulis, quibus
nempe (quidquid alii scripserint)
caret; sed ab ossis tenuitate de-
ducenda est. Cap. II. N. XII. 25
Intermedium Stapedis Spatium

[quidquid Aliqui doceant] nullâ
plerumque Membranâ clauditur.

Cap. II. N. X.

23

Steatoma. Vid. Glandulæ Sebaceæ.

Surditatis à nativitate certa species

induci potest à materiâ quadam,
quæ ab Infantis Meatu Audito-
rio, veluti deberet, non exci-
dat. Quæ Surditatis à nativitate

species omninò incurabilis non
erit. Cap. I. N. XIII.

10

Certæ Speciei Surditatis a duodecim
annis affligentis Chirurgica Cura-
tio Cap. I. N. XII.

10

Circa Surditatis causam Observa-
tio Cap. V, N. V.

78

Item Vid. Stapedis &c. Tubæ
Eustachianæ &c.

T.

Testium Ductus Seminiferi; qui
nempe à Testibus in Epidi-
dymides juxta Grafi Anatomen
semen transferunt; (reverà (quid-
quid alii scripserint) demonstrari
possunt. Cap. II. N. VII.

21

Thyropharyngæi Musculi. Vid. Pha-
ryngis &c.

Tonsillæ. Vid. Pharyngis &c.

Tragus, Vid. Auricula.

Tubæ Eustachianæ, ejus scilicet fi-
guræ, ejusque Partium Delinea-
tio Tab. III. F. III. XII. XIII.
XIV. item Tab. IV. & X.

Ejusdem Musculus Cap. II. N.
XVIII.

34

Hujus

I N D E X.

Hujus Delineatio Tab. III. F. XII. & XIV. T. IV. Litt. m. m. & Tab. X. F. I.

Ejusdem Musculi Usus est, ut quo tempore est audiendum, Tubam apertam, ut par est, servet. Cap. V. N. XI. 91

Si enim Tubæ claudantur, illicò Audium amitti, Observatione adducta probatur. Cap. V. N. X. 90

Ratio, cur Tubæ Orificium ità constitutum fuerit; ut anterius suilabrum Processui Pterygoidi contiguum sit, posterius verò; quod nulli simili parti contiguum est; ex crassefacta Cartilagine construat. Cap. V. N. XII. 91

Cætera ad Tubam attinentia Vid. Cap. VI. N. VI. 102

Et N. VII. 103, 104

Tubarum Polyphonicarum Artificiibus monitum datur, ut Tubas non sinè certis stratorum interstitiis conficiant; quando hæc, ut conjicitur. reverà ad Soni augmentum conducant. Cap. IV. N. V. 86

Tumores Cystici. Vid. Glandulæ Sebaceæ. Vid. Palpebrarum &c. Cujusdam Speciei Tumorum à sanguine extravasato productorum Signa. Cap. IV. N. VIII. 71

Talium Tumorum Observationes duæ. Ibidem.

Tympani Arteria Ramulus est Arteriæ Carotidis, qui ab ista, per

osseum Canalem ad Cerebrum scandente, perforato Canali, recedit. Cap. II. N. XXII. 43

Hujus Delineatio Tab. VIII. F. I. Cavitationis Tympani partem esse Sinuositatem Mastoideam, probatur Cap. II. N. III. 17

Tympani Chorda ità inter Malleum, & Incudem disponitur, ut ipsis motis, moveri statim debeat. Cap. II. N. XXII. 44

Tympani Chorda. Vid. Nervi.

Tympani Foramina, per quæ ipsius Cavitas cum Cranii Cavitate communicat; adeòque per quæ sanguis, ichor &c. in quibusdam casibus ab ista in illam Cavitationem, & deinde per Meatum Auditorium, aut per Tubam Eustachianam; inde per Nares, aut Os foras eliminantur. Vere enim (quidquid Aliquis contra censuerit) talia à Cavitate Cranii promanant. Cap. II. N. XIV. 27 & seq.

Et Cap. V. N. VIII. 83, 84

In hoc ipsum duæ Observationes Cap. II. N. XIV. 29, 30

Serum quoddam, per cujus à Naribus excretionem Dolores Capitis sublati sunt, à Cranii Cavitate per ea Foramina expulsum esse, conjicitur Cap. V. N. VII. 82

Ab his quoque Foraminibus illud habetur, quòd nempe in Vulnribus Capitis penetrantibus, dum clausis Naribus, & Ore ac vi intro

tro comprimitur; sanies per vul-
nus prorumpat. Cap. V. N. VIII.

84, 85

Per hæc Foramina aer externus
immediatè potest agere in Duram
Matrem. Cap. V. N. VIII.

Humor, quo Tympanum hume-
ctatur, derivari etiam potest à
Cranii Cavitate; per ea nempe
Foramina, de quibus modo &c.
Cap. II. N. XV.

31

Tympani Membrana componitur
ex duplici expansione membrana-
cea; Duræ Matris scilicet, & Cu-
tis Meatus Auditorii. Cap. II N.
I.

14

Hæc compositio patet in Huma-
no Fœtu. Ibid.

In Tympani Membrana Foramen
adesse, per quod Fluida à Tym-
pano in Meatum Auditorium per-
veniant, licet nondum pro certo
habeatur; plures tamen adducun-
tur Observationes, ex quibus ip-
sum adesse, conjici queat. Cap. II.
N. II.

15 & seq.

In experimento Willisij de Cane
post rupturam hujus Membranæ
ad tres adhuc menses audiente,
nonnulla, & quidem notabiliora,
desiderantur. Cap. V. N. V.

77

In Experimento hoc conficiendo
aliqua deceptio subesse potest; nisi
Canem eneces, & inspicias. Cap.
V. N. V.

80, 81

Canes, quibus Tympani Mem-
brana perrupta fuerat, non solùm

ad tres menses, verùm ad annum,
imò usquedum vixerint, audi-
visse, indicatur Cap. V. N. V. 81
ni Canibus, quibus similiter Tym-
pani Membrana perrupta fuerat;
eadem in pristinam integritatem
restituta comperta est. Cap. V. N.
V.

80

Membrana hæc maximâ ex parte
corrosione absumpta, à Naturâ
restituta est. Cap. V. N. V.

79

Tympani Membrana. Vid. Mallei
&c.

Nerveorum Surculorum, qui tum
ab eo Ramulo, qui Chordam
Tympani constituit, tum à Durâ
Auditoriorum Nervorum Porti-
one Tympano conceduntur, De-
lineatio Tab. VII. F. III.

Venæ Tympani, iugularis Di-
verticulum ingredientis, Deline-
atio Tab. VII. F. II.

Ad Tympani Ulcera detergenda
facile, necnon utile remedium est;
si æger clausis Naribus, & Ore,
aerem vi intrò comprimat. Cap.
V. N. VIII.

84

V.

Vasa Sanguinea. Vid. Ossium &c.
Vena Occipitalis. Vid. Occipi-
talis.

Temporalis. Vid. Arteria.

Ulcera Auris. Vid. Auris.


Observatio Ulceris, ad Mamil-
larem Processum existentis, in
quod

I N D E X.

- quod injecta, statim in Oris Cav-
 itatem, licet undequaque illæ-
 sam, transmittabantur. Cap. V.
 N. IX. 89
- Ulcera ad Musculos Salpingostaphy-
 linos. Vid. Uvulæ &c.
- Tympani. Vid. Tympani &c.
- Uvulæ Basis illud perpetuò præstat,
 ut notabilis aeris quantitas ab ex-
 tremis Tubarum Orificiis averta-
 tur; qui aliàs ipsarum Munera in-
 terturbaret: & illud, quatenus per-
 petuò adducitur versus medium
 illius Pharyngis Orificii, quod
 ad Nares patet, per motum to-
 nicum Musculorum Salpingosta-
 phylinorum: quos proinde; si
 ambo erodantur; Gravitationem Au-
 ditus inducere in utrâque Aure,
 observatur; si verò alteruter; in
 alterutrâ. Cap. V. N. XII. 94
- Uvulæ Corpus per suos Musculos
 Pharyngostaphylinos extendi po-
 test in quandam veluti Valvulam;
 & sic in Deglutitione, necnon
 in quibusdam audiendi casibus apta
 est Orificium Pharyngis ad Nares
 restringere; maximè cùm versùs
 ejusdem Orificii medium tunc pe-
 culiari ter adducatur à Musculis suis
 Salpingostaphylinis se contrahen-
 tibus. Cap. II. N. XXI. 41
- Et Cap. V. N. XII. 93, 94
- Uvulæ Musculi Glossostaphylini. II.
 N. XIX. 35
- Horum Delineatio Tab. V. F. I.
 Pharyngostaphylini. Vid. Pharyn-
 gis Musculi Cephalopharyngæi
 communiter vocati.
- Salpingostaphylini, non à Pro-
 cessu Pterygoide, ut creditur (nam
 vocantur passim Pterygostaphylini
 Interni) sed à Parte Osseâ Tubæ
 Eustachianæ exoriuntur. Cap. II.
 N. XIX. 35
- Horum Delineatio Tab. V. VI.
 & IV.
- Uvula. Vid. Pharyngis &c.
- Z.
- Z**onæ Sonoræ Canaliculi Semi-
 circularium Cap. III. N. XII. 56
- Harum Delineatio Tab. VIII.
 F. VIII. IX. X. & Tab. X. F.
 III.
- Earundem inveniendarum ratio.
 &c. Cap. III. N. XIII. 57
- Cætera ad easdem attinentia Vid.
 Cap. VI. N. IV. V. VII. VIII.
 100 & seq.


F I N I S.

TAB. I.





Fig^a I.



Fig^a II.



Fig^a III.



Fig. IV




Fig. VI.



Fig. VII.



Fig. VIII.




Fig. V.




Fig. X.



Fig. XI.



Fig^a VIII.



Fig. XII.






Fig. XIII



Fig^a XIV.



H. Lenting. Sculpsit.



This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some faint smudges and discoloration, characteristic of old paper. The left edge of the page shows the binding of the book. There is no text or other markings on the page.

Tab. IV.

This anatomical engraving, labeled 'Tab. IV.', depicts the human larynx and pharynx from a frontal perspective. The central feature is the larynx, with the vocal folds (labeled 'E') and the glottis (labeled 'D') clearly visible. The surrounding structures, including the pharynx (labeled 'B') and the laryngeal cartilages (labeled 'A'), are shown in detail. The illustration is heavily annotated with letters (A through Z) to identify specific anatomical features. The engraving is a high-quality, detailed representation of the human vocal tract, likely from a medical or scientific text.

H. Lenting, Groninganus. Sculpfit.

TAB. VI.



FIG. II.




FIG. I.




FIG. V.




FIG. III.




FIG. IV.




Fig. 1.




Fig. II.



Fig. III.




FIG. IV. I



Fig. V.



Fig. VI.




Fig. VII.



fig. VIII.




FIG. IX.



FIG. X.



Fig. XI



H. L. . Seilowitz.

TAB. IX.



A		
I		7.
II		5. $\frac{1}{2}$
III		5.

B		
I		6. $\frac{1}{2}$ <i>et ultra</i>
II		5. $\frac{1}{2}$ <i>et ultra</i>
III		5. <i>et ultra</i>

C		
I		6.
II		5. $\frac{1}{2}$ <i>et ultra</i>
III		4. $\frac{1}{2}$

D		
I		6. $\frac{1}{2}$
II		5. $\frac{1}{2}$
III		4. $\frac{1}{2}$

E		
I		7. $\frac{1}{2}$
II		6. <i>et ultra</i>
III		3. $\frac{1}{2}$ <i>et ultra</i>

F		
I		8.
II		7. <i>et ultra</i>
III		5. $\frac{1}{2}$

G		
I		6.
II		5. $\frac{1}{2}$ <i>et ultra</i>
III		3. $\frac{1}{2}$

H		
I		7.
II		6. $\frac{1}{2}$ <i>et ultra</i>
III		4. $\frac{1}{2}$

I		
I		6. $\frac{1}{2}$
II		6.
III		4. $\frac{1}{2}$

K		
I		7.
II		6. $\frac{1}{2}$ <i>et ultra</i>
III		4. <i>et ultra</i>

L		
I		5. $\frac{1}{2}$
II		5.
III		3. $\frac{1}{2}$

M		
I		6.
II		5. $\frac{1}{2}$
III		3. $\frac{1}{2}$

N		
I		7. <i>et ultra</i>
II		6. $\frac{1}{2}$
III		4. $\frac{1}{2}$

O		
I		6. $\frac{1}{2}$
II		5. $\frac{1}{2}$ <i>et ultra</i>
III		3. $\frac{1}{2}$

